

ՄԻՋԻՆ ԴԱՍԸՆԹԱՑԻ  
ՄԱՅՐԵՆԻ ԼԵԶՈՒԻ

ՊԱՏՐԱՍՏԵՑ

ԵՂԻՇԷ ՔԶՆՅ. ԳԱԼՉՆՃԵԱՆ  
ՄԱՆԿԱՎԱՐԺԱԿԱՆ ԴՐՈՒԹԵԱՄԲ



ԵՐԱՆ ՀՐԱՏԱՐԱԿՈՒԹԻՒՆ

ՊՕՍԹԸՆ



**ՄԻՋԻՆ ԴԱՍԸՆԹԱՑՔ  
ՄԱՅՐԵՆԻ ԼԵԶՈՒԻ**

---

**ՊԱՏՐԱՍՏԵՑ**

**ԵՂԻՇԷ ՔԶՆՅ. ԳԱԼՉՆՃԵԱՆ  
ՄԱՆԿԱՎԱՐԺԱԿԱՆ ԴՐՈՒԹԵԱՄԲ**

---

**ԵՐԱՆ ՀՐԱՏԱՐԱԿՈՒԹԻՒՆ  
ՊՕՍԹԸՆ**

COPYRIGHT 1917 BY  
E. A. YERAN, BOSTON

---

ALL RIGHTS RESERVED.



# Ե Ր Կ Ո Ւ Խ Օ Ս Ք

(ՅԱՌԱՋԱԲԱՆԻ ՏԵՂ)

Նպատակս յառաջաբան մը գրելով, գործիս ներբողականը ընել չէ, այլ միայն մատնանչել այն իսկապէս կարեւոր պակասը որ գոյութիւն ունի այսօր Ամերիկայի մէջ, նամանաւանդ ներկայ աղէտալի պատերազմի ծագումէն ի վեր, յորում զրկուած յարաբերական միջոցներէ, կարելի չէ եղած ցարդ յարմար դասագրքեր բերել տալ, մեր նորահաս մատաղ սերունդին մայրենի լեզուն սորվեցնելու համար:

Հայրենիքի վիճակը և աննման ու պատուական սերունդներու անմխիթար կորուստը ուշաբերեց Նոր-Աշխարհի Հայութիւնը և վառեց անոր մտքին մէջ սա՛ բանաւոր գաղափարը թէ հայ ազգի ապագայ տարրը պիտի կազմէ այսուհետեւ արտասահմանի ու մանաւանդ Ամերիկահայոց մատաղ սերունդը և այդ գաղափարէն թելադրուած սկսաւ ուժ տալ հայ դպրոցներու բացման գործին: Ու այսօր ուրախառիթ և մխիթարիչ է տեսնել զրեթէ ամեն կողմ նորաբաց դպրոցներ առաւել կամ նուազ գոհացուցիչ պայմաններով, ուր հայ մանուկը պիտի սորվի իր մայրենի լեզուն և իր ցեղին անցեալ պատմութիւնը:

Սակայն հակառակ տիրող եռանդին ու գործունէութեան, դպրոցական խնդիրը իր առաջին քայլին ցցուած գտաւ իր դէմ շատ կարեւոր խոչնդոտ մը նոյն իսկ այդ կենսունակ և սուրբ գործը խանդարելու չափ զօրաւոր այսինքն յարմար դասագրքերու չգոյութիւնը ներկայիս Ամերիկայի մէջ, ու գտնուածներն ալ թերևս եղած չըլլան ամբողջական գործ մը:

**Չենք գիտեր թէ մեր այս աշխատասիրութիւնը կը պարունակէ՞ իր մէջ պահանջուած յատկութիւնները եւ կրնա՞յ ամբողջական գործ մը նկատուիլ: Թող խղճամիտ ուսուցիչք և ընթերցողք իրենց գոյացուցած համոզման համեմատ հաճին պատասխանել:**

**Մեր առաջին ջանքը եղաւ մանկավարժական դրութեամբ պատրաստել այս գիրքը, երկրորդ ջանացինք բուրովին դիւրուսոյց ընել զայն, գործածելով տղոց սիրելի և հաճելի լեզուն եւ զգուշանալով ծանրաբեռնելէ խորթ և դժուարահնչիւն բառերով. երրորդ և ամենակարեւոր կէտը համարեցինք, այս գործի յաջողութեան և օգտակարութեան համար, մասնաւոր դասընթացքի ձեւով և բաժանումներով պատրաստել զայն, որպէսզի աշակերտը մէկ գրքով կարենայ սորվիլ ընթերցանութիւն, ուղղագրութիւն, բառագիտութիւն, շարադրութիւն, կրօնք եւ Ազգ. Պատմութիւն:**

**Լօրէնս, 30 Մայիս 1917**

**ԵՂԻՇԷ ՔԶՆՅ. ԳԱԼՉՆՃԵԱՆ**

# ՄԻՋԻՆ ԴԱՍԸՆԹԱՑՔ

## ՄԱՅՐԵՆԻ ԼԵԶՈՒԻ

Դ Ա Ս 1

ԸՆԹԵՐՑԱՆՈՒԹԻՒՆ

ԴՊՐՈՑԸ

Ես դպրոց կերթամ կարդալ և գրել սորվելու համար: Գիտեմ որ կարդալ գրել չը գիտցող տղաք երբ մեծնան շատ նեղութիւն կը քաջեն իրենց հացը ճարելու համար և պատուաւոր մարդոց հաճելի չեն ըլլար:

Տգէտ մարդ մը անասուններու պէս կապրի առանց գիտնալու թէ ինչո՞ւ կապրի և ի՞նչ կանցնի կը դառնայ աշխարհիս վրայ:

Ծնողքս ամեն հոգ կը տանի ինծի համար. ուստի ես ալ պէտք է որ սիրով դպրոցս երթամ ու վարժապետիս տուած դասերը լաւ մտիկ ընելով սորվիմ: Բնաւ ծուլութիւն պիտի չընեմ որպէսզի դասերուս մէջ ետ չմնամ ու կարգիս ամենէն յառաջագէմը ըլլամ:

Դպրոցը տանս պէս և վարժապետս ալ ծնողքիս չափ կը սիրեմ, որովետեւ անիկա իմ մտքիս սնունդը կուտայ, ինչպէս որ հայրս ալ մարմինիս սնունդը կուտայ: Վարժապետիս տուած դասերը միշտ լաւ կը պատրաստեմ և տուած խրատները մտիկ կընեմ, որովհետեւ գիտեմ որ անիկայ իմ օգուտիս համար կաշխատի:

Դպրոցին մէջ կը գտնուին գրասեղաններ եւ նստարաններ, գրատախտակ եւ կաւիճ, կաղամարներ եւ գրիչներ, գիրքեր եւ տետրակներ. պատերուն վրայ գեղեցիկ պատկերներ, աշխարհացոյց քարտէսներ, դաշնակ են.:

**ՀԱՐՑՈՒՄՆԵՐ:** Ինչո՞ւ դպրոց կերթաս: Հոն ի՞նչ կը կրես: Ինչո՞ւ կը սիրես դպրոցը եւ վարժապետը եւ ինչո՞ւ անոր խօսքը մտիկ կը կրես: Դպրոցին մէջ ի՞նչ կը գտնուի:

### ՈՒՂՂԱԳՐՈՒԹԻՒՆ

Դասատուն: Տղա՛ք, ի՞նչ ըսել է ուղղագրութիւն:

Աշակերտը: Ամեն մէկ բառ իրեն յատուկ գրերով կը գրուի. օրինակի համար դպրոց բառը կը գրեմ դ, պ, ր, ո, ց գրերը իրարու քով շարելով. եթէ դին տեղը թ եւ ոին տեղն ալ օ գրեմ սխալ գրած կըլլամ եւ ուրիշ կարգացող մը վրաս կը խնդայ: Անոր համար պէտք է աշխատիմ որ ամեն բառ ուղիղ գրել սորվիմ: Ուրեմն բառերը ճիշդ գրերով գրելուն կըսեն ուղղագրութիւն:

Դասատուն: Տղա՛ք, սա տակի տողին վրայ գրուած բառերուն մէջ ո՞ր գիրերը սխալ գրուած են:

Կարթալ, մէծնան, հաճ, կէնքանի, հոբ, սիրէմ, մոգիս, քրատաղտաբ, քիբգ:

(Աշակերտները կուղղեն տառասխալները):

Դասատուն: Տղա՛ք, ի՞նչպէս գիտցաք թէ վերի բառերուն մէջ որ գրերը սխալ են:

Աշակերտք: Որովհետեւ այդ բառերը այսօրուան դասերնուս մէջ կան եւ սորված ու կարդացած ատեննիս ուշագրութիւն ըրինք որ սորվինք թէ ամեն մէկ բառ ի՞նչ գրերով կը գրուի:

Generated on 2016-07-19 06:52 GMT / http://hdl.handle.net/2027/hvd.32044098778665  
Public Domain, Google-digitized / http://www.hathitrust.org/access\_use#pd-google



## Դ Ա Ս 2

### ԸՆԹԵՐՑԱՆՈՒԹԻՒՆ

#### ԿՐՕՆՔ

##### ԱՇԽԱՐՀԻ ՍՏԵՂԾՈՒՄԸ

Աշխարհի վրայ ապրող ամեն մարդ, ամեն կենդանի և ամեն տեսակ բոյսեր, ծառեր, ծաղիկներ և պտուղներ ինքնիրեն չեն եղած այլ զօրաւոր մէկը ստեղծած է զանոնք որ կը կոչուի Աստուած:

Բոյսերը և ծառերը չեն զգար և կենդանիներն ալ չեն խօսիր, միայն մենք մարդիկներս ենք որ կզգանք ու կը մտածենք թէ մեզի ստեղծող Աստուածը պէտք է սիրենք և միշտ աղօթք ընելով խնդրենք որ մեզի փորձանքներէ պահէ, հիւանդ չըլլանք և մեր գործած յանցանքները ներէ:

Կրօնքը մեզի կը սորվեցնէ թէ ինչո՞ւ պէտք է Աստուած սիրենք և ինչպէս պէտք է պաշտենք անիկայ:

Հիմայ տեսնենք թէ Աստուած ի՞նչպէս ըստեղծեց աշխարհը:

Աշխարհը դեռ չստեղծուած ձեւ մը չունէր և ամեն կողմը մութ էր:

Առաջին օրը Աստուած հրամայեց որ լոյս ըլլայ և եղաւ. լոյսին անունը ցորեկ և մութին անունն ալ գիշեր դրաւ: Երկրորդ օրը Աստուած երկինքը երկիրէն զատեց: Երրորդ օրը հրաման ըրաւ որ ամեն տեսակ ծառեր և բոյսեր բուսնին: Չորրորդ օրը արեւը, լուսինը և աստղերը ստեղծեց: Հինգերորդ օրը երկինքի թռչունները եւ

*ծովու ձուկերը ստեղծեց: Վեցերորդ օրը երկրի վրայի բոլոր կենդանիները ստեղծեց, յետոյ գեանէն հող առնելով մարդը շինեց և անոր երեսին փչելով հողի տուաւ և անունը դրաւ Ադամ:*



ԱԴԱՄ ԵՒ ԵՎԱ ԵՐՁԱՆԻԿ ԿԱՊՐԷՆ

*Երբ Աստուած այս բոլորը վեց օրուան մէջ լմնցուց եօթներորդ օրը հանգիստ ըրաւ. անոր համար մենք ալ պէտք է որ շաբթուան վեց օրը աշխատինք և եօթներորդ օրը սուրբ պահենք: Յետոյ Աստուած տեսնելով որ Ադամ առան-*

ձին է և օգնական մը չունի, անոր կողէն ոսկոր մը հանեց տեղը միս լեցուց և այդ ոսկորով կինը շինեց և անունը դրաւ Եւա :

Այսպէս Ադամ և Եւա երջանիկ կապրէին եւ կը վայելէին դրախտի բոլոր բարիքները :

**ՀԱՐՑՈՒՄ :** Ո՞վ է Աստուած : Կրօնքը մեզի ի՞նչ կը սորվեցնէ : Աստուած աշխարհս ի՞նչպէս և քանի՞ օրէն ստեղծեց : Ադամ և Եւա ինչպէ՞ս ստեղծուեցան :

### ՈՒՂՂԱԳՐՈՒԹԻՒՆ

**Դասատուն :** Տղա՛ք, տետրակնիդ բացէք և գրեցէք հինգ հատ կենդանիի, հինգ հատ պտուղի, և հինգ ալ ծաղիկի անուններ :

(Յետոյ դասատուն գրատախտակին վրայ աչակերտներէն մէկուն գրել կուտայ նոյն անունները և միւսները իրենց տետրակին վրայ կը սրբագրեն սխալներնին) :

### Դ Ա Ս 3.

### ԸՆԹԵՐՑԱՆՈՒԹԻՒՆ

### ՀԱՅՈՑ ՊԱՏՄ ՈՒԹԻՒՆ

### ՀԱՅԿ

Տղաք, աշխարհի վրայ ապրող ամեն ազգեր իրենց համար անուն մը ունին, ինչպէս, Անգլացի, Գաղղիացի, Ռուս, Պուլկար, Յոյն ևն. մենք ալ ունինք մեզի համար սիրելի անուն մը և կը կոչուինք հայ որ մեր ազգի անունն է :

Ասկէ 4000 տարի առաջ, ջրհեղեղէն վերջը  
Նոյի սերունդէն Թորգոմին տղան Հայկ անունով  
քաջ մարդ մը մեր Թագաւորութիւնը հաստատեց  
և անոր անունով կոչուեցանք հայ:



ՀԱՅԿ

Այն ատենները Բէլ անունով հսկայ մարդ  
մը կուզէր որ ամեն մարդ զինքը իբր Աստուած  
պաշտէ. Հայկ չը հնազանդեցաւ և Բէլ լուր զրկեց

որ եթէ չհնազանդի, բոլոր ընտանիքովը պիտի սպաննուի :

Հայկ կարեւորութիւն չտուաւ և Աստուծոյ ապաւինելով պատերազմի սկսաւ Բէլլին հետ եւ աղեղով սպաննեց զայն ու բոլոր մարդիկը 'ազատեց այդ չար և ամբարտաւան մարդէն :

Հայկ շատ մը քաղաքներ շինեց, անոնց մէջ օրէնքներ դրաւ և ժողովուրդը 400 տարիի չափ լաւ կերպով կառավարելէ վերջ մեռաւ :

---

ՀԱՐՑՈՒՄ : Ո՞վ էր Հայկ : Ո՞վ էր Բէլ և ինչ կուզէր :  
Հայկ ի՞նչ ըրաւ Բէլին : Ի՞նչպէս ապրեցաւ Հայկ :

## ՈՒՂԱԳՐՈՒԹԻՒՆ

Դասատուն : Տղաք, տետրակներնուդ մէջ գրեցէք շարթուան 7 օրերուն անունները :

(Յետոյ աչակերտներէն մէկուն նոյն անունները գրել կուտայ տախտակին վրայ և միւսները կը սրբագրեն) :

Հիմայ գրեցէք տարուան չորս եղանակներու անունները . (դասատուն թող բացատրէ թէ ի՞նչ ըսել է եղանակ : Եթէ աչակերտներուն կարողութիւնը կը ներէ, այս ուղղութեամբ թող գրել տայ ամիսներու անունները) :

Դ Ա Ս 4.

ԸՆԹԵՐՑԱՆՈՒԹԻՒՆ

ԾՆՈՂՔԻ ՍԷՐ. ՀԱՅՐԸ

Հայր մը և իր տղաքը նման են ծառի մը՝ իր ճիւղերով մէկտեղ: Ինչպէս որ ծառը ճիւղերուն հիւթ և սնունդ կուտայ, այնպէս ալ հայր մը իր ունեցածը կը բաժնէ իր զաւակներուն հետ. եթէ պատահաւ մը հաց ունի անոնց կուտայ. իսկ եթէ հաց ալ չունի իր արիւնը կուտայ անոնց:

Կուզէ՞ք գիտնալ թէ ի՛նչպէս հայր մը իր արիւնը կուտայ զաւակներուն. մտիկ ըրէք սա պատմութիւնը:

Հայր մը կար որ չորս զաւակ ունէր. ինքը շատ թշուառ ըլլալով տունը հաց չէր մնացեր:

Լսելով որ մօտակայ բժշկական դպրոցին մէջ վարձք կուտային անոնց որ իրենց թեւէն արիւն առնել կուտային, ելաւ հոն գնաց, երկու բազուկները երկնցուց և արիւնը վազցուց ու վարձքը առնելով գնաց հաց գնեց ու տղոցը բերաւ որ ուտեն: Թշուառ հայրը երջանիկ էր հիմայ ինչու որ իր տղաքը այլ եւս անօթի չէին:

Այո, պէտք է սիրէք ու յարգէք ձեր հայրը: Ով որ իր հայրը չը սիրեր, վատ է:

---

ՀԱՐՑՈՒՄ: Գոց պատմէ այս պատմութիւնը: Հայր մը և իր տղաքը ի՞նչի կը նմանին: Ինչո՞ւ պէտք է սիրէք ձեր հայրն ու մայրը:

## ՈՒՂՂԱԳՐՈՒԹԻՒՆ

Դասատուն: Տղաք, տետրակնիդ բացէք և գրեցէք թէ տան մը խոհանոցին մէջ ինչեր կը գտնուին: (Յետոյ աշակերտի մը գրել կուտայ տախտակին վրայ նոյն անուաները որպէսզի միւսները սրբագրեն սխալներնին):

### Դ Ա Ս 5.

## ԸՆԹԵՐՑԱՆՈՒԹԻՒՆ

ԿՐՕՆՔ.

ԱԴԱՄԻ ԵՒ ԵՒԱՅԻ ԱՆՀՆԱԶԱՆԴՈՒԹԻՒՆԸ

ԿԱՅԷՆ ԵՒ ԱԲԷԼ

Աստուած Ադամի և Եւայի հնազանդութիւնը փորձելու համար պատուիրեց որ դրախտին մէջ գտնուած բոլոր ծառերու պտուղներէն ուտեն, միայն ծառ մը ցուցուց և արգիլեց անոր պտուղէն ուտել:

Օր մը օձը Եւային ըսաւ. «Գիտե՞ս ինչու Աստուած այդ ծառին պտուղէն ուտել արգիլեց. որովհետեւ եթէ ուտէք դուք ալ իրեն պէս Աստուած կըլլաք»:

Եւա օձէն խաբուելով պտուղը կերաւ և Ադամին ալ տուաւ: Այն ատեն իրենց յանցաւոր ըլլալնին հասկնալով գնացին ու պահուրտեցան: Աստուած խմանալով բարկացաւ և անոնց պատիժներ տալով դրախտէն վճնտեց:

Ադամ և Եւա սկսան հողագործութիւն ընելով հացերնին ճարել: Անոնք երկու զաւակ ունեցան Կայէն և Աբէլ: Կայէն բնութեամբ նախան-

ձոտ ու չար էր իսկ Աբէլ խոհեմ և պարկեշտ էր :  
Անգամ մը Աբէլ իր ոչխարներուն ամենէն գեղե-  
ցիկը զատելով տարաւ Աստուծոյ մատաղ բրաւ .



ԿԱՅԻՆ ԿՄՊԱՆՆԵՒ ԻՐ ԱԲԷԼ ԵՂԲԱՅՐԸ

Աստուած ալ ընդունեց և օրհնեց անիկայ : Կայէն  
ալ իր բերքերուն ամենէն գէշ պտուղները զատե-  
լով Աստուծոյ նուիրեց բայց Աստուած չընդու-  
նեց : Ասոր վրայ Կայէն նախանձելով բարկացաւ  
և օր մը Աբէլը սպաննեց : Աստուած պատժեց Կա-  
յէնը և անիծեց զայն :

Աստուած Աբէլին տեղ ուրիշ զաւակ մը պար-  
գեւեց Ադամի եւ Եւայի որուն անունը Սէթ էր :  
Անոնք ուրիշ զաւակներ ալ ունեցան և այսպէս  
սկսան շատնալ եւ երկիրը լեցնել :

Ադամ 900 տարի ապրելէ վերջ մեռաւ :



**ՀԱՐՑՈՒՄ :** Գոց պատմեցէք այս պատմութիւնը :  
**Աստուած ի՞նչ պատուիրեց Աղամի և Եւայի : Եւա ինչո՞ւ  
կերաւ արգիլուած պտուղը : Քանի՞ զաւակ ունեցան . Կա-  
յէն ինչո՞ւ սպաննեց Աբէլը : Ուրիշ զաւակ ալ ունեցա՞ն :**

### **ՈՒՂՂԱԳՐՈՒԹԻՒՆ**

Դասատուն վերի պատմութեան մէկ քանի տողերը  
կարդալով գրել կուտայ աշակերտներուն և յետոյ անոնց-  
մէ մէկուն գրատախտակին վրայ գրել տալով, միւսնե-  
րուն ալ սրբագրել կուտայ իրենց տառասխալները :

Դասատուն : Տղա՛ք, գիտէ՞ք թէ ինչու համար Աստ-  
ուած, Աղամ, Եւա բառերը գլխագիրով գրուած են . ո-  
րովհետեւ մարդոց, Աստուծոյ, սուրբերու, երկիրներու,  
քաղաքներու, լեռներու, գետերու, ծովերու ևն . անուն-  
ները գլխագիրով կը գրուին :

---

### **Դ Ա Ս 6.**

### **ԸՆԹԵՐՑԱՆՈՒԹԻՒՆ**

### **ՀԱՅՈՑ ՊԱՏՄ ՈՒԹԻՒՆ**

### **ԱՐՄԵՆԱԿԷՆ ՄԻՆՉԵՒ ԱՐԱՄ**

Հայկին յաջորդեց իր տղան Արմենակ որ եր-  
կիրը բաւական շէնցուց : Արմենակին յաջորդեց  
Արամայիս որ քանի մը քաղաքներ շինեց : Անոր  
յաջորդեց Ամասիա որուն անունով Արարատ լե-  
ռը Մասիս կոչուեցաւ : Ամասիա Շարայ անու-  
նով եղբայր մը ունէր որ Շիրակ քաղաքը կը բը-  
նակէր . ասիկայ չափազանց շատ ուտող ըլլա-

լուն համար մինչեւ հիմայ առակ եղած է և երբ շատակեր մարդ մը տեսնան կըսեն. «Շթէ դուն Շարայի ստամոքսը ունիս մենք Շիրակի ամբարները (բացատրէ այս բառը) չունինք:

Ամասիային յաջորդեց Գեղամ: Այն ժամանակները դրացի ազգերը սկսան Հայաստանի վրայ քալել: Ասոր յաջորդը Արամ որ Հայկի նրման շատ քաջ մէկն էր, Հայաստանը ազատեց թշնամիներէն: Նախ Նիւքեար անունով թշնամին բռնեց և բարձր աշտարակի մը ծայրը գամել տուաւ, միւսներն ալ սպաննեց և բոլոր թշնամիները ցրուեց:

Նինոս մեծ թագաւորը Արամին քաջութիւնները լսելով վախցաւ և անոր բարեկամութիւնը շահելու համար գեղեցիկ նուէր մը ղրկեց:

Արամ 58 տարի իշխեց և Հայաստանը շէնցուց. օտարները սկսան անոր անունով Արմէնիա (Էրմէնի) կոչել հայերը:

---

ՀԱՐՑՈՒՄ: Հայկին ո՞վ յաջորդեց: Արմենակին ո՞վ յաջորդեց: Ամասիա ի՞նչ ըրաւ: Ո՞վ էր Շարա: Ո՞վ էր Գեղամ և իր ատեն ի՞նչ պատահեցաւ: Ո՞վ էր Արամ եւ ինչե՞ր ըրաւ: Ինչո՞ւ համար Արմէնիա (Էրմէնի) կոչուեցանք:

## ՈՒՂՂԱԳՐՈՒԹԻՒՆ

Դասատուն ազարակ բառով նախադասութիւն մը կը շինէ և աշակերտներուն գրել կուտայ. յետոյ անոնցմէ մէկուն տախտակին վրայ գրել տալով միւսներն ալ կը սրբագրեն իրենց սխալները:

Դ Ա Ս 7.

ԸՆԹԵՐՑԱՆՈՒԹԻՒՆ  
ԾՆՈՂՔԻ ՍԷՐ. ՄԱՅՐԸ



Հազիւ թէ ծնած է, մանուկը արցունք թափել կուտայ իր մօրը: Խեղճ մանկիկ: Տեսէ՛ք, տկար, մերկ, պզտիկ արարած մէ, կը պոռայ, կը ճուռայ: Ո՞վ պիտի խնամէ զայն:

Իր մա՛յրը, իր անուշի՛կ մայրը:

Պիտի գրկէ զայն իր թեւերուն մէջ, պիտի գգուէ, անոր կաթ պիտի տայ որպէսզի մեծնայ: Իր քով կը քնացնէ, վրան կը հսկէ, կը խնամէ որ չհիւանդանայ:

Մօր մը սիրտը գգուանքի գանձարան մէ իր սղոց համար:

Տղա՛ք, բնաւ չէ՞ք տեսած մայր մը որ գիշերն ի բուն հսկէ, մինչ տնեցիք ամենն ալ խոր քունի մէջ են, և մինաւորիկ նստած ճրագին առջեւ՝ կար կը կարէ կամ գուլպայ կը հիւսէ:

Իր սղոց համար է որ կաշխատի, անոնց սիրուն համար է որ իր հանգիստը կը մոռնայ:

Տղա՛ք, սիրեցէք ձեր մայրը, յարգեցէք

զայն. չըլլայ որ անոր փափուկ սիրտը ցաւցնէք :  
Եւ երբ տարիքը առնէ, անոր ծերութեանը  
նեցուկ եղէք, երեսի վրայ մի ձգէք :

ՀԱՐՑՈՒՄ : Ի՞նչ է մայր մը : Ի՞նչ կընէ իր տղոց հա-  
մար : Տղաք ի՞նչ պէտք է ընեն իրենց մօր :

### ՈՒՂՂԱԳՐՈՒԹԻՒՆ

Դասատուն : Հիմայ գրեցէք տետրակներնուդ մէջ թէ  
ինչ առարկաներ կը գտնուին ձեր տան ննջասենեակին  
մէջ : (Նախորդ ձեւով տախտակին վրայ գրել տալով  
պէտք է սրբագրել տալ) :

### Դ Ա Ս 8.

### ԸՆԹԵՐՑԱՆՈՒԹԻՒՆ

### ԿՐՕՆՔ.

### ՋՐ ՀԵՂԵՂԸ

Մարդիկ հետզհետէ սկսան շատնալ երկրի  
վրայ. անոնցմէ Կայէնի սերունդը շատ չար էր և  
սկսած էր Աստուած մոռնալ : Սէթի զաւակները  
բարի էին, մանաւանդ անոնց մէջէն Նոյ անունով  
մարդ մը կար որ Աստուծոյ շատ սիրելի եղած  
էր և իր զաւակներն ալ Սէմ, Գամ և Յարէթ ի-  
րենց հօրը պէս բարի էին :

Աստուած տեսնելով որ մարդոց չարութիւ-  
նը երթալով կը շատնայ, կանչեց Նոյ և անոր ը-  
սաւ. «Ես չար մարդիկները պիտի պատժեմ ու  
մեռցնեմ. դուն իմ ըսած ձեւովս մեծ նաւ մը շի-

նէ (տապան) առ քու կինդ, զաւակներդ ու բոլոր ընտանիքդ, նաև ամեն կենդանիներէն ալ երկերկու զոյգ և տապանը մտիր»): Նոյ Աստուծոյ հրամանը կատարեց ու բոլոր ունեցածներովը տապանը մտաւ և Աստուած ալ վրաներնուն դուռը բացեց:

Այն ատեն սկսաւ սաստիկ անձրեւ գալ ու երկրէն ջուր պոռթկալ 40 օր և 40 գիշեր: Զուրերը այնչափ շատցան ու բարձրացան որ ամենէն բարձր լեռները ծածկեցին: Նոյի տապանը միայն կը ծփար ջուրերուն վրայ. մնացեալները մարդ և կենդանի բոլորն ալ խեղդուեցան: 150 օր վերջը Նոյի տապանը Արարատ լեռան վրայ նստաւ: Այն ատեն Նոյ պատուհանը բանալով ազոաւ մը թոցուց որ գնաց և ետ չդարձաւ: Ութ օր վերջ աղանի մը թոցուց որ գնաց և ետ դարձաւ: Ութ օր վերջ դարձեալ աղանին թոցուց որ գնաց և իրիկուան ետ դարձաւ կտուցին մէջ ձիթենիի ճիւղով մը: Նոյ հասկցաւ որ ջուրերը քաշուեր են, բացաւ տապանին դուռը և բոլոր իրեններովը դուրս ելլելով, անմիջապէս սեղան շտկեց, զոհ ըրաւ և փառք տուաւ Աստուծոյ որ զիրենք ազատեց այդ ջրհեղեղէն:

Աստուած օրհնեց Նոյ և անոր զաւակները և խոստացաւ որ անկէ վերջ ալ ջրհեղեղով չպիտի պատժէ մարդիկները և իրեն խոստումին իբրեւ ապացոյց ծիրանի գօտին ցուցուց:

Նոյ սկսաւ երկրագործութեամբ զբաղիլ եւ Աստուծոյ հրամանաւ առաջին անգամ ըլլալով այգի տնկեց և գինի պատրաստեց:

Նոյ 650 տարի ապրելէ վերջ մեռաւ:

**ՀԱՐՑՈՒՄ :** Աստուած ինչո՞ւ պատժեց մարդիկները :  
Ջրհեղեղը ի՞նչպէս եղաւ . ո՞վ ազատեցաւ : Նոյ ի՞նչպէս  
ապրեցաւ :

## ՈՒՂՂԱԳՐՈՒԹԻՒՆ

Դասատուն : Տղա՛ք, գրեցէք սա կենդանիներու ա-  
նունները . (բերանացի ըսելով) Շունը, հաւը, կովը, ոչ-  
խարը, առիւծը, կապիկը :

Ձապէ՛լ, տունը բառով խօսք մը չինէ :

Աշակերտը : Շունը հաւատարիմ կենդանի է :

Դասատուն : Շատ լաւ, ամենքդ ալ գրեցէք այս խօս-  
քը : (Յետոյ տախտակին վրայ գրել կուտայ սրբագրու-  
թեան համար) :

## Դ Ա Ս Գ .

### ԸՆԹԵՐՑԱՆՈՒԹԻՒՆ

#### ՀԱՅՈՑ ՊԱՏՄ ՈՒԹԻՒՆ

#### ԱՐԱՅԷՆ ՄԻՆՁԵՒ ՏԻԳՐԱՆ

Արամին յաջորդեց իր որդին Արայ որ շատ  
գեղեցիկ ըլլալուն համար կոչուեցաւ Արայ գեղե-  
ցիկ : Շամիրամ անուն օտար թագուհի մը Արա-  
յին գեղեցկութեանը հաւնելով ուզեց անոր հետ  
ամուսնանալ, բայց Արայ մերժեց և Շամիրամ  
բարկանալով անոր դէմ պատերազմի ելաւ : Ա-  
րայ թէեւ շատ քաջութեամբ կռուեցաւ բայց պա-  
տերազմի միջոցին մեռաւ :

Շամիրամ Հայաստանի օդին և տեղին գե-  
ղեցկութեանը հաւնելով քաղաք մը շինել տուաւ

ամառը բնակելու համար որ իր անունով կոչուեցաւ Շամիրամակերտ կամ Վան:

Արայէն վերջ թէեւ շատ մը ուրիշ թագաւորներ եկան բայց կարեւոր բան մը չըրին:

Անոնցմէ ամենէն երեւելին եղաւ Տիգրան Ա. որ Հայաստանը նորոգեց և բոլոր թշնամիները ջնջեց, մանաւանդ Աժդահակը որ ամենէն զօրաւորն էր որ տեսնելով Տիգրանի քաջութիւնը ուզեց խարդախութեամբ բռնել և սպաննել. ասոր համար Տիգրանին քոյրը Տիգրանուհին իրեն կին առաւ և իր միտքը անոր յայտնեց. ան ալ իր եղբորը իմացուց: Տիգրան քոյրը ազատելու համար պատերազմը ուղացուց և քոյրը փախցուց: Պատերազմին տաք ատենը Տիգրան զարկաւ ըսպաննեց Աժդահակը:

Տիգրան շինեց Տիգրանակերտ քաղաքը, ուրիշ շատ մը քաջութիւններ ըրաւ և 45 տարի թագաւորելէ վերջ մեռաւ:

Տիգրանէն վերջ ուրիշ շատ թագաւորներ ալ եկան և Հայոց առաջին թագաւորութիւնը որ Հայկազանց կոչուեցաւ, 200 տարի դիմանալէ ետք վերջացաւ:

---

ՀԱՐՑՈՒՄ : Ո՞վ էր Արայ. Շամիրամ ի՞նչ ըրաւ : Ո՞վ էր Տիգրան Ա. և ինչե՞ր ըրաւ : Ինչո՞ւ կոչուեցաւ Հայկազանց թագաւորութիւն եւ որչափ դիմացաւ :

## ՈՒՂԱԳՐՈՒԹԻՒՆ

Ամէն մարդ կը սիրէ բարի և աշխատասէր աշակերտը. ծռլ տղան բնաւ չսիրուիր եւ երբ մեծնայ, թէ անպատիւ մէկը կըլլայ և թէ շատ ալ թշուառ կը մնայ :

(Դասատուն նախ աշակերտներուն գրել կուտայ իրենց տետրակներնուն մէջ և յետոյ տախտակին վրայ, սրբագրութեան համար) :

Դ Ա Ս 10.

ԸՆԹԵՐՑԱՆՈՒԹԻՒՆ

ԳԵՂԱՑԻՆ ԵՒ ՕԶԸ

Գեղացի մը, ձմեռ ատեն,  
Տուն դառնալով իրիկուան դէմ  
Իրեն գեղին մօտ անտառէն՝  
Ճամբուն վրայ տեսաւ յանկարծ  
Երկայն օձ մը որ էր պառկած.  
«Սառած է խեղճ—ըսաւ մտքէն—  
Տանիմ տունս, ի՞նչ կըլլայ,  
Գուցէ նորէն ողջըննայ»:  
Խեղճ գեղացին ողորմեցաւ,  
Պոչէն բռնած առաւ տարաւ,  
Եւ կրակին քով զգոյշ դրաւ:  
«Քիչ մը ես ալ հանգչիմ ըսաւ»:  
Անցաւ վրան քիչ ժամանակ,  
Օձն անիրաւ տաքնալուն պէս՝  
Վերցուց գլուխը և նայեցաւ,  
Ու Փշալով օղակ օղակ՝  
Դէպի գեղացին բարերար  
Սողոսկեցաւ թշնամաբար:  
Մարդն արթնցաւ. ի՞նչ տեսնայ,  
Իր մահուրնէ փրկած գազանն  
Պիտի մատնէ զինքը մահուան՝  
Եթէ քչիկ մ'ալ ուշանայ:  
Աճապարեց առաւ կացին  
Ջաղխեց գլուխը չար գազանին:

(Այս ոտանաւորը պէտք է գոց սորվին աշակերտք և  
դասատուն անոր բարոյականը պէտք է ըսէ անոնց):



## ՈՒՂՂԱԳՐՈՒԹԻՒՆ

Դասատուն այս ոտանաւորէն քանի մը տող կը կար-  
ուցայ որ աշակերտք գրեն իրենց տետրակներնուն մէջ. յե-  
տոյ տախտակին վրայ ալ գրել կուտայ սրբագրութեան  
համար:

## ԸՆԹԵՐՑԱՆՈՒԹԻՒՆ

### ԿՐՕՆՔ

#### ԲԱԲԵԼՈՆԻ ԱՇՏԱՐԱԿԸ

Նոյ երեք զաւակ ունէր, Սէմ, Գամ և Յաբէթ  
որոնց սերունդն են աշխարհի բոլոր մարդիկը:  
Անոնք կամաց կամաց բազմացան և Արարատ  
լեռնէն իջնելով հասան Սենաար կոչուած դաշտը  
և հոն բնակեցան: Ամենքն ալ միեւնոյն լեզուն  
կը խօսէին: Չուզելով իրարմէ բաժնուիլ և վախ-  
նալով որ Աստուած դարձեալ ջրհեղեղով զիրենք  
կը պատժէ, որոշեցին շինել շատ բարձր աշտա-  
րակ մը որուն ծայրը մինչեւ երկինք պիտի հաս-  
նէր և անոր մէջ պիտի բնակէին ամենքն ալ:

Սակայն Աստուած հասկնալով անոնց միտ-  
քը և փափաքելով որ ամբողջ երկիրը բնակուած  
ըլլայ, անոնց լեզուն խառնակեց. սկսան իրարու  
ըսած չը հասկնալ և կիսկատար թողուցին այդ  
աշտարակը որ Բաբելոնի աշտարակ կոչուեցաւ:

Ասոնց ամենքն ալ բարի չեղան. մեծ մասը  
մոռցաւ Աստուծոյ բարիքը և սկսաւ կուռքեր  
պաշտել:

Աստուած իր պաշտպանութիւնը վերցուց ա-  
նոնց վրայէն և իրեն հաւատարիմ մնացած Աբ-

րահամ անունով մարդ մը զատելով, որոշեց որ անոր ցեղը պաշտպանէ: Այդ ժողովուրդը կոչուեցաւ Իսրայէլացի:

**ՀԱՐՑՈՒՄ:** Նոյ քանի՞ զաւակ ունէր. ինչո՞ւ աշտարակ շինել ուղեցին: Յաջողեցա՞ն: Ո՞վ էր Աբրահամ:

### ՈՒՂՂԱԳՐՈՒԹԻՒՆ

Վերի պատմութեան առաջին մասը գրել տուէք ուղղագրութեան համար, սրբագրութիւնը վերջը ընելով նախորդ ձեւերու պէս:

---

### Դ Ա Ս 12.

### ԸՆԹԵՐՑԱՆՈՒԹԻՒՆ

### ՀԱՅՈՑ ՊԱՏՄ ՈՒԹԻՒՆ

### ՎԱՂԱՐՇԱԿԻՆ — ՄԻՆՁԵՒ ԱՐՏԱՇԷՍ Ա.

Հայոց առաջին թագաւորութիւնը լմննալէն վերջ 150 տարիի չափ հայերը թագաւոր չունեցան: Պարթեւ կոչուած ազգէն Վաղարշակ անունով մարդ մը հայոց թագաւոր եղաւ և հայոց պատմութիւնը փնտռելով գտաւ և կարդաց, հասկնալու համար թէ հայ ազգը ուրկէ յառաջ եկած է:

Վաղարշակ լաւ մէկը ըլլալուն ուզեց Հայաստանը ազատել թշնամիներէն և անոնցմէ էն գլխաւորը բռնելով սպաննեց: Յետոյ շատ մը

բարեկարգութիւններ ըրաւ և 22 տարի թագա-  
ւորելէն վերջ մեռաւ:

Անոր յաջորդեց իր որդին Արշակ Ա. որ հօրը  
պէս շատ քաջութիւններ ըրաւ:

Անոր ալ յաջորդեց Արտաշէս Ա. որ խիստ  
քաջ թագաւոր մը եղաւ: Արտաշէսի զինուորները  
այնչափ շատ էին որ եթէ մէյ մէկ քար նետէին  
բլուր մը կը ձևանար և եթէ մէյմէկ նետ նետէին  
արեւը կը խափանուէր:

Արտաշէս Ա. 25 տարի թագաւորելէն վերջը  
իր զինուորներէն սպաննուեցաւ:

---

ՀԱՐՑՈՒՄ : Ո՞վ էր Վաղարշակ և ի՞նչ ըրաւ : Ո՞վ էր  
Արտաշէս Ա. :

## ՈՒՂՂԱԳՐՈՒԹԻՒՆ

( Հետեւեալը գրել տալ աշակերտաց և յետոյ տառա-  
սըխալները սրբագրել՝ գրատախտակին վրայ գրելով ) :

Ամեն հայ տղայ պէտք է որ իր ազգին պատմութիւնը  
սորվի, և հասկնայ թէ իր ազգը ինչ անցեալ ունեցած է :  
Ուստի պէտք է որ պատմութեան դասերնիդ լաւ սորվիք  
որպէսզի չմոռնաք :

Դ Ա Ս 13.

ԸՆԹԵՐՑԱՆՈՒԹԻՒՆ

ՀԱՅ ԳԻՐԵՐԸ

Հայ եկեղեցին տարին անգամ մը կը տօնէ Ս. Սահակի և Ս. Մեսրոպի տօնը: Այդ Սուրբ Հայրապետները գտած են մեր Հայ լեզուի գիրերը: Լեզուի մը յառաջացման համար ամենէն մեծ միջոցը գիրն է: Եթէ գիր չունենայինք, գրականութիւն ալ չպիտի ունենայինք և իրարու հետ հեռուէն չպիտի կրնայինք հաղորդակցիլ:

Ուստի երբ տղայ մը կարգալ ու գրել սորվի, պէտք է ճանչնայ մեր գիրերուն հեղինակները և երախտիքով յիշէ անոնց անունը:

Ս. Սահակ և Ս. Մեսրոպ ապրած են Քրիստոսէ 500 տարի վերջը: Անոնց օրով Հայ լեզուն շատ ծաղկեցաւ և շատ մը գիրքեր և Աստուածաշունչը հայերէնի թարգմանուեցան ու ամեն տեղ դպրոցներ բացուեցան հայերէն սորվեցնելու համար:

---

ՀԱՐՑՈՒՄ : Ո՞վ էին Սահակ եւ Մեսրոպ. ինչե՞ր ըրին անոնք. անոնց օրով ի՞նչ կարեւոր բաներ պատահեցան :

## ՈՒՂՂԱԳՐՈՒԹԻՒՆ

Դռջունները կը շինեն իրենձ փուլնը խօտի շիւղէրով  
և փուրթի թէլերով :

Անօնգ իրենձ ցաքը կը սնուձանէն որթերով եւ դր-  
թուրնէրով :

(Դասատուն վերի հատուածը նոյնութեամբ օրինա-  
կել կուտայ աշակերտներուն, յետոյ իւրաքանչիւր աշա-  
կերտի մէկ կամ երկու բառ կարդացնելով կը հարցնէ թէ  
ինչ տառասխալներ կան և զանոնք ուղղել կուտայ իրենց  
սետրակներնուն մէջ :

### Դ Ա Ս 14.

## ԸՆԹԵՐՑԱՆՈՒԹԻՒՆ

### ԿՐՕՆՔ

### Ա.ԲՐԱՀԱՄ ՆԱՀԱՊԵՏ

Աբրահամ Նոյի սերունդէն էր և կը բնակէր  
Խառան քաղաքը: Հայրը թէեւ Աստուած մոռցած  
էր բայց ինք աստուածապաշտ ու արդար մարդ  
էր:

Օր մը Աստուած կանչեց զայն և ըսաւ. «Ելիր  
քու երկրէդ և իմ ցուցուցած երկիրս բնակէ, ո-  
րովհետեւ կուզեմ որ դուն մեծ ազգի մը նահա-  
պետը ըլլաս»: Աբրահամ հնազանդեցաւ եւ իր  
կնոջը Սառային ու եղբորորդւոյն Ղովտին հետ  
գնաց հոն բնակեցաւ: Աստուած ըսած էր թէ զին-  
քը մեծ ազգի մը հայրը պիտի ընէ բայց ինքը 90  
տարեկան էր և դեռ զաւակ մը չունէր անոր հա-  
մար շատ տխուր էր:

Ամառուան տաք օր մը Աբրահամ տրտում նստած էր իր վրանին առջև երբ հեռուէն երեք անձանօթ մարդեր տեսաւ որ իր կողմը կուգային: Անմիջապէս ելաւ զանոնք դիմաւորեց և իր վրանը բերելով անոնց ոտքերը լուաց և ուտելիք տուաւ: Այդ անձանօթներէն մին Աստուած էր և միւս երկուքն ալ հրեշտակներ էին: Երբ ճաշը



ԱԲՐԱՀԱՄԻ ԶՈՀԱԲԵՐՈՒԹԻՒՆԸ

լմնցաւ, Աստուած ըսաւ իրեն թէ տարի մը վերջը զաւակ մը պիտի ունենայ. յետոյ մեկնեցան:

Աստուծոյ խոստումը կատարուեցաւ և տարին լրանալուն Սառա զաւակ մը ունեցաւ որուն անունը դրին Իսահակ:

Հրեշտակները Աբրահամի քովէն մեկնելով շիտակ Սողոմ և Գոմոր քաղաքները զացին և

Ղովտին ըսին որ իր ընտանիքը և զաւակները առնէ և առանց ետեւնին դառնալու հեռանան, որովհետեւ այդ քաղաքներու մարդիկը շատ չարացած ըլլալնուն Աստուած զանոնք պիտի պատժէ: Ղովտ հնազանդեցաւ և մեկնեցան:

Հետեւեալ առտուն երկինքէն կրակ և ծծումբ տեղալով այդ քաղաքները մէջի գտնուածներովը այրեց և մոխիր դարձուց: Ղովտին կինը ճամբան ետին դառնալով ուզեց նայիլ թէ ինչ կը պատահէր բայց իսկոյն աղի արձան կտրեցաւ:

ՀԱՐՑՈՒՄ: Ո՞վ էր Աբրահամ. ո՞վ էին հիւրերը: Աստուած ի՞նչ խոստացաւ: Ինչո՞ւ և ի՞նչպէս պատժեց Սողոմ և Գոմոր քաղաքներու բնակիչները:

## ՈՒՂՂԱԳՐՈՒԹԻՒՆ

(Շարադրութեան ձեւով)

Նաւու մը մէջ ի՞նչ աշխատութիւն ունին նաւապետը, ղեկավարը, հնոցպանը, նաւաստիները, խոհարարը, բժիշկը, սպասաւորները, վերակացուն:



Դ Ա Ս 15.

ԸՆԹԵՐՑԱՆՈՒԹԻՒՆ

ՀԱՅՈՑ ՊԱՏՄ ՈՒԹԻՒՆ

ՏԻԳՐԱՆ Բ. — ԱԲԳԱՐ

Արտաշէսին յաջորդեց իր որդին Տիգրան Բ. որ բաւական քաջ ըլլալով Յոյներուն յաղթեց եւ Յունաստանէն շատ մը կողքեր բերելով մեհեաններու (կռապաշտներու եկեղեցի) մէջ դրաւ:

Տիգրան Բ. շատ մը ուրիշ պատերազմներ ալ ըրաւ քաջութեամբ և 54 տարի թագաւորելէն վերջ մեռաւ:

Անոր յաջորդեց իր որդին Արտաւազդ որ ինքզինքը բոլորովին կերուխումի տալով բնաօգտակար չեղաւ:

Արգար, Արտաւազդին թուր, շատ քաջ եւ խաղաղասէր մէկն ըլլալով Պարսկաստան գացած էր թագաւորին որդւոցը մէջ հաշտութիւն ձգելու համար: Վերադարձին սարսափելի բորոտութիւն մը ունեցաւ և բժիշկները չկրցան բժշկել:

Արգար լսած էր որ Քրիստոս շատ մը բժըշկութիւններ կրնէր և հրաշքներ կը գործէր, նամակ մը գրելով Քրիստոսի աղաչեց որ դայ զինքը բժշկէ:

Քրիստոս տեսնալով Արգարի հաւատքը, խոստացաւ որ իր Համբարձումէն վերջը առաքեալներէն մէկը կը դրկէ զինքը բժշկելու համար: Եւ իրաւ ալ թաղէոս Առաքեալ եկաւ և զայն բժշկեց ու Քրիստոնէութիւնը հաստատեց:



Ասոր վրայ Արգար հաւատաց թէ Քրիստոս Աստուծոյ որդին է և բոլոր իր տնեցիներովը ընդունեց Քրիստոնէութիւնը և 38 տարի թագաւորելէ վերջ սրբութեամբ մեռաւ :

ՀԱՐՑՈՒՄ : Ո՞վ էր Տիգրան Բ. և ի՞նչ ըրաւ : Ո՞վ էր Արգար և ի՞նչ պատահեցաւ :

### ՈՒՂՂԱԳՐՈՒԹԻՒՆ

Կաթը եփելէ վերջ պէտք է խմել. հոմ կաթին մէջ փոքրիկ ճճիներ կան որոնք կը վնասեն առողջութեան :

Այս հատուածը դասատուն կարդալով գրել կուտայ աշակերտներուն և յետոյ տախտակին վրայ գրել կուտայ սրբագրութեան համար : Դասատուն պէտք է թելադրէ որ աշակերտները նախապէս աչքէ անցունեն յաջորդ դասի ուղղագրութեան բաժինը, գաղափար մը ունենալու համար :

Դ Ա Ս 16.

### ԸՆԹԵՐՑԱՆՈՒԹԻՒՆ

#### ԵՐԳ ԳԱՐՆԱՆ

Փարունն եկաւ զուարթ դէմքով,  
Լեցուց դաշտերն հազար բերքով,  
Փարի, վարսակ, ցորեն ունինք՝  
Ալ ի՞նչ կուզենք, պէտք է հրճուինք :

Այժ ու ոչխար, հաւ, սագ ու բաղ,  
Գիրուկ կովեր որ տան մեզ կաթ,  
Մեր տարեկան պարէնն ունինք,  
Ալ ի՞նչ կուզենք պէտք է հրճուինք:

Ձմրան համար տաք հանդերձանք,  
Կըլլան մեզի բուրդն ու բամպակ.  
Շերամ, մետաքս, զարդեր ունինք,  
Ալ ի՞նչ կուզենք պէտք է հրճուինք:

Ահա պատրաստ ճաշ գեղջկական,  
Ուտենք համով մեր հացն ու թան.  
Կարագ, մածուն հաւկիթ ունինք՝  
Ալ ի՞նչ կուզենք պէտք է հրճուինք:

Աստուած ամեն բան ստեղծած է մար-  
դուն օգտին համար:

### ՈՒՂՂԱԳՐՈՒԹԻՒՆ

Միսը մեր գլխաւոր սնունդներէն մէկն է, անիկայ  
պէտք է եփել ոչ միայն ախորժահամ ընելու համար, այլ  
նաեւ եփելով անոր մէջի վնասակար ճճիները կը ջնջուին:  
Ուրեմն հում միս ուտելը վնասակար է:

(Նախորդ ուղղութեամբ պէտք է կատարել ուղղա-  
գրութեան այս վարժութիւնն ալ:



Դ Ա Ս 17.

## ՈՒՂՂԱԳՐՈՒԹԻՒՆ

ԿՐՕՆՔ

ԻՍԱՀԱԿ

Երբ Իսահակ բաւական մեծցաւ, Աստուած ուզեց փորձել Աբրահամու հնազանդութիւնը եւ օր մը ըսաւ անոր. «Քու մէկ հատիկ զաւակդ Իսահակը առ, իմ ցուցուցած լեռս տար և հոն ինծի զոհէ»:

Աբրահամ հնազանդեցաւ և առտու մը կանուխ փայտ, կրակ և դանակ առնելով, տղուն հետ ճամբայ ելաւ: Երբոր կը քալէին, Իսահակ հարցուց հօրը թէ ո՞ր է զոհին ոչխարը: Աբրահամ պատասխանեց. «Աստուած կը հոգայ, զաւա՛կս»:

Երբոր Աստուծոյ ցուցուցած լեռը հասան, Աբրահամ զոհի սեղան շինեց, փայտերը դիզեց և Իսահակն ալ կապելով անոնց վրայ դրաւ: Երբ դանակը ձեռքը կը պատրաստուէր զաւակը զոհելու, յանկարծ Աստուծոյ հրեշտակը երևցաւ և ըսաւ. «Աբրահամ՛մ, զաւակիդ մի դպչիր, հիմայ գիտցայ թէ դուն Աստուծո՛մէ կը վախնաս, քանի որ չվարանեցար քու մէկ հատիկ զաւակդ անոր զոհելու»:

Յետոյ հրեշտակը անոր ցուցուց ոչխար մը որուն գլուխը կերեւնար ծառի մը քովիկը: Արրահամ առաւ զայն և իսահակին տեղ զոհելով փառք տուաւ Աստուծոյ:

Աստուած խոստացաւ որ իր զաւակները երկրնքի աստղերուն չափ պիտի բազմացնէ:

---

**ՀԱՐՑՈՒՄ:** Աստուած ինչո՞ւ փորձեց Արրահամը ի՞նչ ըրաւ Արրահամ ևն.:

### ՈՒՂՂԱԳՐՈՒԹԻՒՆ

Դռջունները մէր պարտեզներուն երաժիժտներն են: Անոնք օգտակար են հունցներուն յամար վասնզի կը բըճաճնէն վնասակար ճըճիները եւ որթէրը:

Դասատուն: Տղա՛ք այս հատուածին մէջի տառասը խալները, սրբագրելով գրեցէք տետրակնուղ մէջ:

---

Դ Ա Ս 18.

### ԸՆԹԵՐՑԱՆՈՒԹԻՒՆ

#### ՀԱՅՈՑ ՊԱՏՄ ՈՒԹԻՒՆ

ՍԱՆԱՏՐՈՒԿ — ԱՐՏԱՇԷՍ Բ.

Արգարու մահէն վերջ թագաւորեց իր քեռորդին Սանատրուկ որու երգումը ընել տուին որ Քրիստոնէութիւնը ազատ պաշտուի: Բայց Սանատրուկ քիչ յետոյ մոռնալով իր երգումը սկսաւ

քրիստոնեաները սպաննել և իր արձանը կանգնեցնելով պաշտել տուաւ :

Անոր յաջորդեց Երուանդ որ Սանատրուկին ցեղը սուրէ անցուց . միայն Արտաշէս անունով տղայ մը կրցաւ փախչիլ և ազատիլ :

Երուանդ 20 տարի թագաւորելէ վերջ ըսպաննուեցաւ և անոր յաջորդեց Արտաշէս Բ . որ Հայաստանը շատ ծաղկեցուց թէ արուեստով եւ թէ մշակութեամբ : Ինքը քաջութեամբ կռուեցաւ և Հայաստանը գրեթէ ազատեց թշնամիներէն :

Արտաշէս Բ . 41 տարի ժողովուրդը սիրով և խաղաղութեամբ կառավարելէ ետք մեռաւ : Հայերը անոր մահուան վրայ այնչափ ցաւեցան եւ սգացին որ շատեր ինքզինքնին ողջ ողջ թաղեցին Արտաշէսի գերեզմանին քով :

---

ՀԱՐՑՈՒՄ : Ո՞վ էր Սանատրուկ և ի՞նչ ըրաւ . ո՞վ էր Երուանդ . ո՞վ էր Արտաշէս Բ . :

## ՈՒՂՂԱԳՐՈՒԹԻՒՆ

Շերամը օգտակար թրթուր մըն է որ թթենիի տերեւով կը սնանի : Անիկա մեղի կուտայ խոզակներ որոնցմէ քաշելով կը հանեն մետաքսի բարակ թելեր և անոնցմով կը շինեն ազնիւ կերպասներ : Մետաքսը շատ յարգի եւ շատ ալ սուղ է :

Դ Ա Ս 19.

ԸՆԹԵՐՑԱՆՈՒԹԻՒՆ

Գ ՈՒԹ

Ունեցածէդ ողորմութիւն տուր աղքատին և մի՛ երես դարձըներ անոր. ասով արժանի կըլլաս Աստուծոյ սիրուն և իր բարիքները կը վայելես :

Ունեցածիդ համեմատ ողորմութիւն տուր. եթէ շատ ունիս շատ տուր. եթէ քիչ ունիս քիչ տուր: Բայց ան քիչն ալ սրտանց տուր և ոչ թէ դժկամակութեամբ :

Գթասրտութիւնը հարստութիւն կը բերէ և ան որ գութ ունի աղքատներուն համար, կարօտութիւն չունենար: Վասնզի Աստուած կը տեսնէ բարի գործերը և զանոնք կը յիշէ, կը վարձատրէ ապագային:

Աղբատին ողորմիչը՝ Աստուծոյ փոխ տալ է: Աւետարանը կըսէ թէ Նոյն իսկ գաւաթ մը ջուրը անվարձ չի մնար:

Անօթի եղողներուն հետ բաժնեցէք ձեր հացը, և մերկ եղողը ծածկեցէք ձեր հագուստներովը:

Երկրագո՛րծ, երբ կը հնձես արտերդ, ետ մի՛ դառնար ձեռքիդ թափած հասկերը ժողվելու, այլ ձգէ՛ որ օտարականը, որբը, այրին՝ քիչ մը վերջը գան ժողվեն զանոնք, որպէսզի

**Աստուծոյ օրհնութիւնը քու վրադ և քու գործերուդ մէջ ըլլայ:**

**ՀԱՐՑՈՒՄ:** Ի՞նչ է գթութիւնը և ինչո՞ւ գութ ունենալու ենք:

### **ՈՒՂՂԱԳՐՈՒԹԻՒՆ**

Դասատուն թող գրել տայ 10 մարդու և կնոջ անուններ, 10 թռչունի, 10 կենդանիի և 10 ծաղիկի անուններ և յետոյ սրբագրել սխալները:

### **Դ Ա Ս 20.**

### **ԸՆԹԵՐՑԱՆՈՒԹԻՒՆ**

#### **ԿՐՕՆՔ**

#### **ԻՍԱՀԱԿԻ ԱՄՈՒՍՆՈՒԹԻՒՆԸ**

Սառայի մեռնելէն ետք, Աբրահամ որ շատ ծերացած էր, իր Եղիազար ծառան ուրիշ երկիր դրկեց, պատուիրելով որ Իսահակի համար կին մը գտնէ:

Եղիազար իսկոյն ճամբայ ելաւ տասը ուղտերով, որոնք աղուոր ընծաներ կը կրէին և հասաւ Խառան քաղաքը: Իրիկունը երբ ջրհորի մը քով կը հանգչէր, ծունկի եկաւ և Աստուծոյ աղաչեց որ զինքը առաջնորդէ այդ գործին մէջ:

Generated on 2016-07-19 07:22 GMT / http://hdl.handle.net/2027/hvd.32044098778665  
Public Domain, Google-digitized / http://www.hathitrust.org/access\_use#pd-google

Ու ըսաւ. «Ո՛վ Աբրահամի Աստուածը, թող Իսահակի կին ըլլայ այն աղջիկը որ ջրհորէն ջուր առնելու եկած ատեն ոչ միայն ինծի ջուր տայ, այլ նաև իմ ուղտերուս»):

Այդ միջոցին Ռեբեկա անունով աղջիկ մը ջրհորէն ջուր առնելու եկաւ: Երբ Եղիազար անկէ ջուր ուզեց, աղջիկը իսկոյն սափորը տուաւ որ խմէ. յետոյ ուղտերուն ալ ջուր տուաւ: Եղիազար շնորհակալութիւն յայտնեց Աստուծոյ իր խնդիրքը կատարած ըլլալուն համար և այն գիշերը աղջկան ծնողաց տունը երթալով իր միտքը յայտնեց:

Աղջկան հայրը հաւանեցաւ և առաւօտուն Եղիազար Ռեբեկան առնելով վերադարձաւ Աբրահամի քով: Այն իրիկունը Իսահակ դաշտ ելած էր երբ յանկարծ տեսաւ տասը ուղտեր: Հասկցաւ թէ Եղիազարն է որ իր հարսնցուն կը բերէ: Յետոյ ամուսնացաւ Ռեբեկայի հետ:

Աբրահամ 175 տարեկան մեռաւ և իր բոլոր ունեցածը Իսահակ ժառանգեց:

## ՈՒՂՂԱԳՐՈՒԹԻՒՆ

Ի՞նչ տեսակ կենդանիներ են կատուն, շունը, հաւը, աքաղաղը, կրիան, նապաստակը, ձին, թութակը, մըրջիւնը, մեղուն:

Աչակերտները այս անուններով նախադասութիւններ թող կազմեն. յետոյ իրենց գրածներուն մէջի տառասըխալները սրբագրեն մի առ մի:



Դ Ա Ս 21.

ԸՆԹԵՐՑԱՆՈՒԹԻՒՆ

ՀԱՅՈՑ ՊԱՏՄ ՈՒԹԻՒՆ

ԱՐՏԱԽԱԶԴ Բ. — ՏՐԴԱՏ

Արտաշէսի յաջորդեց իր որդին Արտաւազդ Բ. որ զբօսասէր և անկարգ կեանք մը ունենալուն օր մը որսի ելած ատեն խորունկ փոսի մը մէջ իյնալով կորսուեցաւ 2 տարի թագաւորելէ վերջ:

Արտաւազդի վրայ առասպելով կը պատմեն թէ, այրի մը մէջ շղթայով կապուած էր և երկու որսի շուներ միշտ կը կրծէին շղթան որպէսզի բրդի և Արտաւազդ ելլէ աշխարհը կործանէ. բայց դարբիններուն երկաթ ծեծելու ձայնէն շղթաները նորէն կը զօրանային:

Արտաւազդէն վերջ թագաւորեց Տիգրան Գ. որ քաջ և արիասիրտ ըլլալով պարսիկներուն հետ միացած Հռովմայեցիներուն յաղթեց և սկսաւ Փոքր Ասիոյ կողմերը քալել քաջութեամբ. բայց հոն գտնուող թագուհիէ մը խաբուելով գերի բռնուեցաւ: Տիգրան 42 տարի թագաւորելով մեռաւ: Անոր յաջորդեց Վաղարշ որ Վաղարշապատ քաղաքը շինեց: Անոր ալ յաջորդեց Խոսրով Ա. որ մեծ կոչուեցաւ: Իր հօրը տեղը անցնելուն պէս սկսաւ պատերազմիլ և թշնամիները փախցուց: Արտաշիր անունով իշխան մը մեծ պարգևներ

խոստացաւ Սոսրովը մեռցնողին. այս բանը  
յանձն առաւ Անակ անուևով նախարար մը որ  
Հայաստան գալու ատեն ճամբան որդի մը ունե-  
ցաւ որ է մեր Ս. Գրիգոր Լուսաւորիչը:

Անակ իր չար նպատակին հասաւ և օր մը որ-  
սի ելած ատեննին զարկաւ սպաննեց Սոսրովը:  
Անոր մեռնելէն վերջ Արտաշիւր Հայաստան եկաւ,  
բոլոր հայերը նուաճեց, Սոսրովին ցեղը ջնջել  
տուաւ, որոնցմէ Տրդատ անուևով մանչ մը եւ  
քոյրը Սոսրովի դուխտ միայն կրցան ազատիլ:

Տրդատ Հռովմ փախչելով հոն շատ քաջու-  
թիւններ ըրաւ և մեծ անուև ստացաւ: Անգամ մը  
մէկ ձեռքով երկու վայրենի ցուլերու եղջիւրնե-  
րէն բռնեց և սպաննեց. ուրիշ անգամ մալ իր հա-  
կառակորդին կառքին ետեւէն այնպէս ուժով  
բռնեց որ ձիերը չկրցան քաշել:

Հռովմայեցւոց կայսրը շատ հաւնեցաւ Տրդ-  
դատի քաջութեան և իմանալով որ հայոց թա-  
գաւորին որդին է, գլուխը թագ դրաւ և թագա-  
ւորական զգեստներ հագցնելով Հայաստան դըր-  
կեց ուր զինքը դիմաւորեցին և գահը նստեցու-  
ցին:

---

## ՈՒՂՂԱԳՐՈՒԹԻՒՆ

Ձուրը շատ օգտակար յէղուկ է, ծառանիս կանձը-  
նէ, կը մագրէ, երկիրը կը չրէ, կրակը կը մարէ եւայլն:  
Ձուրը կը սարի և կլլայ պինթ եւ կամ տագութեամբ շօ-  
քի կլլայ: Եթէ չուր չըլայ մարթիք և բույսէր չէն ապ-  
րիր. իսք երփ շատ ըլլայ քէտէրը յօրթելով կողողեն դաժ-  
տէրը և կը բճաճնէն հունցգէրը:

(Սրբագրել տալ տառասխալները):

Դ Ա Ս 22.  
ԸՆԹԵՐՑԱՆՈՒԹԻՒՆ  
ՄՇԱԿԻՆ ԵՐԳԸ

Ահա ծագեց կարմիր արեւ,  
Տաք ու պայծառ է օդը.  
Դէ՛հ, քաշեցէք սիրուն եզներ,  
Առաջ տարէք արօրը:

Արտը վարենք, աղօս փորենք,  
Խոր աղօսներ հողին մէջ.  
Սերմը ցանենք որ հունձ հնձենք,  
Ցորեն դիզենք կալի մէջ:

Թէ գայ ձմեռ, մենք վախ չունինք,  
Ուրախ կանցնի մեր օրը.  
Ուտելու միշտ պաշար ունինք,  
Լի և կուշտ է մեր փորը:

Դէ՛հ, քաշեցէք սիրուն եզներ,  
Շուտով վարենք արտերը.  
Թող չըսեն մեր դրացիներ,  
Ծոյլ են հայուն եզները:



Դ Ա Ս 23.

ԸՆԹԵՐՑԱՆՈՒԹԻՒՆ

ԿՐՕՆՔ

ԻՍԱՀԱԿԻ ԶԱԽԱԿՆԵՐԸ

Իսահակ երկու զաւակ ունեցաւ, Եսաւ եւ Յակոբ: Եսաւ շատ մազոտ էր և լաւ որսորդ մը եղաւ, իսկ Յակոբ փափկակազմ տղայ մը ըլլալով մօրը մօտ կը կենար. այս պատճառաւ Ռեբեկա շատ կը սիրէր զինքը. Իսահակ ալ Եսաւը շատ կը սիրէր որովհետեւ իրեն լաւ որսի միս կը բերէր:

Օր մը Եսաւ դաշտէն տուն դարձաւ յոգնած, ու տեսնելով որ եղբայրը ոսպնաթան եփած է, խնդրեց որ իրեն ալ տայ: Յակոբ ոսպնաթանը տալու համար պայման դրաւ որ Եսաւ իրեն թողու անդրանկութեան իրաւունքը. եղբայրը հաւանեցաւ և երդուընցաւ որ անդրանկութենէ կը հրաժարի:

Այդ միջոցին Իսահակ ծերացած ըլլալով աչքերը չէին տեսներ: Զգալով որ պիտի մեռնի, կանչեց Եսաւը ըսաւ. «Գնա և ինձի որսի միս բեր որ ուտեմ և քեզ օրհնեմ»:

Ռեբեկա լսեց այս խօսքը և որպէսզի Իսահակի օրհնութիւնը իր սիրած զաւակին բաժին իյնայ, շուտ մը երկու ուլ բերել տուաւ Յակոբի, մորթեց ու եփեց: Յետոյ Եսաւի հազուատները

Յակոբի հազցուց, անոր վիզն ու ձեռքերն ալ  
այծի մորթով պատեց որպէսզի եթէ Իսահակ  
չօշափէ՝ չհասկնայ Յակոբը ըլլալը:

Յակոբ հօրը տարաւ պատրաստուած կերա-  
կուրը. Իսահակ խաբուելով իր օրհնութիւնը ա-  
նոր տուաւ: Քիչ ետքը Եսաւ վրայ հասաւ եւ  
հասկնալով կատարուած խաբէութիւնը ոխ պա-  
հեց եղբօրը դէմ:

Ռեբեկա վախնալով որ Եսաւ կսպաննէ Յա-  
կոբը, իսկոյն Խառան՝ իր եղբօր քով զրկեց:

---

Գոց պատմել այս պատմութիւնը և ըսել  
թէ ինչո՞ւ Եսաւ կորսնցուց անդրանկութեան և օրհնու-  
թեան իրաւունքները:

## ՈՒՂՂԱԳՐՈՒԹԻՒՆ

Հետեւեալ բառերով մէյմէկ նախադասութիւններ շի-  
նեցէք:

Անձրեւ, ձիւն, տաք, ցուրտ, ծաղիկ, հովանոց,  
ձեռնոց, ածուխ, մոխիր:

(Այս վարժութիւնները պէտք է գրատախտակին վը-  
րայ ընել տալով, տառասխալները սրբագրել տալ ուրիշ  
աչակերտներու):

Դ Ա Ս 24.

ԸՆԹԵՐՑԱՆՈՒԹԻՒՆ

ՀԱՅՈՑ ՊԱՏՄ ՈՒԹԻՒՆ

ՏՐԴԱՏ

Տրդատ երբ Հայաստան եկաւ տեսաւ որ Արտաշիրին տղան Շապուհ կը տիրէ, անմիջապէս պատերազմի ելաւ և Շապուհի յաղթելով բոլոր պարսիկները վռնտեց Հայաստանէն և ուրիշ ազգերու սրտին մէջ վախ ձգեց:

Տրդատ հրաման ըրաւ որ ամեն տեղ կուռքեր պաշտեն և իմանալով որ մի քանի տեղեր Քրիստոնեաներ կան, խստիւ հրամայեց որ զանոնք ջնջեն. շատերը նահատակուեցան. ասոնց մէջն էր նաև Ս. Գրիգոր որուն Անակին որդին ըլլալը իմանալով շատ մը չարչարելէն վերջը Արտաշատ քաղաքին խոր վիրապին մէջ նետել տուաւ:

Այդ օրերուն Հռովմի մէջ ալ Քրիստոնեաներուն դէմ հալածանք սկսած ըլլալուն, շատ մը կոյսեր Հռիփսիմէի հետ Հայաստան եկեր էին: Տրդատ Հռիփսիմէի գեղեցկութեանը հաւնելով ուզեց հետը ամուսնանալ. կոյսը մերժեց. ուստի Տրդատ ալ բարկանալով ամենքն ալ սրէ անցունել տուաւ, բայց ինքն ալ Աստուծմէ պատժուելով օր մը որսի ատեն խոզի կերպարանք մտաւ:

Սուրբ Գրիգոր 14 տարի վիրապին մէջ Աստուծոյ ողորմութեամբը ողջ մնացած էր: Աստուծոյ հրեշտակը Տրդատին Խոսրովիդուխտ քրոջը երազին մէջ իմացուց թէ մինչեւ որ Ս. Գրիգոր վիրապէն չելլէ անկարելի է որ եղբայրը բժշկուի: Խոսրովիդուխտ մարդ ղրկեց և Գրիգորը վիրապէն հանել տուաւ. Ս. Գրիգոր Տրդատը բժշկեց, և բոլոր հաւատացողները մկրտեց, յետոյ Ս. Հռիփսիմէի և ընկերուհիներուն վրայ եկեղեցի շինեց և Կեսարիա գնաց:

Տրդատ Քրիստոնեայ ըլլալէն վերջ բոլոր կուստունները կործանեց, եկեղեցիներ շինեց, որոնց ամենէն նշանաւորն է Ս. Էջմիածին:

Ս. Գրիգոր Հայաստանի ամեն կողմերը Քրիստոնէութիւն քարոզեց եւ լուսաւորեց, անոր համար Լուսաւորիչ կոչուեցաւ:

Տրդատ երկիրը շատ շէնցուց. յետոյ նախարարներուն անկարգութիւնները տեսնելով, ձգեց և գնաց Լուսաւորչայ ճգնարանը բնակեցաւ: Ասոր վրայ նախարարները բարկանալով թունաւորեցին զայն և Տրդատ 54 տարի թագաւորելէ ետք քրիստոնէական մահով մեռաւ:

## ՈՒՂՂԱԳՐՈՒԹԻՒՆ

Մանկութիւնը կեանքի գարունն է, գիտցիր անոր անմեղ հաճոյքները վայելել:

Աստուած ամեն բան ստեղծած է մարդու օգտին համար. ջանա օգտուիլ անոնցմէ ուղղամտութեամբ:

Դ Ա Ս 25.

ԸՆԹԵՐՑԱՆՈՒԹԻՒՆ

ԿԱՊԻԿ ԵՒ ՈՒՂՏ

Կապիկ մը և ուղտ մը քովէ քով կը քայլէին անպարարի մը հետ որ զանոնք գեղէ գեղ կը պտտցնէր իբրեւ հետաքրքրաշարժ կենդանիներ :

Ճամբան շատ յոգնելով կապիկը ըսաւ իր ընկերին. «բարեկամս, թող կուտա՞ս որ քիչ մը կռնակդ ելլամ. ես շատ ծանր չեմ. քիչ մը հանգիստ ընեմ և իրիկուան աւելի շուտ հասնինք տեղերնիս» :

Ուղտը հաւանեցաւ :

Կապիկ աղբարը ուզածին պէս տեղաւորուեցաւ իր բարեկամին կռնակը. բայց քիչ մը ետքը, իր չարամիտ սովորութեան համեմատ, ըսկսաւ հազար և մէկ խաղեր ու խեղկատակութիւններ ընել անոր. կռնակը կը քերէր, կը կըսմըթտէր, կը ճանկուտէր :

Առջի բերան, ուղտը կը համբերէ, բերանը չի բանար. բայց տեսնալով որ կապիկը չափը կանցնէ, ալ չդիմանար. համբերութիւնը կը հատնի և կը պոռայ. «Անպիտա՛ն կապիկ, ա՛լ հերիք է» : Եւ սաստիկ ցունց մը տալով կռնակէն վար կը նետէ կապիկը, որ քարերուն վրայ իյնալով ծնօտը կը կոտրի :



«Արժանի պատիժդ գտար, ըսաւ այն ատեն  
աճպարարը՝ զայն վեր առնելով, թող չընէիր որ  
չի գտնայիր»):

---

ՀԱՐՑՈՒՄ : Այս պատմութենէն ի՞նչ կը հասկնաք :

### ՈՒՂՂԱԳՐՈՒԹԻՒՆ

Ամեն մարդու բարիք չենք կրնար ընել, բայց կրնանք  
ամենուն համար բարի կամք ունենալ :

Եթէ չենք կրնար մէկու մը բարիք ընել, գոնէ չարիք  
չը հասցունենք անոր :

Դասատուն պէտք է յանձնարարէ աշակերտներուն որ-  
պէսզի անոնք միշտ յաջորդ դասի ուղղագրութեան մասը  
կանուխէն պատրաստեն :

---

Դ Ա Ս 26.

### ԸՆԹԵՐՑԱՆՈՒԹԻՒՆ

ԿՐՕՆՔ.

### ՅԱԿՈՒԹԻ ԵՐԱԶԸ

Յակոբ դէպի Խառան փախած ատենը գիշե-  
րը վրայ հասնելով, դաշտին մէջ պառկեցաւ եւ  
քար մը դնելով վզլիսուն տակը քնացաւ : Գիշերը  
երազին մէջ տեսաւ շատ մեծ սանդուխ մը որուն  
մէկ ծայրը երկիրն էր և միւս ծայրն ալ երկիրքը,  
որուն վրայէն անհամար հրեշտակներ կելլէին

կիջնէին: Աստուած ալ այդ սանդուխին կատարը նստած էր և կըսէր իրեն. «Ես Աբրահամի եւ Իսահակի Աստուածն եմ. այդ երկիրը ուր կը գտնուիս քեզի և քու ժառանգներուդ պիտի տամ, որոնք ծովու աւազին չափ շատ պիտի ըլլան»):

Յակոբ երբ առտուն արթնցաւ, հասկցաւ որ նուիրական տեղ մըն է անիկայ, քարը իւղով օծեց և Աստուծոյ Տուն անուանեց զայն:

Յակոբ իր տեղը հասնելով հոն Լաբանի քովը եօթը տարի աշխատեցաւ և անոր աղջկան

Յետոյ ուզեց իր երկիրը վերադառնալ. բայց ճամբան լսեց որ իր եղբայրը Եսաւ 400 մարդոցմով իր վրայ կը քալէ: Չայն սիրաշահելու համար, Յակոբ գեղեցիկ նուէրներ ղրկեց Եսաւի որպէսզի բարկութիւնը մեղմէ:

Երկու եղբայրներ իրարու հետ հաշտուելով համբուրուեցան ու Յակոբ դարձաւ իր հօր Իսահակի քով որ 170 տարեկան մեռաւ:

ՀԱՐՑՈՒՄ: Պատմէ Յակոբի երազը: Յակոբ ի՞նչ կեանք վարեց:

## ՈՒՂՂԱԳՐՈՒԹԻՒՆ

Շարադրութեան ձևով

Գրեցէք թէ տարին քանի՞ եղանակ ունի, իւրաքանչիւրը նկարագրելով:

Ի՞նչ է հանրակառքը, շոգեկառքը, ինքնաշարժ կառքը և երկանիւր:

(Իւրաքանչիւր աշակերտի գրածներուն մէջի տառասըխալները սրբագրել տալ):

Դ Ա Ս 27.

**ԸՆԹԵՐՑԱՆՈՒԹԻՒՆ**

**ՀԱՅՈՑ ՊԱՏՄ ՈՒԹԻՒՆ**

**ԽՈՍՐՈՎ — ԱՐՇԱԿ**

Տրդատին մեռնելէն ետքը Հայաստան տակն ու վրայ եղաւ: Նախարարները Վրթանէս Կաթողիկոսին հետ միացած Տրդատին որդին Խոսրովը թագաւոր դրին. բայց Խոսրով իր հօրը քաջութիւնը չունէր և զբօսասէր կեանք մը անցուց: Իր օրով թշնամիները դարձեալ սկսան Հայաստանի վրայ քալել, բայց Վահան Ամատունի քաջ զօրավարը անոնց դէմ ելաւ և հալածեց զանոնք:

Խոսրովի յաջորդեց Արշակ որ շատ մոլի եւ անկարգ թագաւոր մը եղաւ: Սկսաւ Պարսից հետ բարեկամութիւն հաստատել առանց մտածելու թէ անոնք Հայաստանի թշնամիներն էին: Իր եղբորորդին սպաննել տալով անոր կնոջ հետ ամուսնացաւ: Արշակաւան անունով քաղաք մը շինեց և շէնցնելու համար հրաման հանեց որ հոն գացող յանցաւորները ազատ են պատիժէ. այս լսելով չարագործ մարդիկ անմիջապէս հոն դիմեցին և այսպէսով քաղաքը լեցուեցաւ: Ասոր վրայ նախարարները նեղանալով միացան եւ Արշակաւանը կործանեցին: Արշակ Վրացիներու օգնութեամբ պատերազմի ելաւ Նախարարնե-

րուն դէմ. բայց նեղը մնալով դիմեց Սուրբ Ներսէսի որ շատ դժուարութեամբ զանոնք հաշտեցուց:

Սակայն Արշակ Ս. Ներսէսի բացակայութենէն օգտուելով սկսաւ իր ոխը նախարարներէն հանել անոնցմէ շատերը սպաննել տալով:

Քիչ ատեն վերջ տեսնելով որ թշնամիները դարձեալ Հայաստան կը քալեն, յուսահատեցաւ և բերդի մը մէջ ինքզինքը սպաննեց 18 տարի անիրաւութիւններով թագաւորելէն յետոյ:

ՀԱՐՑՈՒՄ : Ո՞վ էր Խոսրով: Ո՞վ էր Արշակ:

### ՈՒՂՂԱԳՐՈՒԹԻՒՆ

Շարադրութեան ձեւով

Ի՞նչ է ձկնորսը: Ի՞նչ է ուռկանը:

Ի՞նչ է որսորդը: Ի՞նչ է հրացանը:

Որսորդը ինչո՞ւ չուն ունի իրեն հետ: Զուկերը ի՞նչ տեսակ կենդանիներ են:

Դ Ա Ս 28.

### ԸՆԹԵՐՑԱՆՈՒԹԻՒՆ

ՀԱՆՃԱՐԵՂ ԾԵՐՈՒՆԻՆ

Բարձրաստիճան անձ մը, օր մը, բազմաթիւ հետեւորդներով տեղէ մը կանցնէր: Տեսաւ ծերունի մը որ արմաւենի մը կը տնկէր:

«Ինչո՞ւ պարապ տեղը կը յոգնիս ո՛վ մարդ, ըսաւ նոյն անձը, քանի որ քառասուն տարի ետք պտուղ պիտի տայ տնկածդ: Դուն այսօր կաս վաղը չկաս:

— Տէ՛ր իմ, պատասխանեց ծերունին, ուրիշ մը տարիներ առաջ տնկեց և ես այսօր կերայ, ես ալ տնկեմ որ ուրիշը ուտէ»:

Հարուստը շատ հաւնելով այս խօսքին՝ հազար ոսկի տուաւ անոր:

Ծերունին ընդունելով այս նուէրը՝ փառք տուաւ Աստուծոյ և շատ գոհ երեւցաւ:

«Ինչո՞ւ Աստուծմէ գոհացար և փառք տուիր, հարցուց ազնուականը:

— Վասնզի, պատասխանեց ծերունին, ուրիշներուն տնկած ծառը քառասուն տարիէն պտուղ կուտայ, իսկ իմ տնկածս մէկ օրուան մէջ պտուղ տալ սկսաւ, ահա՛ ասոր համար փառք կուտամ Աստուծոյ»:

Հարուստը նորէն հազար ոսկի պարգեւ տրուաւ այս գեղեցիկ պատասխանին համար:

Ծերունին դարձեալ գոհացաւ և փառարանեց Աստուած:

Հարուստը հարցուց. «Ինչո՞ւ նորէն գոհացար:

— Վասնզի, ըսաւ ծերունին, ամեն մարդու ծառ տարին մէկ անգամ պտուղ կուտայ, իսկ իմ ծառը մէկ օրուան մէջ երկու անգամ պտուղ տրուաւ, ինչո՞ւ չգոհանամ»:

Հարուստը զմայլած այս հանճարեղ պատասխանէն՝ շատ սիրեց ծերունին և տարաւ վերակացու կարգեց իր պալատին, որպէսզի խրատէ և կրթէ իր զաւակները:

## ՈՒՂՂԱԳՐՈՒԹԻՒՆ

Շարադրութեան ձեւով

Ի՞նչ ըսել է ծերունի: Ի՞նչ տարբերութիւն կայ երիտասարդի մը և ծերունիի մը մէջ: Ի՞նչ տարբերութիւն կայ հարուստին և աղքատին մէջ: Ի՞նչ ըսել է պալատ-խրճիթ: Ի՞նչ վիճակ կունենան ծառերը ամառ և ձմեռատեն:

(Դասատուն բերանացի պատասխանել կուտայ աշակերտներուն եւ լաւագոյն պատասխանը գրել և յետոյ տառասխալները սրբագրել կուտայ իրենց տետրակներուն մէջ):

Դ Ա Ս 29.

## ԸՆԹԵՐՑԱՆՈՒԹԻՒՆ

ԿՐՕՆՔ

ՅՈՎՍԷՓ

Յակոր տասներկու զաւակներ ունեցաւ, անոնց մէջէն ամենէն աւելի կը սիրէր պզտիկը որ Յովսէփ կը կոչուէր և անոր գոյնզգոյն աղուոր վերարկու մը շինել տուած էր: Այդ պատճառաւ եղբայրները կատէին զինքը:

Օր մը Յովսէփ պատմեց անոնց հետեւեալ երազը. «Ձեզի հետ դաշտին մէջ որայ կը կապէի. յանկարծ իմ որաս ելաւ կանգնեցաւ և ձեր կապած որաները անոր երկրպագեցին»:

Ուրիշ անգամ մըն ալ Յովսէփ պատմեց թէ երազին մէջ տեսած էր որ արևը, լուսինը և տասներմէկ աստղերը իրեն երկրպագութիւն կընէին: Ասոր վրայ եղբայրները ըսին թէ «հայրդ, մայրդ և քու տասներմէկ եղբայրներդ քեզի երկրպագութի՞ւն պիտի ընեն», և սկսան չափազանց ատել զայն:

Օր մը Յովսէփ և իր եղբայրները ուրիշ քաղաք գացած էին իրենց ոչխարները արածելու: Յակոբ Յովսէփը զրկեց անոնց քով հասկնալու համար թէ ինչո՞ւ ուշացած են: Եղբայրները երբ հեռուէն տեսան Յովսէփը, ըսին. «Ահա երազատեսը կուգայ, եկէք սպաննենք զայն»: Մէջերնուն Ռուբէն որ ամենէն մեծն էր, ըսաւ. «Ինչո՞ւ ոճիր գործենք. եկէք ջրհորի մը մէջ նետենք զինքը»: Ռուբէնի նպատակն էր, յետոյ զայն հանել ջրհորէն: Եղբայրները հաւանեցան և վերարկուն հանելով ջրհորի մը մէջ ձգեցին Յովսէփը. բայց քիչ յետոյ տեսան որ խումբ մը վաճակառականներ կուգան դէպի իրենց կողմը: Յովսէփը ջրհորէն հանեցին և անոնց ծախեցին դրամով: Յետոյ ուլ մը մորթեցին և Յովսէփի վերարկուն արիւնին մէջ թաթխելով տարին իրենց հօրը Յակոբի ցուցուցին ըսելով որ ճամբան գտած են վերարկուն:

Յակոբ ճանչցաւ Յովսէփի վերարկունն եւ սկսաւ լալ ողբալ ըսելով թէ ճամբան գազաններ բզքտեր են իր սիրելի զաւակը :

Յակոբ սեւեր հագաւ և երկար ատեն լալով սուգ պահեց իր զաւակին մահուան համար ու թէև իր միւս տղաքները եւ ուրիշներ գացին զինքը մխիթարելու, բայց Յակոբ չէր մխիթարուէր :

ՀԱՐՑՈՒՄ : Ի՞նչ է նախանձը : Եղբայրները ինչո՞ւ նախանձեցան Յովսէփին : Ի՞նչ ըրին անոր :

### ՈՒՂԱԳՐՈՒԹԻՒՆ

Հետեւեալ բառերուն նշանակութիւնը ունեցող բառերը կը կոչուին հոմանիս :

Դարձեալ, ահարկու, ամայի, պայծառ, խաւար, հէգ, շողոքորթ, նուրբ, մրցանակ, մերժել, աճիլ, ուրեմն, ճոխ, շուրջ, բուրել, շարունակ, ժպտիլ :

### Դ Ա Ս 30.

### ԸՆԹԵՐՑԱՆՈՒԹԻՒՆ

### ՀԱՅՈՑ ՊԱՏՄ ՈՒԹԻՒՆ

### ՊԱՊ — ԱՐՏԱՇԷՍ

Արչակին յաջորդեց իր որդին Պապ. այդ միջոցին պարսիկները Յունաց դէմ ելած էին ու քիչ էր մնացած որ յաղթէին անոնց, բայց Ս. Ներսէս Նպատ լերան վրայ ելլելով սկսաւ Աստուծոյ աղօթել. սաստիկ քամի մը ելլելով պարսիկները



ետ կը դարձնէր և ամպ մըն ալ արեւը կը խաբանէր. ասանկով հայերը յաղթեցին պարսիկներուն:

Պապ և բոլոր նախարարները երդում ըրին Ս. Ներսէսի առջեւ որ հաւատարիմ մնան. բայց քիչ վերջը Պապ իր երդումը դրժեց և Ս. Ներսէսը թունաւորելով մեռցուց և Յունաց դէմ ելաւ, սակայն Յունաց թագաւորը գերի բռնեց Պապը և գլխատել տուաւ:

Պապի յաջորդեց Վարազդատ որ չափազանց քաջ և ճարպիկ մէկն էր: Կը պատմուի թէ անգամ մը ճամբան գողերու հանդիպելով Նփրատ գետին վրայէն ցատկեց որու լայնութիւնը 22 կանգուն էր, և գողերը բռնեց:

Անկէ վերջ յաջորդեցին Արշակ, Վաղարշակ, Սոսրով ու յետոյ Վռամշապուհ, որու ժամանակ Ս. Սահակ Պարթեւ, Մովսէս, Եզնիկ, Կորիւն, Եղիշէ անուն վարդապետներու հետ աշխատելով հայերէն գիրերը գտան, դպրոցներ բացին և շատ մը գիրքեր թարգմանեցին:

Անոր յաջորդեց Արտաշէս որ դեռ պզտիկ ըլլալուն իր եղբայրը Սոսրով թագաւոր եղաւ, բայց տարի մը վերջը մեռաւ: Այն ժամանակ Պարսից Յազկերտ թագաւորը իր Շապուհ անունով տղան հայոց վրայ թագաւոր դրաւ որ հայերը կրակապաշտ ընէ:

Հայերը իմանալով Յազկերտի միտքը սկըսան Շապուհի հետ արհամարհանքով վարուիլ և

նեղութիւններ տալ անոր: Շապուհ չկրնալով համբերել փախաւ բայց ճամբան սպաննուեցաւ ու Արտաշէս թագաւոր եղաւ 18 տարեկան հասակին մէջ:

Արտաշէս անկարգ, մոլի և վատ մէկը ըլլալով ամենուն ատելի եղաւ այնպէս որ հայերը ձանձրանալով աւելի լաւ սեպեցին թագաւոր չունենալ ու Պարսից թագաւորն ալ Արտաշէսը աքսորել տուաւ և այսպէսով վերջացաւ հայոց երկրորդ թագաւորութիւնը 583 տարի դիմանալէ վերջ:

ՀԱՐՑՈՒՄ: Ո՞վ էին Պապ, Վարազդատ, Վրամշապուհ և Արտաշէս:

### ՈՒՂՆԱԳՐՈՒԹԻՒՆ

Հետեւեալ բառերուն հակառակները գրեցէք. բարութիւն, ազահուութիւն, քնանալ, արշալոյս, պաղ, շոայլ, հպարտութիւն, ատելութիւն, տկարութիւն, վնասել, անկանոն, աշխատասէր, պատուել, վարձատրել, չոր, կարծր, բարակ, արագ, մեծ, հայրենասէր կրօնասէր, գնել, քնանալ, ուժով, գէր:

Դ Ա Ս 31.

### ԸՆԹԵՐՑԱՆՈՒԹԻՒՆ

«ԲԱՅՑ ՆՇԱՆՆԵՐԸ ԿԸ ՄՆԱՆ»

Հին պատմութիւն մը կայ, որ շատ օգտակար է թէ մեծերու և թէ պզտիկներու համար:

Անգամ մը հայր մը ըսաւ իր տղուն. «Ձաւա՛կս, ամեն անգամ որ չար գործ մը կամ խօսք մը ընելու ըլլաս, մէկ մէկ գամ պիտի գամեմ դրան վրայ»): Դուռը այն ժամանակէն սկսաւ կամաց կամաց գամերով լեցուիլ: Տղան, գամերով ծածկուած դրան տեսքէն չախորժելով, ըսաւ իր հօրը. «հա՛յր, չեմ սիրեր որ մեր դուռը այսպէս գամերով լեցուն ըլլայ»:

— Շատ աղէկ, պատասխանեց հայրը, այսուհետեւ որքան հնազանդ ըլլաս, վարքդ ու խօսքերդ լաւ ըլլան, ամեն մէկ անգամուան համար գամ մը պիտի հանեմ»):

Այնուհետեւ հայրը, այս պայմանին համեմատ, սկսաւ գամերը մի առ մի հանել, մինչեւ որ մէկ հատ միայն մնաց:

Տղան ուրախ սրտով կանչեց իր հայրը որ վերջին գամն ալ հանէ: Վերջին գամն ալ երբ ելաւ, «ոհ հայրիկ, ըսաւ տղան, և աչքերը ծակ ծակ եղող դրան վրայ տնկելով, բա՛յց նշանները մնացին, ըսաւ»):

Երբէք չարութիւն մի ըներ, խորհելով թէ ուզած ատենդ կրնաս ներուիլ: Այո, թերևս այնպէս ըլլայ, բայց աւա՛ղ— նշանները պիտի մընան:

Մաքուր կեանք մը ունենալու համար, ապահով միջոցը կեանքը մաքուր պահելն է:

Թող ամեն տղայ այս պատմութենէն խրատ առնէ և ըստ այնմ վարուի:

Դ Ա Ս 32.

ԸՆԹԵՐՑԱՆՈՒԹԻՒՆ

ԿՐՕՆՔ

ՅՈՎՍԷՓԻ ԿԵԱՆՔԸ

Վաճառականները Եգիպտոս տարին Յովսէփը և Փարաւոնին դահճապետին ծախեցին: Յովսէփ շուտով սիրելին եղաւ դահճապետին որ զայն իրեն տանը մատակարար կարգեց, բայց անոր կինը չարութեամբ բանտ նետել տուաւ Յովսէփը:

Աստուած միշտ կը պաշտպանէր Յովսէփը: Բանտին մէջ իրեն ընկեր ունեցաւ Փարաւոնին երկու պաշտօնեաները: Գիշեր մը երկուքն ալ երազ տեսան և առտուն պատմեցին Յովսէփին որ իսկոյն մեկնեց անոնց երազը: Առաջինին ըսաւ. «Դուն երեք օրէն պիտի կախուիս. երկրորդին ալ ըսաւ «Դուն ալ երեք օրէն նորէն քու պաշտօնիդ պիտի անցնիս. կը խնդրեմ որ ինծի համար բարեխօսես Փարաւոնին»:

Երեք օր վերջը Յովսէփի մեկնութիւնը կատարուեցաւ:

Երկու տարի կար որ Յովսէփ բանտն էր, երբ Փարաւոն երկու երազներ տեսաւ: Անգամ մը երազին մէջ տեսաւ եօթ պարարտ կովեր և եօթն ալ վտիտ կովեր որոնք առաջինները կերան: Միւս երազին մէջ տեսաւ եօթը լեցուն հասկեր

ու եօթն ալ պարապ հասկեր որոնք առաջինները կլլեցին :

Փարաւոն կանչել տուաւ Եգիպտոսի բոլոր երազ մեկնողները, բայց մէկն ալ չկրցաւ մեկնել : Այն ատեն բանտէն ազատուող պաշտօնեան յիշեց Յովսէփը և Փարաւոնին պատմեց բանտին եղածը : Յովսէփի իսկոյն կանչուեցաւ Փարաւոնի առջեւ և սապէս մեկնեց երազները . «Եօթը պարարտ կովերը եւ եօթը լեցուն հասկերը ցոյց կուտան թէ եօթը տարի առատութիւն պիտի ըլլայ Եգիպտոսի մէջ . իսկ եօթը վտիտ կովերը և եօթը պարապ հասկերն ալ ցոյց կուտան թէ յետոյ եօթը տարի ալ սով պիտի ըլլայ» . ու Յովսէփի խորհուրդ տուաւ Փարաւոնի որ խելացի կառավարիչ մը դնէ :

Փարաւոն անմիջապէս Յովսէփը Եգիպտոսի կառավարիչ կարգեց : Յովսէփի առատութեան եօթը տարիներուն մէջ ահագին քանակութեամբ ցորեն ամբարեց եւ երբ հասան սովի եօթը տարիները, ժողովուրդը չնեղուեղաւ և նոյնիսկ օտար երկիրներէն Եգիպտոս կուգային ցորեն գրնելու համար :

---

**ՀԱՐՑՈՒՄ :** Յովսէփը ի՞նչ ըրին վաճառականները :  
Ինչո՞ւ բանտ դրուեցաւ : Բանտին մէջ ի՞նչ պատահեցաւ :  
Բանտէն ի՞նչպէս ազատեցաւ : Ինչպէ՞ս մեկնեց Փարաւոնին երազները . յետոյ իրականացա՞ն անոնք :

Դ Ա Ս 33.

ԸՆԹԵՐՑԱՆՈՒԹԻՒՆ  
ՀԱՅՈՑ ՊԱՏՄՈՒԹԻՒՆ  
ՎԱՐԴԱՆ, ՎԱՍԱԿ

Արչակունեաց թագաւորութիւնը վերջանալէն ետք Պարսից թագաւորը իր կողմէ հայ իշխան մը դրաւ Վասակ անունով որ շատ չարիք հասցուց հայոց: Պարսիկները կուզէին որ Հայոց կրօնքն ալ ջնջեն, ուստի Յազկերտ հրաման ըրաւ որ հայերը կրակապաշտութիւնը ընդունին. բայց երբ հայերը մերժեցին, այն ատեն Յազկերտ հայոց բոլոր մեծերը Պարսկաստան կանչեց և բանտարկել տուաւ: Ասոնք տեսնելով որ թէ իրենք պիտի նահատակուին և թէ Հայաստան ոտնակոխ պիտի ըլլայ, առ երեսս ընդունեցին և պարսից մոգերով Հայաստան դարձան: Երբ հայերը տեսան մոգերը, ամենքն ալ միացած Ս. Ղեւոնդի եւ ուրիշ եկեղեցականներու հետ լաւ ջարդ մը տուին մոգերուն և փախցուցին զանոնք:

Ասոր վրայ Յազկերտ չափազանց բարկանալով անմիջապէս շատ մը զօրքով սկսաւ Հայաստանի վրայ քալել: Վասակ ուրանալով իր հայ անունը, պարսից կողմը անցաւ անոնց օգնելու համար:

Հայերը 60000 հոգիի չափ Աւարայրի կողմը ժողովուրդեցան որոնց մէջ կային քահանաներ, վարդապետներ և եպիսկոպոսներ և Վարդան Մամիկոնեան անուն քաջի մը առաջնորդութեամբ սկսան քալել Պարսից դէմ: Բոլորն ալ, կտրիճ հայեր, Ս. հաղորդութիւն առնելով ինքզինքնին Աստուծոյ յանձնեցին:



ՎԱՐՄԻՐՆ ՎԱՐԴԱՆ

Հետեւեալ առտու Տղմուտ գետին եզերքը սկսաւ Վարդանանց պատերազմը: Քաջն Վարդան կայծակի պէս ամեն կողմ կը հասնէր և անխրնայ կը ջարդէր պարսիկները. բայց վերջապէս ինքն ալ նետէ մը զարնուելով հերոսաբար ինկաւ և իրեն հետ նահատակուեցան 1036 քաջեր, իսկ պարսիկներէն 3500 հոգիէ աւելի մեռան:

Այսպէս թէեւ Վարդան և իր ընկերները մեռան, բայց հայերը ազատ մնացին իրենց Քրիս-

տոնէութեան մէջ և ազատեցին հայ եկեղեցին:

Իսկ Վասակ յանցանքներ գործած ըլլալուն համար Յազկերտ բանտարկել տուաւ և բանտին մէջ որդնոտելով մեռաւ:

---

Պատմել տալ Վարդանանց պատերազմը:

### ՈՒՂՂԱԳՐՈՒԹԻՒՆ

Հետեւեալ բառերուն հականիշները գրեցէք: Խելացի, հեռատես, փորձառու, ազդասէր, սկսիլ, խնամել, միշտ, խռովութիւն, շինել, սիրելի, տկարանալ, ընդունիլ, գերի, միաբանիլ, հագնիլ, կապել, մօտենալ, յայտնել, արգիլել, արդար:

---

Դ Ա Ս 34.

### ԸՆԹԵՐՑԱՆՈՒԹԻՒՆ

ԳՈՒԹ

Ոտքը բոպիկ, գլուխը բաց  
Փորն անօթի, դէմքը դեղնած,  
Չունէր հայր, մայր և ոչ ալ տէր,  
Դունէ ի դուռ կը պտտէր,  
Աչքերը միշտ լալէն ուռած՝  
Ան կը խնդրէր հագուստ ու հաց:  
Իր վիշտերը ամէն մէկուն  
Ան կը պատմէր առտու իրիկուն,  
Փուշ փուշ եղաւ մարդոց մարմին



Ականջ դնելով անոր ճայնին,  
Եւ բարեսիրտ տղաք անոր  
Տուին բաներ հինցած կամ նոր:  
Աս որ տեսաւ բարի Չաքէն,  
Յօղն թրցունքի սրբեց աչքէն,  
Վազեց գնաց և իր մօրկան,  
Ըսաւ. «Մայրիկ, ա՛խ աս որքան  
Որբ տղաքներ կը տառապին...  
Ունեցածներս տո՛ւր սա որբին:  
Ապրիս որդեակ ըսաւ հայրը,  
Եւ համբուրեց զայն իր մայրը:  
Քիչ վերջ Չաքէն մէկ մեծ ծրար  
Յանձնեց որբին, որ կը դողար:  
Ուրախ եղաւ որբը յուզուած,  
«Կեցցես» ըսաւ վերէն Աստուած:

Գոց ընել տալ այս ոտանաւորը:

## ՈՒՂՂԱԳՐՈՒԹԻՒՆ

Հետեւեալ բառերուն հոմանիշները գրեցէք: Ճարտասան, կը համարուի, գրաւել, մաքառիլ, խիստ, անշուշտ, յուսահատիլ, պակասութիւն, անհետացնել, մըխել, սոսկալի, պատանի, շիոթիլ, իրօք ալ, պատկեր, ողջութեանը, հաստատ, ծաղրել:

Դ Ա Ս 35.

## ԸՆԹԵՐՑԱՆՈՒԹԻՒՆ

### ԿՐՕՆՔ

#### ՅՈՎՍԷՓ ԵՒ ԻՐ ԵՂԲԱՅՐՆԵՐԸ

Քանանացւոց երկիրն ալ սովի մատնուած ըլլալով, Յովսէփ լսած էր որ Եգիպտոսի մէջ պաշար կայ, ուստի իր զաւակները զրկեց որ երթան ցորեն գնեն. իր քով պահեց միայն կրտսեր զաւակը Բենիամին, կասկածելով որ անոր ալ չարիք մը կը պատահի:

Յովսէփ եղբայրները տեսնալով ճանչցաւ զանոնք բայց չյայտնեց ու տեսնելով որ Բենիամին չկայ, ըսաւ որ երթան ու զայն ալ բերեն եւ Շմաւոնը իբր պատանդ իր քով պահեց:

Յակոբ չուզեց զրկել Բենիամինը, վախնալով որ անոր ալ փորձանք մը կը պատահի. սակայն տեսնալով որ սովը հետզհետէ կը սաստկանայ, ստիպուեցաւ զրկել: Այս անգամ Յովսէփ սիրով ընդունեց իր եղբայրները և այլ եւս չկըրնալով համբերել, ինքզինքը ճանչցուց անոնց: Յետոյ առատ նուէրներով և կառքերով զրկեց զանոնք որպէսզի երթան և հայրերնին բերեն:

Յակոբ նախ չուզեց հաւատալ թէ Յովսէփ ողջ է եւ Եգիպտոսի կառավարիչն է. բայց երբ զրկուած կառքերը տեսաւ, ուրախութեամբ ճամբայ ելաւ իրեններով:

**Յովսէփ մեծ ուրախութեամբ ընդունեց հայրը և զայն Փարաւոնին ներկայացուց, որ իրեն երկիր մը տուաւ ապրելու համար:**

147 տարեկան էր երբ զգաց թէ պիտի մեռնի. իսկոյն իր քով կանչեց Յովսէփը, օրհնեց և բոլոր իր զաւակները և պատուիրեց որ մեռնելէ ետքը իր մարմինը իր երկիրը փոխադրեն և հօրը քով թաղեն: Յովսէփ կատարեց հօրը պատուէրը և մեծ հանդէսով տարաւ թաղեց:

Երբ հայրերնին մեռաւ, Յովսէփի եղբայրները վախցան թէ զիրենք կը պատժէ, բայց Յովսէփ ըսաւ անոնց. «Մի վախնաք, թէեւ դուք ինծի չարութիւն ըրիք, բայց այդ չարիքը ամենուս ալ օգտակար եղաւ»:

Յակոբի մեռնելէն ետք, Յովսէփ 50 տարի ալ ապրելով 110 տարեկան մեռաւ: Մեռնելէն առաջ պատուիրեց իր եղբայրներուն որ Եգիպտոսէն ելած ատեննին իր ոսկորներն ալ հետերնին տանին. անոնք ալ մարմինը զմոսելով պահեցին տապանի մը մէջ:

---

**ՀԱՐՑՈՒՄ:** Յովսէփի եղբայրները ինչո՞ւ Եգիպտոս եկան: Յովսէփ ինչո՞ւ վար դրաւ Շմաւոնը: Ինչպէ՞ս ճանչցուեցաւ. Յակոբ ի՞նչ ըրաւ: Ի՞նչ պատուիրեց Յովսէփի եւայլն:

Դ Ա Ս 36.

ԸՆԹԵՐՑԱՆՈՒԹԻՒՆ

ՀԱՅՈՑ ՊԱՏՄՈՒԹԻՒՆ

ՎԱՀԱՆ

Յազկերտ մեռնելով իրեն յաջորդեց իր որդին Պերոզ որ հայ նախարարները ութը տարի իր գործերուն ծառայեցուց. անոնց մէջ կար Վարդանին եղբորորդին Վահան որ իր քաջութեամբ և խելացիութեամբը սիրելի եղած էր Պերոզի. միւս նախարարները նախանձելով ամբաստանեցին Վահանը և այն ալ Պերոզի աչքէն չիյնալու համար հաւատքը ուրացաւ:

Ժամանակ մը վերջ սակայն հայերը յորդորեց որ ապստամբին և Քրիստոնէութեան համար պատերազմին. հայերն ալ ընդունելով, Վահանը սպարապետ կարգեցին: Պերոզ երբ լսեց Վահանայ ապստամբութիւնը, անմիջապէս շատ մը զօրք ղրկեց, ապսպրելով որ ողջ բռնեն Վահանը: Վահան քաջութեամբ կռուելով յաղթեց և պարսիկները փախցուց և միշտ Աստուծոյ ապաւինելով իրեն դէմ ղրկուած բոլոր պարսիկ մեծերուն կը յաղթէր:

Պերոզ մեռած և իր եղբայրը Վաղարշ Թագաւորած էր: Վաղարշ տեսնալով որ Վահանը

յաղթել անկարելի է, մարդ ղրկեց և հաշտութիւն խնդրեց: Վահան ընդունեց պայման դնելով որ Հայաստանի մէջ Քրիստոնէութիւնը ազատ պաշտուի: Վաղարշ հաւանութիւն տուաւ և Վահան պալատ երթալով Վաղարշէն երդում առնելով Հայաստան դարձաւ և 26 տարի հայրենասիրութեամբ Հայաստանը կառավարելէ ետք մեռաւ:

---

**ՀԱՐՑՈՒՄ:** Ո՞վ էր Վահան. ինչո՞ւ հաւատքը ուրացաւ. ինչո՞ւ պարսից դէմ ապստամբեցաւ: Վահան ինչպէ՞ս հաշտութիւն կնքեց պարսից հետ:

## ՈՒՂՂԱԳՐՈՒԹԻՒՆ

Հետեւեալ բառերուն հոմանիչները գրեցէք: Ընդունիլ, տէրութիւն, իմաստութիւն, ընդարձակել, զօրք, օժանդակել, տղայ, ետքը, պզտիկ, մեռնիլ, աւարտել, կարգուիլ, ստակ, հագուստ, անուշ, յիմար:

---

## Դ Ա Ս 37.

### ԸՆԹԵՐՑԱՆՈՒԹԻՒՆ

#### ՄԱՐԴԿԱՅԻՆ ՑԵՂԵՐ

Մարդիկ, որ կը բնակին երկրիս վրայ, ամէնքն ալ միևնոյն գոյնը ու կերպարանքը չունին. հապա կան սպիտակ, դեղին, պղնձագոյն, սեւ գոյնով մարդիկ:

Մի կարծէք սակայն որ երկրիս վրայ գտնուող մարդիկ միայն գոյնով կամ կերպարանքով կը տարբերին իրարմէ: Անոնք բարքով, վարքով, կրթութիւնով, կրօնքով և լեզուով ալ կը զանազանին իրարմէ:

Այն ժողովուրդները որ քաղաքակրթութեան մէջ յառաջացած են և երկրի մը մէջ հաստատուն բնակութիւն ունին, կըսուին քաղաքակրթեալ ժողովուրդ: Անոնք ունին իրենց համար կառավարութիւն, օրէնք, աստուածապաշտ են, ուսման և գիտութեան մէջ յառաջացած են արհեստով ու վաճառականութիւնով կը զբաղին:

Կան ժողովուրդներ ալ որ հաստատուն բնակութիւն չունին, վրաններու տակ կը բնակին, խաշնարած և որսորդ են. ասոնք ալ կը կոչուին թափառական կամ վաչկատուն:

Կան նաեւ վայրենիները որոնք խումբ խումբ կապրին, արհեստ և ուսմունք չեն գիտեր, կառավարութիւն, օրէնք և կրօնք չունին: Ասոնց մէջ մարդակերներ ալ կան:

## ՈՒՂՂԱԳՐՈՒԹԻՒՆ

Դասատուն: Գրեցէք տետրակներնուդ մէջ թէ ի՞նչ ըսել է, ժամացոյց, բանալի, ինքնահոս գրիչ, ինքնաշարժ կառք (օթօմօպիլ), հաւնոց, պաղպաղակ, սօլար, քերականութիւն, հանրակառք (car):

(Գրելէ վերջ, իւրաքանչիւրին կարդացնել և տառասրխալները սրբագրել տալ):

Դ Ա Ս 38.

**ԸՆԹԵՐՑԱՆՈՒԹԻՒՆ**

**ԿՐՕՆՔ**

**ՄՈՎՍԷՍ**

*Յովսէփի մեռնելէն 430 տարի ետքը, Եգիպտոսի վրայ իշխող Փարաւոն մը տեսնելով որ Իս-*



**ՄՈՎՍԷՍ ԶՈՒՐԷՆ ԿԸ ՀԱՆՈՒԻ**

*րայէլացիք բազմացած են յու կրնան իրենց գէ-  
շութիւն ընել հրամայեց որ ծանր աշխատու-  
թիւններ տան անոնց որպէսզի տկարանան և չա-  
ճին :*

Ասով ալ գոհ չըլլալով, Փարաւոն հրաման ըրաւ որ իսրայէլացիներուն բոլոր նոր ծնած արու տղաքը Նեղոս գետը ձգուին:

Կին մը միայն իր զաւակը պահեց երեք ամիս. յետոյ, վախնալով որ երեւան կելլէ, եղեգէ հիւսուած և կուպրով ծեփուած սակառի մը մէջ դնելով գետը ձգեց զայն: Տղուն քոյրը գետին եզերքը կեցած կը դիտէր:

Փարաւոնին աղջիկը անկէ անցնելով տեսաւ սակառը և իր սպասուհիներուն հրամայեց ջրէն դուրս հանել. բացին ու տեսան գեղեցիկ մանուկ մը որ կը ճչէր. առաւ իր պալատը տանելու բայց ստնտու չկար: Այն ատեն տղուն քոյրը մօտենալով ըսաւ թէ ինք կը ճանչնայ ստնտու կին մը ու գնաց կանչեց իր բուն մայրը:

Փարաւոնին աղջիկը տուն տարաւ տղան եւ մայրը, առանց գիտնալու թէ տղուն մայրն է և սկսաւ դիեցնել իր զաւակը:

Տղուն անունը դրին Մովսէս որ ջուրէն հանուած ըսել է:

Այսպէս Մովսէս սկսաւ մեծնալ պալատին մէջ և հետզհետէ ժամանակին գիտութիւնները սորվելով, իմաստուն մարդ մը եղաւ:

---

**ՀԱՐՑՈՒՄ:** Փարաւոն ինչո՞ւ կը չարչարէր իսրայէլացիները: Մովսէս ի՞նչպէս ջուրէն հանուեցաւ ու յետոյ ի՞նչ եղաւ:



Դ Ա Ս 39.

**ԸՆԹԵՐՑԱՆՈՒԹԻՒՆ**

**ՀԱՅՈՑ ՊԱՏՄՈՒԹԻՒՆ**

**ԲԱԳՐԱՏՈՒՆԵԱՑ ԹԱԳԱՒՈՐՈՒԹԻՒՆ**

Վարդանանց պատերազմէն վերջ Հայաստան սկսաւ կառավարուիլ Մարզպան, Պատրիկ և Ոստիկան անունը կրող պաշտօնեաներով, մինչեւ որ հայերը միաբանելով Աշոտը իրենց վրայ թագաւոր դրին, որ ամեն կողմ հանդարտեցնելէն ու կարգադրելէն վերջը Պօլիս գնաց և վերադարձին Շիրակ հասնելով հիւանդացաւ և մեռաւ 54 տարի թագաւորելէն ետքը:

Աշոտին յաջորդեց իր որդին Սմբատ: Պարսից ոստիկանը նախանձելով Սմբատի մեծնալուն վրայ շատ մը զօրքով պատերազմի ելաւ բայց յաղթուեցաւ:

Սմբատ շատ քաջութիւններ ըրաւ և Հայաստանի վրայ յարձակող զանազան թշնամիներուն բոլորին ալ յաղթեց: Բոլոր այն նախարարները որ իրմէ կապստամբէին, կը յաղթէր և զանոնք բռնելով չարաչար կը պատժէր:

Սմբատին քեռորդին Գագիկ Արծրունի ևս ապստամբելով գնաց Պարսից ոստիկանին՝ Յուսուփի միացաւ: Յուսուփ լաւ գիտէր որ հայոց զօրութիւնը տկարացնելու համար անոնց մէջ

երկպառակութիւն ձգել պէտք էր, անոր համար Գազիկին շատ պատիւներ ընելով զայն թագաւոր դրաւ և յետոյ անոր հետ միացած պատերազմի ելաւ Սմբատի դէմ որ անօգնական մնալով փախաւ:

Սմբատ երբ իմացաւ որ իրեն Աշոտ և Մուշեղ անունով զաւակները յաղթուեր են, յուսահատելով կապոյտ անուն բերդը քաշուեցաւ: Յետուի բերդը պաշարեց և Սմբատ տեսնալով որ ալ ուրիշ ճար չկայ, անձնատուր եղաւ երդում առնելով Յուսուփէն թէ իր կեանքին պիտի չդպչի:

Յուսուփ թէեւ ազատ թողուց բայց յետոյ շատ տանջանքներով նահատակեց Սմբատը որ 30 տարի թագաւորեց հայոց վրայ:

---

**ՀԱՐՑՈՒՄ**: Ի՞նչպէս սկսաւ Բագրատունեաց թագաւորութիւնը. ի՞նչ գիտես Սմբատի վրայ:

## ՈՒՂՂԱԳՐՈՒԹԻՒՆ

Խօզանակը որով կը մագրէնգ մէր սքեզտնէրը, ձիեու մազով շինված է: Սանրը կը շինվի կէնթանինէրու եխչիւրով: Նաեւ թանակի կողէրը և հօւանօցի գլուղնէրը կը շինվին եղչիւրով:

(Տառասխալները սրբագրեցէք):

Դ Ա Ս 40.

ԸՆԹԵՐՑԱՆՈՒԹԻՒՆ

Ղուկաս, որ ածխավաճառի մը որդին էր, օր մը ծառին տակ նստած կուլար:

Շքեղ հագուստներով պարոն մը անկէ կանցնէր: Լսեց տղուն լալը, քովը եկաւ և հարցուց. «Տղա՛ս, ինչո՞ւ կուլաս»:

«Ա՛խ, պատասխանեց Ղուկաս, շատոնց է որ մայրս հիւանդ է: Հայրս պզտիկ քսակի մը մէջ ստակ դրաւ և ինծի տուաւ որ քաղաք տանիմ եւ դեղագործին հաշիւը վճարեմ: Բայց քիչ մը առաջ, նա առուին քովէն անցած ատենս, նայեցայ որ քսակը գրպանէս ինկեր, կորսուեր է»:

Պարոնը գրպանէն քսակ մը հանեց, մետաքսէ կարմիր քսակ մը, որուն մէջ լեցուն ոսկի կար: Ղուկասին ցոյց տալով հարցուց. «Աս չէ՞ կորսնցուցած քսակդ:

— Չէ, պարոն, ատ իմ քսակս չէ, ըսաւ Ղուկաս: Իմինս ատոր չափ աղւոր չէր, մէջն ալ ոսկի չկար մինակ 3 մէծիտ կար:

— Անանկ է նէ, աս է քու քսակդ, ըսաւ պարոնը, գրպանէն հանելով ուրիշ պզտիկ քսակ մը՝ որ Ղուկասինն էր և զոր գտած էր ճամբուն վրայ:

— Այո, պարոն, ա՛ս է, գոչեց Ղուկաս ուրախութեամբ: Պարոնը զայն Ղուկասին տուաւ ըսելով.

— Տղա՛ս, քանի որ ճշմարիտ խօսեցար, քեզի կուտամ աս աղուոր քսակն ալ՝ մէջի ոսկիներով: Ա՛ռ»:

Ուրիշ տղայ մալ, Սուրէն, լսելով Ղուկասին պատմութիւնը, դնաց նոյն ծառին տակ նստաւ, սկսաւ լալ ու ողբալ:

«Ա՛խ, քսակս, վա՛խ քսակս, կորսուեցա՛ւ քսակս»:

Նոյն պարոնը, որ հոնկէ կանցնէր, Սուրէնին մօտեցաւ, և անոր ցոյց տալով կապոյտ մետաքսէ քսակ մը, մէջը լեցուն ոսկի, հարցուց անոր.

— Ա՞ս է կորսնցուցած քսակդ:

— Այո՛, պատասխանեց Սուրէն, ա՛տ է:

Ու ձեռքը երկնցուց որ աղուոր քսակը առնէ, բայց պարոնը ըսաւ.

— Ստախօս քեզի, զիս խաբե՞լ կուզես: Կեցիր անանկ է նէ, քեզի ուրիշ բան մը տամ:

Աս ըսելով պարոնը աղուոր տփոց մը քաշեց ստախօս Սուրէնին:

ՀԱՐՑՈՒՄ: Ի՞նչ է ճշմարտասիրութիւնը: Ղուկասի և Սուրէնի մէջ ի՞նչ տարբերութիւն կայ:

### ՈՒՂԱԳՐՈՒԹԻՒՆ

Հետեւեալ խօսքերը ամբողջացնել յարմար բառեր դնելով և յետոյ սխալները ուղղել:

Թուղթը կը գործածեն ..... . . . . .

Հայրս կաշխատի ..... . . . . .

Ոսկիով կը շինեն ..... . . . . .

Գետին ջուրը երբ սառի ..... . . . . .

Ոչխարին բուրդը կը խուզեն և յետոյ ..... . . . . .

Մեր գլխաւոր սնունդներն են ..... . . . . .

Generated on 2016-07-19 07:45 GMT / http://hdl.handle.net/2027/hvd.32044098778665  
Public Domain, Google-digitized / http://www.hathitrust.org/access\_use#pd-google

Դ Ա Ս 41.

ԸՆԹԵՐՑԱՆՈՒԹԻՒՆ

ԿՐՕՆՔ

ԱՍՏՈՒԱԾ ՄՈՎՍԷՍԻ ԿԸ ԽՕՄԻ

Մովսէս թէեւ Փարաւոնի պալատին մէջ կր մեծնար, բայց չէր մոռնար իր ազգակիցները անոնց տառապանքները տեսնելով:

Օր մը տեսաւ որ եգիպտացի մը իսրայէլացի մը սաստիկ կը ծեծէ, բարկացաւ և սպաննեց եգիպտացին:

Ուրիշ օր մըն ալ տեսաւ որ երկու եգիպտացի իրարու հետ կը կռուին, մօտեցաւ և ըսաւ թէ երկուքն ալ հայրենակից են ու պէտք չէ կռուին: Անոնցմէ մին պատասխանեց. «բարեկամ, քեզի մեր վրայ ո՞վ դատաւոր դրաւ. չէ թէ մեզի ալ սպաննել կուզես անցեալ օրուան եգիպտացիին պէս»:

Մովսէս այս խօսքը լսելով սաստիկ վախցաւ որ չըլլայ թէ Փարաւոն լսած ըլլայ ու զինքը պատժէ. ուստի պալատը ձգեց ու անապատ փախաւ: Հոն հանդիպեցաւ հովիւներու և անոնց քով ծառայութեան մտնելով, անոնցմէ մէկուն աղջրկանը հետ ամուսնացաւ:

Օր մը երբ Մովսէս Քորեբ լերան վրայ ոչխարները կարածէր, յանկարծ տեսաւ մորենի մը որ շարունակ կայրէր առանց հատնելու:

Հետաքրքրութեամբ սկսաւ մօտենալ հասկընալու համար թէ ինչ է եղածը: Այդ միջոցին ձայն մը լսեց մորենիին մէջէն որ կըսէր. «Մովսէս, ես Աբրահամի, Իսահակի և Յակոբի Աստուածն եմ. այդ տեղը ուր կեցեր ես, սուրբ է, կօշիկներդ հանէ և այնպէս մօտեցիր և ինձ լսէ: Իմ ժողովուրդիս քաջած տառապանքը տեսայ Եգիպտոսի մէջ. քեզի պիտի ղրկեմ որ զայն ազատես»):

Մովսէս ըսաւ թէ ինքը անկարող է այդ գործը կատարելու համար, բայց Աստուած յուսադրեց զինքը, յայտնելով թէ միշտ իրեն պիտի օգնէ և ըսաւ որ իր Ահարոն եղբայրն ալ հետը առնէ:

Ասոր վրայ Մովսէս հրաժեշտ առաւ ընտանիքէն և ճամբայ ելաւ: Անապատին մէջ հանդիպեցաւ Ահարոնին և երկուքը մէկ գացին Եգիպտոս:

---

**ՀԱՐՑՈՒՄ:** Մովսէս ինչո՞ւ փախաւ Եգիպտոս: Անապատին մէջ ի՞նչ պատահեցաւ: Քորեք լերան վրայ ի՞նչ տեսաւ: Աստուած ի՞նչ հրամայեց իրեն:

## ՈՒՂՂԱԳՐՈՒԹԻՒՆ

Հետեւեալ բառերուն հոմափիջները գրեցէք:

Վերջ, ժամանակ, նորէն, յարգել, նեղութիւն, բաւական, համարեց, ցեղ, ազատել, ջահ, աղաղակել, վախ, խաղաղ, զաւակ, անուանեց, ապահով, սպաննել, պզտիկ, փրկուիլ, ջախջախել, մաս:

Դ Ա Ս 42.

ԸՆԹԵՐՑԱՆՈՒԹԻՒՆ

ՈՐԴԻԱԿԱՆ ՍԻՐՈՅ ՕՐԻՆԱԿ

Հոովմայեցի կին մը յանցանքի մը համար կը դատապարտուի խեղդամահ ըլլալու: Եռապետը կը ցաւի վրան և կը հրամայէ որ փոխանակ խեղդելու, թողուն որ բանտին մէջ անօթութենէ մեռնի:

Կինը աղջիկ մը ունէր Տարէնդիա անունով որ շատ մը աղաչելէ վերջ կըրցաւ հրաման առնել ուզած ատենը երթալ մայրը տեսնալու այն պայմանաւ որ ամեն անգամ վրան խուզարկեն որպէսզի մօրը ուտելիք չտանի:

Շատ օր կանցնի, և կը տեսնեն որ մայրը անօթութենէ չտկարանար: Եռապետը զարմացած՝ կսկսի անձամբ քննել պատճառը և գաղտնի պահուելով բանտին մէջ հիացումով կը տեսնէ որ աղջիկը Տարէնդիա ծիծ տալով կը կերակրէ իր մայրը: Անմիջապէս իրողութիւնը կը պատմէ դատաւորներուն որոնք որդիական այս գեղեցիկ սիրոյն վրայ զմայլած մօրը կը ներեն:

Այսչափն ալ բաւական չհամարելով, գանձէն մօրն ու աղջկան մշտնջենաւոր թոշակ մը կը սահմանեն որպէսզի կարենան իրենց մնացեալ օրերը հանգիստ ապրիլ:

Կըսուի նաեւ թէ այդ բանտն ալ կործաներ և

տեղը տաճար կանգնեցր են, նուիրեալ որդիական  
սիրոյն:

**Պատմել տալ այս պատմութիւնը:**

Ի՞նչ կը նշանակեն. հռովմայեցի, խեղդամահ, ե-  
ռապետ, խուզարկել, մշտնջենաւոր, տաճար, հիացում,  
դատաւոր բառերը:

### ՈՒՂՂԱԳՐՈՒԹԻՒՆ

Շարադրութեան ձեւով

Նկարագրեցէք հետեւեալ առարկաները, ըսելով թէ  
1. ի՞նչ է, 2. ի՞նչէ շինուած է և 3. ինչի՞ կը գործածուի:  
Ասեղ, մատնոց, զմելին, դանակ, սղոց, ժամացոյց,  
ածելի:

Դ Ա Ս 43.

### ԸՆԹԵՐՑԱՆՈՒԹԻՒՆ

ԿՐՕՆՔ

ԻՍՐԱԵԼԱՑԻՈՑ ԱԶԱՏՈՒԻԼԸ. ՏԱՄՆԱԲԱՆԵԱՅ

ՊԱՏՈՒԻՐԱՆՔ. ՄՈՎՍԷՍԻ ՄԱՀԸ

Մովսէս և Ահարոն Փարաւոնին ներկայա-  
ցան և Աստուծոյ անունով ըսին որ իսրայէլացի-  
ները արձակէ: Փարաւոն մերժեց և Աստուած  
ծանր պատիժներ ղրկեց եգիպտացւոց վրայ,  
նոյնիսկ անոնց բոլոր անդրանիկ զաւակները  
մեռցուց որոնց մէջ էր նաեւ Փարաւոնին տղան.



ասոր վրայ Փարաւոն վախնալով իսրայէլացիները արձակեց և անոնք Մովսէսի առաջնորդութեամբ Կարմիր ծովէն անցան: Մովսէս Աստուծոյ հրամանաւ գաւազանով ջուրերը երկուքի բաժնեց և երբոր միւս եզերքը անցան նորէն ջուրերը միացան: Փարաւոն որ զղջացած էր իսրայէլացիները թողած ըլլալուն, ետեւնուն հասաւ և իր բոլոր մարդոցմով ջուրերուն մէջ մնալով խեղդուեցաւ: Իսրայէլացիք տեսնելով փառք տուին Աստուծոյ և շատ նեղութիւններով հասան Սին անապատը:

Հոն Աստուած կանչեց Մովսէսը և երկու քարէ տախտակներու վրայ գրուած հետեւեալ 10 պատուէրները տուաւ որպէսզի ժողովուրդը անոր համեմատ վարուի:

- 1.— Ինձմէ զատ ուրիշ Աստուած չը պաշտես:
- 2.— Կուռք չը շինես և անոր երկրպագութիւն չընես:
- 3.— Իմ անունս պարապ տեղը բերանդ չառնես և սուտ երդում չընես:
- 4.— Վեց օր աշխատէ և եօթներորդ օրը սուրբ պահէ:
- 5.— Հայրդ և մայրդ յարգէ և պատուէ:
- 6.— Մարդ մի՛ սպաններ:
- 7.— Անբարոյականութիւն մի՛ ըներ:
- 8.— Գողութիւն մի՛ ըներ:
- 9.— Ընկերօջի համար սուտ վկայութիւն մի՛ ըներ:

10.— Ընկերոջդ ունեցածին աչք մի՛ տնկեր:

Իսրայէլացիք ամեն անգամ որ նեղութեան մէջ կը մնային, Աստուած կը մոռնային և կսկըսէին կուռքեր շինել և պաշտել. Աստուած ալ ամեն անգամուն զանազան պատիժներ կուտար անոնց:

Իսրայէլացիք 40 տարի անապատին մէջ Թափառելէ վերջ հասան Աստուծոյ խոստացած Աւետեաց երկիրը. իսկ Մովսէս ծերացած ըլլալով չկրցաւ անոնց ընկերանալ և 120 տարեկան մեռաւ: Իսրայէլացիք երեսուն օր սուգ պահեցին:

ՀԱՐՑՈՒՄ : Իսրայէլացիք ինչպէ՞ս ազատեցան: Որոնք են 10 պատուէրները:

## ՈՒՂՂԱԳՐՈՒԹԻՒՆ

Շարադրութեան ձեւով՝

Բացատրեցէք թէ ի՞նչ տեսակ կենդանի է հաւը, կատուն, աքաղաղը, ծիւղնակը մուկը, կրիան, բուն, շունը, թութակը:

Իւրաքանչիւր աշակերտի գրածը կարդացնել և յետոյ տառասխալները սրբագրել տալ:



Դ Ա Ս 44.

ԸՆԹԵՐՑԱՆՈՒԹԻՒՆ  
ՀԱՅՈՑ ՊԱՏՄՈՒԹԻՒՆ  
ԱՇՈՏ Բ.

Յուսուով Հայաստանի ամեն կողմը արիւն-  
լըւայ ընելէն ետքը, պահապաններ ձգելով  
Պարսկաստան դարձաւ: Սմբատին որդին Աշոտ  
Բ. որ Աշոտ Երկաթ ըսուեցաւ, հօրը մահուան  
լուրը առնելուն պէս անմիջապէս 600 հոգիի չափ  
մարդ ժողովեց և վազեց պահապաններուն վրայ և  
սաստիկ ջարդ մը տալով փախցուց: Նախարար-  
ները Աշոտի քաջութիւնները տեսնելով զինքը  
Թագաւոր դրին:

Աշոտ Երկաթ օտար թշնամիներէ զատ հա-  
յեր ալ ունեցաւ իրեն թշնամի, որովհետև ան-  
կըրթութիւնը այն աստիճան տիրած էր հայոց  
մէջ որ ամենքն ալ ինքնիշխան թագաւորել կու-  
զէին: Աշոտ թէեւ բոլոր թշնամիներուն յաղթեց  
բայց իր քովի տգէտ և փառամուլ պաշտօնեանե-  
րէն յուսահատելով Սեւան կղզին քաշուեցաւ:

Յուսուով իմանալով անմիջապէս մարդ ղըր-  
կեց Հայաստան ու շատ չարիք հասցուց հայոց.  
յետոյ Սեւան կղզին ալ պաշարել տուաւ Աշոտը  
բռնելու համար բայց Աշոտ իր քով ունեցած 100  
մարդերովը այն աստիճան կտրճութեամբ պա-  
տերազմեցաւ որ շատ մարդ սպաննեց և բոլորը

փախցունելով ինքն ալ նորէն Հայաստան եկաւ  
և թագաւորութիւնը ձեռք առաւ, ու 24 տարի  
թագաւորելէ ետք մեռաւ:

Աշոտին յաջորդեց իր եղբայրը Աբաս որ  
չատ քաջ ըլլալով բոլոր թշնամիներուն յաղթեց  
և Հայաստան քիչ մը հանդարտելով սկսաւ ծաղ-  
կիլ ու 24 տարի թագաւորելով մեռաւ:

Իրեն յաջորդեց իր որդին Աշոտ Գ. որ շատ  
աղքատասէր մէկը ըլլալուն համար «Աշոտ Ու-  
ղորմած» կոչուեցաւ: Իր օրով Հայաստան բա-  
ւական խաղաղ էր և շատ մը բարեկարգութիւն-  
ներ ընելով 26 տարի թագաւորեց և մեռաւ խա-  
ղաղութեամբ:

---

## ՈՒՂՂԱԳՐՈՒԹԻՒՆ

Ի՞նչ տարբերութիւն կայ հետեւեալներուն մէջ: Ա-  
մառուան և ձմեռուան մէջ: Գիւղացիին և քաղաքացիին  
մէջ: Տգէտին և ուսեալին մէջ: Քրիստոնեային և հեթա-  
նոսին մէջ: Երկաթին և ոսկիին մէջ:

---

Դ Ա Ս 45.

## ԸՆԹԵՐՑԱՆՈՒԹԻՒՆ

ԵՐԿՈՒ ՃԱՄԲՈՐԴՆԵՐ

Թովմաս աղբար և թորոս քաջ բարեկամ,  
Օր մը մօտի քաղաքն երթալ սկըսան.  
Թովմաս տեսաւ մէջտեղ ճամբուն,  
Ոսկիի քսակ մը լեփլեցուն.  
Վար ծռեցաւ առաւ զայն,

Արտորնօք դրաւ իր գրպան :  
Թորոս ըսաւ ուրախ սրտով,  
«Բաղդերնիս լա՛ւ յաջողեցաւ :  
— Չէ՛, կրկնեց Թովմաս պաղուկ նայուածքով,  
«Բաղդերնիս այստեղ չը յարմարեցաւ .  
«Թէ կուզես, ըսէ՛ քաղդըդ բանեցաւ» :  
Տրտմեցաւ սիրտը Թորոսին,  
Պաղ խօսքերով բարեկամին,  
Թէեւ լսեց իբր անտարբեր  
Սակայն արիւնը զարկաւ վեր :  
Յետոյ դաշտէն անտառ մտած ժամանակ  
Վազեցին յանկարծ  
Թումասի դիմաց

Արիւնկզակ երկու կտրիճ աւազակ :  
Խեղճը վախէն լեղապատառ  
«Կորանք, կանչեց, Թորո՛ս աղբար» :  
Աղբար Թորոս անտարբեր՝  
«Կորանք, ըսաւ մի գրուցեր,  
«Այդ տեղ, կորայ կուգայ յարմար» :  
Խոտորելով իր ճամբան՝  
Գնաց մտաւ ծառաստան :  
Թումաս մինակ ի՞նչ ընէր,  
Սիրտը մեռնիլ չէր ուզեր .  
Ուստի շուտով քսակն հանեց՝  
Աւազակներուն ձեռքն յանձնեց :

Թէ որ յաջող ու լաւ օրիդ,  
Բարեկամդ չը յիշես,  
Քու բարեկամդ ալ նեղ օրիդ՝  
Չը նայիր բնաւ քու երես :

ՎԱՐԺ. Այս ոտանաւորը արձակի ձեւով պատմել  
տալ և անոր բարոյական նշանակութիւնը բացատրել :

Դ Ա Ս 46.

ԸՆԹԵՐՑԱՆՈՒԹԻՒՆ

ՍԱՄՓՍՈՆ ԵՒ ԴԱԻԻԹ

ԿՐՕՆՔ

Աստուած Իսրայէլացւոց վրայ դատաւոր կարգեց Սամփսոն անունով մէկը, որ չափազանց զօրաւոր էր: Անգամ մը Սամփսոն ամուսնանալու համար ուրիշ քաղաք գացած ատեն, ճամբան առիւծի մը հանդիպելով, բռնեց և իր թեւերուն մէջ խեղդեց զայն և յետոյ կզակները իրարմէ բաժնեց. վերադարձին տեսաւ որ մեղուները առիւծին բերնին մէջ մեղր շիներ են, առաւ եւ հարսնետուն տարաւ:

Սամփսոն տեսնելով որ փղշտացիները իր կինը ուրիշի մը հետ ամուսնացուցեր են, բարկանալով, 300 հատ աղուէս բռնեց, պոչերնուն իրարու կապեց և մէջտեղերը վառած ջահեր դրնելով, թշնամիներուն արտերը արձակեց զանոնք և բոլոր ձիթենիի, ծառերը և հունձքերը այրեց:

Ուրիշ անգամ մը փղշտացւոց քաղաքը կը գտնուէր, երբ դուռը վրայէն գոցեցին որ չփախչի. բայց Սամփսոն գիշերը այդ ծանր դռները շալկեց և մօտակայ լեռ մը տարաւ ձգեց:

Փղշտացիք հասկնալով որ Սամփսոնի ուժը

իր երկար մազեր ունենալէն է, կինը կաշառելով մազերը կտրել տուին ու երբոր ուժը սպառեցաւ, բռնեցին և իրենց տաճարին սիւներուն կապեցին և աչքերը փորեցին: Սամփսոնի մազերը սկսած էին աճիլ, ուստի իր բոլոր ուժը հաւաքելով, սիւները այնպէս ուժով սարսեց որ ամբողջ տաճարը փլաւ և մէջը գտնուող բոլոր փղշտացիներուն հետ ինքն ալ մեռաւ:

Փղշտացիք իսրայէլացիներէն պահանջեցին որ իրենց ամենէն կտրիճը գայ և կռուի իրենց պետին Գողիաթին հետ, որ շատ հսկայ մարդ մըն էր:

Դաւիթ անուն երիտասարդ մը Աստուծոյ ապաւինելով, իր պարսատիկը շարժեց եւ մէջի քարը հսկային ճակտին զարնելով, գետին փռեց զայն և մօտենալով գլուխը կտրեց սուրով:

Դաւիթ լաւ քնար կը զարնէր և սաղմոսներ յօրինելով Աստուծոյ կաղօթէր: Ինք անառակ կեանք մը ունենալուն Աստուած կարգ մը պատիժներ տուաւ անոր, բայց Դաւիթ զղջալով ապաշխարեց և Աստուած ներեց անոր:

---

## ՈՒՂՂԱԳՐՈՒԹԻՒՆ

Հետեւեալ հարցումներուն պատասխանեցէք գրաւոր: Ի՞նչ տեսակ կենդանի է աղուէսը: Ի՞նչ է ջահը:— Ի՞նչ տեսակ ծառ է ձիթենին:— Ի՞նչ ըսել է կաշառել:— Ի՞նչ է կուռքը:— Ի՞նչ է տաճարը:— Ի՞նչ է պարսատիկը:

Դ Ա Ս 47.

ԸՆԹԵՐՑԱՆՈՒԹԻՒՆ

ՀԱՅՈՑ ՊԱՏՄՈՒԹԻՒՆ

ՍՄԲԱՏ Բ.-ԻՆ ԲԱԳՐԱՏՈՒՆԵԱՑ ԹԱԳԱՒՈՐՈՒԹԵԱՆ  
ՎԵՐՋԱՆԱԼԸ

Աշոտին յաջորդեց իր որդին Սմբատ Բ. որ իր հօրը պէս քաջութեամբ և իմաստութեամբ կառավարեց ազգը: Անոր յաջորդեցին հետզհետէ Գագիկ Ա. որ շատ օգտակար եղաւ երկրին: Յովհաննէս Սմբատ որ գործունեայ չըլլալուն շատ չարիքներ պատահեցաւ Հայաստանի մէջ: Յունաց կայսրը իրեն օգնելուն համար Անի քաղաքը խոստացաւ անոր տալ: Իր մահուանէն վերջ Յունաց Միքայէլ կայսրը բազմաթիւ զօրքով եկաւ պաշարեց Անին, բայց հայերը զանոնք ջարդելով ետ մղեցին և Գագիկ Բ.-ը թագաւոր դրին:

Յունաց կայսրը կեղծ բարեկամ եղաւ Գագիկի և հայ նախարարները իր կողմը շահեցաւ Անին գրաւելու համար: Գագիկ Բ. հաւատալով նախարարներու երդումին Պօլիս գնաց ուր մեծ պատուով ընդունուեցաւ կայսրէն և նախարարներն ալ Անիի բանալին կայսեր դրկեցին:

Կայսրը եկաւ ու Հայաստանի տիրեց ու ամեն տեսակ թշնամիներ Հայաստանի վրայ վա-



վելով մտքէ չանցած չարիքներ հասուցին հայոց գլխուն:

Գազիկ Յունաստանի մէջ թէեւ ազատ կը պտտէր, բայց յոյները միշտ կը ծաղրէին զինքը, այնպէս որ օր մը Յունաց եպիսկոպոս մը իր շունը Արմէն-Արմէն ըսելով կանչելուն վրայ Գազիկ բարկանալով իր ծառաներուն հրամայեց եւ անոնք ալ եպիսկոպոսը և շունը տոպրակի մը մէջ դնելով այնքան ծեծեցին որ շունը եպիսկոպոսը խածելնով երկուքն ալ մեռան:

Օր մը Գազիկ պարտէզի մը մէջ մինակը պտտած ատեն յոյները բռնելով չարաչար տանջանքներով մեռցուցին և այսպէս վերջացաւ Հայոց Բագրատունեաց Թագաւորութիւնն ալ:

---

**ՀԱՐՑՈՒՄ:** Յոյները ինչո՞ւ պահանջեցին Անին: Ո՞վ էր Գազիկ Բ. ինչպէ՞ս Անին առին Յոյները. ինչպէ՞ս վերջացաւ Բագրատունեաց Թագաւորութիւնը:

## ՈՒՂՂԱԳՐՈՒԹԻՒՆ

Հետեւեալ բառերուն հոմանիշները գրեցէք: Տաճար, ընծայել, պատուիրել, համաձայն, հարուստ, զոյգ, ատենները, մեռնիլ, խաղաղութեամբ, չրջակայից, մեռցրնեն, այսպէսով, ապահով, փախի՛ր, իմաց տալ, որովհետեւ, մանուկը, կոչուեցաւ, նուիրել, փայլիլ:

Դ Ա Ս 48.

ԸՆԹԵՐՑԱՆՈՒԹԻՒՆ

ԲԱՐԵԳՈՐԾՈՒԹԻՒՆ

Հայր Յակոբոս ծեր ու տկար է. գիւղին մէկ անկիւնը կիսափուլ խրճիթի մը մէջ միայնակ կապրի: Յնցոտիներ հագած, պարկը ուսը նետած, կը շրջի դռնէ դուռ մուրալով:

Ստեփան անուն հարուստ ազարակապանի մը տունը կը հասնի. ներս կը մտնէ, կը բարեւէ և կսպասէ: «Է՛հ, դո՞ւն ես, կըսէ ազարակապանին կինը, նեղսիրտ մէկու մը ձայնով»: Եւ տիկինը կերթայ կուգայ զբաղած դէմքով, կարասիները շտկելով առանց ուշադրութիւն դարձնելու ծերունիին: Հայր Յակոբոս դրան քովիկը կեցած, գլխարկը ձեռքը, ամօթահար՝ չը գիտեր թէ ի՛նչ ընէ, երթա՞յ թէ մնայ:

Վերջապէս տիկինը շերտ մը հաց կը կտրէ և «ա՛ռ սա հացը ու գնա՛ բանդ» կըսէ: Խեղճ ծերուկը կը հասկնայ որ զինքը վռնտելու համար ողորմութիւն կուտան: Շնորհակալութիւններ կը մըմնջէ և սիրտը կոտրած կը հեռանայ: Երկու օր ուտելու կը բաւէ տրուած հացը: Բայց այն հացը որ առանց անուշ խօսքի կը տրուի դառն է:

Հայր Յակոբ Մարկոսի տունը կուգայ, խեղճուկ տուն: Հայրը գործաւոր է, տղաքը շատ

են. բայց այս դուռն է զոր խեղճ մուրացիկը ամենէն նախամեծար կը համարի:

«Բարի լոյս, հա՛յր Յակոբ, ըսաւ տանտիկինը, եկուր կրակին քով նստէ, այս առտու օդը զով է»: Մերուկը կը տաքնայ ու կը հանգչի. տանտիկինը՝ աշխատելով մէկտեղ խօսքին կապը ձեռք կառնէ, ծերունին իր դժբախտութիւնը կը պատմէ և կը մխիթարուի զգալով որ իր վերայ կը գլխան:

Ողորմութեանց լաւագոյնը գուլթն է:

Մերունին ոտք կելլէ, մեկնելու կը պատրաստուի:

«Հայր Յակոբ, երէկ տղոց համար բաղարջ շինեցի, ահաւասիկ քու բաժինդ, քեզի համար պահած էի: Կեցիր թուղթը փաթթեմ», ըսաւ տիկինը:

«Շատ շնորհակալ եմ, տիկին, ցտեսութիւն») ըսաւ ծերունին:

«Ցտեսութիւն, հա՛յր Յակոբ») պատասխանեց տիկինը:

Մերունին կը մեկնի խնդումերես: Բաղարջին կտորը խոշոր չէ, բայց իրեն կերեւայ որ պայուսակին մէջ անկէ լաւ բան չկայ: Նոյն իրիկունը զայն ուտելով պիտի մտածէ թէ կեանքը տաժանելի է բայց աշխարհի մէջ բարեսիրտ անձեր ալ կան:

---

ՀԱՐՑՈՒՄ : Ի՞նչ է բարեգործութիւնը: Ի՞նչ տարբերութիւն կը տեսնէք երկու կիներուն ողորմութիւն տալու ձեւին մէջ:

### ՈՒՂՂԱԳՐՈՒԹԻՒՆ

*Հետեւեալ խօսքերը ամբողջացուցէք :*

- Հարուստները պէտք է որ .....*
- Երկրագործը երկիրը հերկելէ վերջ .....*
- Հայրենասէր մարդ մը պէտք է որ .....*
- Կիրակի օրեր ամեն մարդ .....*
- Եթէ կուզէք առողջ ապրիլ .....*
- Դպրոցը օգտակար է որովհետեւ .....*
- Առանց տառասխալի գրելու համար .....*

### Դ Ա Ս 49.

### ԸՆԹԵՐՑԱՆՈՒԹԻՒՆ

#### ԿՐԾՆՔ

#### ՍՈՂՈՄՈՆ ԻՄԱՍՏՈՒՆ ԵՒ ԴԱՆԻԷԼ

*Սողոմոն իր հօրը պէս բարեպաշտութեամբ և արդարութեամբ սկսաւ կառավարել: Աստուած երազին մէջ անոր երևցաւ և ըսաւ. «Խնդրէ՛ ինչ որ կուզես»): Սողոմոն պատասխանեց. «Տէ՛ր, քու ծառայիդ խելք տուր որպէսզի կարենայ չարը բարիէն զանազանել»):*

*Օր մը մինչդեռ արդարութիւնը կը բաշխէր, երկու կիներ ներկայացան իրեն: Անոնցմէ մէկը ըսաւ՝ իր ընկերուհին ցոյց տալով. «Այս կինը և ես մէկ տան մէջ կը բնակէինք. երկուքս ալ մէկ մէկ զաւակ ունեցանք: Գիշերը անոր զաւակը կը մեռնի և ինք իր մեռած տղան իմ անկողնիս մէջ*

դնելով, իմ զաւակս կառնէ իր քով. առտուն մի-  
այն հասկցայ որ փոխեր է զաւակս»): Միւս կինը  
սակայն սկսաւ պնդել թէ ողջ տղան իրօք իրն է:

Այն ատեն Սողոմոն ըսաւ. «Սուր մը բերէք,  
երկուքի բաժնեցէք տղան և մէյ մէկ կտոր տուէք  
այս կիներուն»): Իսկոյն բուն մայրը ըսաւ. «Մի՛  
սպաննէք պղտիկս, թող անոր ըլլայ, կը բաւէ  
որ ողջ մնայ»): Մինչդեռ միւս կինը կուզէր որ  
տղան կիսեն: «Տղան առաջին կնոջ տուէք, հրա-  
մայեց Սողոմոն, որովհետև ան է բուն մայրը»):  
Այս իմաստուն դատաստանը ամենքը զմայլե-  
ցուց:

Ասորեստանի Նաբուգոդոնոսոր թագաւորը  
իր ոսկիէ արձանը շինել տալով հրամայեց որ ամեն  
մարդ զայն պաշտէ և չպաշտողները հնոցի  
մը մէջ նետուին: Իսրայէլացիք որ անոր իշխա-  
նութեան տակ էին, ստիպուեցան այդ հրամանը  
կատարել: Միայն անոնցմէ Դանիէլ և իր երեք  
ընկերները, Սեդրաք, Միսաք և Աբեթնազով,  
հակառակ այդ սպառնալիքին, ծունկի չեկան  
արձանին առջեւ:

Նաբուգոդոնոսոր իմանալով, հնոցը նետել  
տուաւ Դանիէլի երեք ընկերները, որոնք սակայն  
ողջ մնացին: Այն ատեն Նաբուգոդոնոսոր հա-  
մոզուեցաւ թէ անոնց պաշտած Աստուածը ճշ-  
մարիտ և զօրաւոր է և մեծ պատիւներ ըրաւ անոնց:

Ուրիշ անգամ մը Նաբուգոդոնոսոր երազ մը  
տեսաւ և այնքան վախցաւ որ իսկոյն կանչեց բո-

լոր մոգերը ու հրամայեց որ երազը մեկնեն : Մոգերը ուզեցին հասկնալ թէ ինչ էր տեսած երազը, բայց Նաբուգոդոնոսոր մոռցած էր, որով մոգերը չկրցան գոհացնել :

Դանիէլ սակայն, Աստուծոյ աղօթելով, գտաւ երազին ինչ ըլլալը և մեկնութիւնն ալ տրուաւ, գուշակելով որ Նոբուգոդոնոսորէ վերջ թագաւորութիւնը պիտի տկարանայ և ամենէն վերջը երկրի վրայ պիտի սկսի ուրիշ թագաւորութիւն մը, Քրիստոսի թագաւորութիւնը որ բնաւ չպիտի վերջանայ :

Թագաւորը այս մեկնութեան վրայ երեսի վրայ իյնալով երկրպագութիւն ըրաւ Դանիէլի և խոստովանեցաւ որ անոր պաշտած Աստուածն է ճշմարիտ Աստուածը :

**ՀԱՐՑՈՒՄ :** Սողոմոն Աստուծմէ ի՞նչ խնդրեց և ինչո՞ւ : Ի՞նչ նշանաւոր դատաստան տեսաւ :

Դանիէլի ընկերները ինչո՞ւ հնոց նետուեցան և ինչպէս ազատեցան :

Նաբուգոդոնոսոր ի՞նչ երազ տեսած էր և Դանիէլ ի՞նչ մեկնութիւն տուաւ :

## ՈՒՂՂԱԳՐՈՒԹԻՒՆ

Հետեւեալ հարցումներուն զրաւոր պատասխանեցէ՛ք : Ի՞նչ ըսել է թագաւոր : Պատերազմի ատեն ի՞նչ տեսակ զէնքեր կը գործածեն : Ի՞նչ ըսել է աղգադաւ : Ի՞նչ է վանքը : Ի՞նչ է բանտը :

Դ Ա Ս 50.

**ԸՆԹԵՐՑԱՆՈՒԹԻՒՆ**

**ՀԱՅՈՑ ՊԱՏՄ ՈՒԹԻՒՆ**

**ՌՈՒԲԻՆԵԱՆՑ ԻՇԽԱՆՈՒԹԻՒՆ**

Բազրատունեաց թագաւորութեան կործանումէն 34 տարի ետքը Ռուբէն անունով իշխան մը որ Գագիկի ազգականներէն էր և անոր հետ կը բնակէր Յունաստանի մէջ, Կիլիկիոյ կողմերը երթալով, հոն բնակող հայոց սիրտը վաստկեցաւ, քանի մը հարիւր կտրիճ գլուխը ժողովեց իրեն՝ օգնական ունենալով նաև գող Վասիլ կոչուած քաջ և հայրենասէր իշխանը, և սկսաւ իշխել հայոց վրայ:

Ռուբէն մէկ քանի քաղաքներու տիրեց, Յունաց դէմ ալ քանի մը քաջութիւններ ընելէն ետքը մեռաւ 16 տարի իշխելէն վերջ: Իրեն յաջորդեց իր որդին Կոստանդին Ա. որ իր քաջութեամբ տէրութիւնը մեծցուց և Երուսաղէմը Եգիպտացիներու ձեռքէն ազատելու գացող Եւրոպացիներուն ալ օգնելուն համար Հայոց իշխան կոչուեցաւ և 5 տարի իշխելէն վերջ մեռաւ:

Իրեն յաջորդեց Լեւոն Ա. որ քանի մը անառիկ բերդերու տիրելուն համար մինչև Յունաց սիրտը վախ ձգեց բայց բռնուելով բանտարկուեցաւ: Ուստի ազատելու համար քանի մը քա-

դաք և իր մէկ տղան պատանդ տալով ազատելէն  
յետոյ, Կիլիկիա եկաւ, մէկէն զօրք ժողովեց եւ  
տուած քաղաքներ ետ առնելէն զատ այնչափ  
նեղը դրաւ զինքը բանտարկող իշխանը, որ Լե-  
ւոնին պատանդներ տալով հազիւ ազատեցաւ:

**ՀԱՐՑՈՒՄ :** Ո՞վ էր Ռուբէն. որո՞նք յաջորդեցին ի-  
րեն: Ինչե՞ր ըրաւ Լեւոն Ա.:

### ՈՒՂՂԱԳՐՈՒԹԻՒՆ

Շարադրութեան ձեւով

Ի՞նչ բանի օգտակար են հետեւեալ կենդանիները:  
Ձին, ուղտը, շունը, կատուն, եզը, կովը, աղուէսը, ար-  
ջը, կէտ ձուկը, ոչխարը և այծը:

### Դ Ա Ս 51.

### ԸՆԹԵՐՑԱՆՈՒԹԻՒՆ

**ՏՂԱՔ ԻՆՉՊԷՍ ՕԳՆԵԼՈՒ ԵՆ ԻՐԵՆՑ ԾՆՈՂՔԻՆ**

Պէտք է մեր կարողութեան չափով օգնենք  
մեր ծնողքին. երախտագիտութիւնը այդ պարտ  
քը կը դնէ մեր վրայ: Երբ պէտք ունին մեզի,  
փութանք անոնց քով երթալու և մեր օգնու-  
թիւնները սրտանց կատարենք որպէսզի աւելի  
ընդունելի ըլլայ:

Եթէ մեր ծնողքը հիւանդ են, պէտք է զանոնք  
խնամենք: Պիտի յիշենք այն գիշերները որ մեր



անկողինին մօտ անցուցեր են անոնք՝ մեզ խնամելու համար:

Եթէ ծերութեան պատճառով չկրնան աշխատիլ, պարտաւոր ենք հոգալ անոնց պէտքերը: Աւելի լաւ է որ մենք մեզ զրկենք, քան թէ ուզենք որ անոնք զրկուին իրենց պէտք եղած բաներէն:

Բայց միայն հիւանդ կամ ծեր եղած ատեննին չէ որ պէտք է խնամենք և օգնութիւն հասցընենք անոնց: Երբոր ուժերնիս ներէ, պարտաւոր ենք անոնց աշխատանքին մասնակցիլ:

Կա՞յ աւելի շնորհալի բան մը քան թէ տեսնել գործաւորի մը տղան որ իր հօրը հետ կաշխատի գործարանին մէջ, կամ տեսնել փոքրիկ գիւղացին որ կառաջնորդէ եզներուն, մինչդեռ իր հայրը կը հերկէ, սպասելով որ օր մըն ալ ինք կարենայ վարել արօրը:

Ի՞նչ զմայլելի է տեսնել աղջիկ մը որ իր մօր տնական աշխատութեանց մասնակցելով կաւլէ տունը, ճերմակեղէններն ու հագուստները կը կարկտէ, կերակուրին կօզնէ ևն.:

Այս քաղցր աշխատակցութիւնը երջանիկ և բարեյաջող կընծայեն ընտանիքը:

**ՀԱՐՑՈՒՄ** : Ինչո՞ւ պէտք է օգնենք մեր ծնողքին եւ ի՞նչ կերպով:

### ՈՒՂՂԱԳՐՈՒԹԻՒՆ

Հետեւեալ բառերուն հոմանիշները գրեցէք: Բոլոր, ժամանակ, դարձեալ, զաւակ, կոչուիլ, աղուոր, որպէսզի, յանկարծ, զանազան, շատ, ուղի, մեռցնել, հուր, հաճիլ, ծախել, մէկէն իմէկ, տեսնալ, ճանչնալ, ատեն, միշտ, մերթ ընդ մերթ, եկեղեցական, թազաւոր, գէր, նիհար, տուն, իսկոյն, չափ, շատութիւն:

## ԸՆԹԵՐՑԱՆՈՒԹԻՒՆ

### ԿՐՕՆՔ

## Ն Ո Ր Կ Տ Ա Կ Ա Ր Ա Ն

### ՅՈՎՀԱՆՆԷՍ ՄԿՐՏԻՉԻ ԾՆՈՒՆԴԸ

Հերովդէս Թագաւորին օրով Հրէաստանի մէջ կապրէր Չաքարիա անունով արդար քահանայ մը, իր կնոջ Եղիսաբէթի հետ: Երկուքն ալ ծեր էին և զաւակ չունէին:

Օր մը մինչդեռ Չաքարիա կաղօթէր, Աստուծոյ հրեշտակը իրեն երևցաւ և ըսաւ. «Դուն զաւակ մը պիտի ունենաս որուն անունը Յովհաննէս պիտի դնես. անիկա քեզի և ուրիշ շատերու համար ուրախութիւն պիտի ըլլայ և անհաւատները Աստուծոյ ճամբուն պիտի վերադարձնէ:

Չաքարիա չուզեց հաւատալ, որովհետեւ ինք և իր կինը ծեր էին: Այն ատեն հրեշտակը ըսաւ. «Ես Գաբրիէլ հրեշտակապետն եմ, Աստուած զիս ղրկեց որ քեզի այս աւետիսը տամ, բայց դուն չը հաւատացիր, անոր համար դուն համր պիտի ըլլաս մինչեւ այն օրը որ ըսածս կատարուի»: Իրաւ ալ Չաքարիա տաճարէն ելլեէն վերջ չկըրցաւ խօսիլ:

Հրեշտակի խոստման համաձայն Եղիսաբէթ զաւակ մը ծնաւ. ազգականները լսելով ե-

կան անոնց ուրախութեան մասնակցելու և փափաք յայտնեցին որ տղան հօրը պէս Զաքարիա կոչուի: Բայց Եղիսաբեթ հրեշտակին պատուէրը միտքը բերելով պնդեց թէ Յովհաննէս պիտի կոչէ:

Այն ատեն որոշեցին հօրը հարցնել և Զաքարիա ալ տախտակի մը վրայ գրեց թէ տղուն անունը Յովհաննէս պիտի դրուի: Ասոր վրայ իսկոյն լեզուն բացուեցաւ:

Զաքարիա նորածին մանուկը բազուկներուն մէջ առնելով մարգարէացաւ և ըսաւ. «Ո՛վ պըզտիկ տղայ, դուն մարգարէ պիտի կոչուիս որովհետեւ Տիրոջ ճամբան պիտի պատրաստես»):

---

ՀԱՐՑՈՒՄ : Ո՞վ էր Զաքարիա և ինչո՞ւ համր եղաւ :  
Լեզուն ինչպէ՞ս և ե՞րբ բացուեցաւ :

## ՈՒՂՂԱԳՐՈՒԹԻՒՆ

Հետևեալ բառերուն մէջի տառասխալները ուղղեցէք :  
Ծույլ, օքտակար, յիսուս, գիւղաձի, տէտրակ, հաւէր, կարթալ, երդալ, ամերիկա, միշդ անչուր, կաղնապուր, դաւիթ, գիրգ, կերթանգ, աղվէս, աղավնի, գաղաք, պօսթօն, գէրեզման, ըսկսիլ, դրաձի, աքարակ, զմելի, հավկիթ :



Դ Ա Ս 53.

**ԸՆԹԵՐՑԱՆՈՒԹԻՒՆ**  
**ՀԱՅՈՑ ՊԱՏՄՈՒԹԻՒՆ**  
**ԼԵՒՈՆ Ա. — ԹՈՐՈՍ**

Յուսնաց կայսրը Լեւոնի այս աստիճան զօրանալը իմանալով, մեծ պատրաստութեամբ Լեւոնի վրայ պատերազմի ելաւ: Լեւոն կայսեր զօրքերուն բազմութենէն վախնալով ընտանիքը առաւ և փախաւ. կայսրն ալ Կիլիկիան անտէր գտնալով, շատ քաղաքներու տիրեց և Լեւոնն ալ բռնելով Պօլիս գերի տարաւ:

Հոն տարի մը բանտարկելէն վերջ գթալով բանտէն հանեց և պալատին մէջ պահեց, բայց քանի մը տարի վերջ դարձեալ բանտ դրաւ անոր Թորոս որդւոյն հետ ուր Լեւոն սրտին ցաւէն մեռաւ 14 տարի իշխելէն և 4 տարի բանտը մնալէն ետքը:

Թորոս որ բանտէն ելած էր, փախչելով Կիլիկիա եկաւ և յայտնեց իր ով ըլլալը. իշխաններն ալ միաբանելով իրենց վրայ իշխան դրին որ մէկէն սկսաւ քաջութիւններ ընել, և շարունակ յաղթելով Յոյները վռնտեց Կիլիկիայէն:

Թորոս Իկոնիոյ Գըլըճ Ասլան Սուլթանին ալ յաղթեց որ Յուսնաց կայսրէն գրգռուած իր վրայ պատերազմի ելած էր: Յետոյ երբ տեսաւ թէ Յուսնաց կայսրը դարձեալ մեծ պատրաստու-

Թեամբ Կիլիկիոյ վրայ կուգար, հաշտուեցաւ հետը և 24 տարի իշխելէն վերջը մեռաւ :

## ՈՒՂՂԱԳՐՈՒԹԻՒՆ

Շարադրութեան ձեւով

Ի՞նչ կրնէ ատամնաբոյժը, պատկերահանը, սափ-  
րիչը, դերձակը, մշակը, սպասուհին, կօշկակարը :

Դ Ա Ս 54.

## ԸՆԹԵՐՑԱՆՈՒԹԻՒՆ

ԵՂՖԱՅՐՍԻՐՈՒԹԻՒՆ

Ժամանակաւ Հնդկաստան մեկնող նաւ մը  
ալեկոծութեան հանդիպելով, խրեցաւ ցամաքի  
մը վրայ :

Նաւաբեկեալները խորտակուած նաւուն  
կտորներէն նաւակ մը շինեցին և անով սկսան  
չարունակել իրենց ճամբորդութիւնը :

Նաւավարը տեսնալով որ նաւակը շատ բեռ-  
նաւորուած է, յայտնեց թէ պիտի ընկղմին եթէ  
տասներկու հոգի ծովը չձգուին : Վիճակ ձգեցին  
և որոշուեցաւ որ տասներկու անձեր ծովը ձրգ-  
ուին : Ասոնց մէջ կար երիտասարդ մը որ նաւա-  
կին մէջ ունէր փոքրիկ եղբայր մը : Սա նաւավա-  
րին ոտքը ինկաւ և լալով աղաչեց որ զինքը ծովը  
նետեն եղբօրը տեղ : «Եղբայրս ինձմէ աւելի քաջ

է, հայրս ու մայրս ա'ն կը պահէ. եթէ ինք կորսրի ծնողքս ալ թշուառութեամբ պիտի մեռնին. կաղաչեմ, փրկեցէ՛ք եղբօրս կեանքը որով փրկած կըլլաք ծնողքս. զիս նետեցէք անոր տեղը, կըսէր»):

Նաւավարը հնազանդեցաւ և կրտսերը նետել տուաւ ծով: Երիտասարդը իբր վեց ժամ լողալով հետեւեցաւ նաւուն և վերջապէս անոր հասաւ:

Զինքը սպաննել կսպառնային եթէ փորձէր նաւ մտնել: Ան կը մօտենայ: Կուզեն իրեն զարնել թուրով մը, թուրը կը բռնէ և թող չի տար մինչև որ կը յաջողի նաւուն մէջ մտնալ: Իր յարատեւութիւնը ամենուն սիրտը կը շարժէ եւ թոյլ կուտան որ նաւուն մէջ մտնէ: Այսպէսով, այդ եղբայրասէր տղան կը յաջողի փրկել իր կեանքն ալ, եղբօրը կեանքն ալ:

**ՀԱՐՑՈՒՄ:** Ի՞նչ է յարատեւութիւնը: Ի՞նչ է նշանակութիւնը սա բառերուն. ալեկոծութիւն, խրեցաւ, նաւաբեկեալ, վիճակ ձգել, կրտսեր, հետեւիլ, սպառնալ, սիրտ շարժել:

## ՈՒՂՂԱԳՐՈՒԹԻՒՆ

Հետեւեալ բառերուն հոմանիշները գրեցէք: Բուր, երթալ, վերստին, բայց, արքայ, վասնզի, պարզև, աղերսագիր, տուն, վաճառել, ստակ, ուղի, խաղաղեցունել, պնդել, միջոց, փախչիլ:

Դ Ա Ս 55.

### ԸՆԹԵՐՑԱՆՈՒԹԻՒՆ

#### ԿՐՕՆՔ

#### Ս. ԱՍՏՈՒԱԾԱԾՆԱՅ ԱԻԵՏՈՒՄԸ

Այն ատենները Գալիլիայի Նազարէթ քաղաքին մէջ կը բնակէր Դաւիթի ցեղէն Մարիամ անուն կոյս մը որ Յովսէփ անունով նշանած մը ունէր:

Գաբրիէլ հրեշտակապետ Զաքարիայի ե-



ԱԻԵՏՈՒՄԸ

րեւնալէն վեց ամիս վերջ Մարիամին երեցաւ և ըսաւ անոր. «Ուրախացիր Մարիամ, որովհետև տես Աստուած քեզի հետ է»:

Մարիամ չհասկեցաւ թէ ի՞նչ կը նշանակէր այդ ողջոյնը և շփոթեցաւ: Հրեշտակը ապահովեց զայն ըսելով. «Մի վախնա՛ր, Մարիամ, Ս. հոգին քու վրադ պիտի իջնէ և դուն զաւակ մը պիտի ունենաս որուն անունը Յիսուս (փրկիչ)

պիտի դնես. Անիկա Աստուծոյ Որդի պիտի կոչուի, պիտի տիրէ Դաւիթի աթոռին, և իր թագաւորութիւնը վերջ չպիտի ունենայ»):

Հրեշտակը Մարիամին յայտնեց նաև թէ իր ազգականը Եղիսաբեթ ալ զաւակ մը պիտի ունենայ: Ատոր վրայ Մարիամ հաւատաց և ըսաւ. «Ես Տիրոջը աղախինն եմ, թող քու ըսածիդ պէս ըլլայ»):

Երբոր հրեշտակը մեկնեցաւ, Մարիամ ելաւ Զաքարիայի տունը գնաց՝ Եղիսաբեթին այցելութիւն տալու: Եղիսաբեթ հասկցաւ թէ անիկա Աստուծոյ Որդիին մայր պիտի դառնայ, գոչեց. «Օրհնեա՛լ ես դուն կիներուն մէջ և օրհնեա՛լ է քու ունենալիք զաւակդ. դուն իմ Տիրոջս մայրըն ես, և ես երջանիկ եմ որ Աստուած քու այցելութիւնդ ընդունելու ուրախութիւնը տուաւ ինձի»):

Մարիամ Եղիսաբեթի քով երեք ամիս կեցաւ և յետոյ իր տունը դարձաւ:

---

ՀԱՐՑՈՒՄ: Ո՞վ էր Մարիամ և հրեշտակը ինչո՞ւ անոր երևցաւ: Մարիամ որո՞ւ գնաց այցելութեան: Եղիսաբեթ ի՞նչ ըսաւ Մարիամի:

## ՈՒՂՂԱԳՐՈՒԹԻՒՆ

Ի՞նչ տեսակ տեղ է, անտառը, դաշտը, անապատը, ովասիսը: Բացատրեցէ՛ք գրաւոր:



Դ Ա Ս 56.

ԸՆԹԵՐՑԱՆՈՒԹԻՒՆ

ՀԱՅՈՑ ՊԱՏՄ ՈՒԹԻՒՆ

ԼԵՒՈՆ Բ. — ՀԵԹՈՒՄ

Ռուբինեանց թագաւորութեան առաջին թագաւորը եղաւ Լեւոն Բ. որ իր իմաստութեամբ և օտարներու դէմ տարած յաղթութիւններովը, տէրութիւնը ընդարձակեց և ծաղկեցուց և Երուսաղէմի վրայ գացող խաչակիր զօրքերուն օգնելով, անունը ամբողջ Եւրոպա տարածուեցաւ: Վերջապէս Գերմանացուց կայսրէն թագաւորական թագ և Պապէն ալ դրօշ մը ընդունելով, Գրիգոր Տղայ կոչուած Կաթողիկոսէն Սսոյ մէջ թագաւոր օծուեցաւ:

Լեւոն Բ. թագաւոր օծուելէն վերջն ալ քանի մը մեծ յաղթութիւններ ըրաւ և 34 տարի թագաւորելէ ետք մեռաւ:

Լեւոնի յաջորդեց իր աղջիկը Զապէլ զոր Փիլիպոս անուն Լատինացիի մը հետ ամուսնացուցին: Փիլիպոս՝ միայն մօր կողմէ հայ ըլլալուն, երկու տարիէն Սսոյ հարստութիւնները սկսաւ Անտիօք կրել: Հայ իշխանները բարկանալով բանտարկեցին զինքը ուր մեռաւ երկու տարի իշխելէն ետքը:

Փիլիպոսի յաջորդեց Հեթում Ա. որ Զապէլի հետ կարգուելով թագաւոր եղաւ: Ան Հայաս-

տանը զարդարեց և տեսնալով որ թաթարները շատ չարիք կը հասցնեն՝ ելաւ թաթարիստան գնաց անոնց մեծին (Պանին)։ հոն սիրով ընդունուեցաւ և բարեկամութեան դաշինք զնելով Կիլիկիա դարձաւ :

Այդ միջոցին Եգիպտոսի Սուլթանը զօրանալով, պահանջեց որ Հեթում Եգիպտացիներէն առած քաղաքները ետ դարձնէ : Հեթում յանձն չառաւ և իր երկու զաւակները Հայոց բանակին հրամանատար կարգելով պատերազմի ղրկեց բայց յաղթուեցան, որոնցմէ թորոս սպաննուեցաւ և Լեւոն գերի բռնուեցաւ :

Հեթում շատ դրամով գնեց Լեւոնը և թագաւորութիւնը անոր յանձնելով ինք վանք քառուեցաւ ուր մեռաւ 45 տարի թագաւորելէն ետք :

---

ՀԱՐՑՈՒՄ : Ինչպէ՞ս թագաւոր եղաւ Լեւոն Բ. : Փիլիպոս Ի՞նչ ըրաւ : Ի՞նչ գիտես Հեթումի մասին :

## ՈՒՂՂԱԳՐՈՒԹԻՒՆ

Հետեւեալ բառերուն հակառակները գրեցէք : Մերունի, հասարակաց, նստած, շարժել, ձգել, մօտերը, դրժուարութիւն, ծռիլ, շուտ, ամեն անգամ, բնական, ազնիւ, սիրական, յարգել, պատուասիրել, հաճելի, իրաւունք ունիս :

Դ Ա Ս 57.

ԸՆԹԵՐՑԱՆՈՒԹԻՒՆ

ՄԱՐՄԻՆԻՆ ՆԿԱՏՄԱՄԲ ՊԱՐՏՔԵՐ

Մարմինը հոգիին գործիքն է: Որպէսզի հոգին լաւ պահուի, պէտք է որ մարմինը աղէկ վիճակ ունենայ, և ասոր համար շատ օգտակար են առողջապահութիւնը և մարմնամարզը:

Առողջապահութիւնը մաքրութեամբ և չափաւորութեամբ կըլլայ: Մաքրութիւնն է կանոնաւորապէս և յաճախ լուալ մարմինը: Անմաքրութիւնը թէ մեզի և թէ ուրիշներուն անհանգրստութիւն կը պատճառէ և շատ մը հիւանդութիւններ անկէ կը ծագին: Աղտոտ մարմինը կը նմանի բերդի մը որուն պատերը ծակ են, ուրկէ թշնամին, այսինքն հիւանդութիւնը ուզածին պէս ներս կը մտնէ: Աղտոտ մարդը զգուելի է եւ մէկը չուզեր անոր մօտենալ. ուստի պէտք է միշտ հոգ տանիլ մաքրութեան թէ մարմիններուն և թէ մեր զգեստներուն մասին:

Չափաւորութիւնը երկրորդ պայմանն է առողջապահութեան և մարդիկ պէտք է որ չափ մը դնեն միշտ իրենց ապրելակերպերուն մէջ: Չափազանց ուտելը մարմինը կը ծանրացնէ և միտքը կը բթացնէ. իսկ ոգելից ըմպելիներու գործածութիւնը, մարմինը կը թունաւորէ, որով-

հետև ալքոլը մեր թշնամին է: Ամեն բանի մէջ  
չափաւորութիւնը լաւ է նոյնիսկ քնանալու,  
խաղալու, աշխատելու և ամեն բանի մէջ պէտք  
է որ չափ մը դնէ և այնպէս վարուի:

Մարմնամարզը ուժ կուտայ մարմինին ան-  
դամներուն: Քալելը, վազելը, լողալը, զանա-  
զան խաղերը, գործիքներով մարմնամարզ ընե-  
լը ևն., օգտակար միջոցներ են զարգացնելու  
մեր մարմինը:

---

**ՀԱՐՑՈՒՄ**: Ի՞նչ է առողջապահութիւնը և ի՞նչ կեր-  
պով պէտք է հոգ տանիլ մեր մարմինին:

### ՈՒՂՂԱԳՐՈՒԹԻՒՆ

Հետեւեալ հատուածին մէջի տառասխալները սրբա-  
գրրեցէք:

Ծննթավայր կը կոչվի այն տէղը ուր ծնած և ապ-  
րած են մէր հայրէրը: Այդ տէղը կամ հօղը մէզի յամար  
սիրելի է: Հօն ապրօղ բօլոր ընտանիզները միևնույն ազ-  
քին կը պատկանին և կըսուին հայրէնակից, երկրակիճ,  
ցէղակից, ասգակից, քաղազակից ևն.: Պէտք չէ որ մօտ-  
նանգ մէր հայրէնիքը և աշխատինգ զայն շենցնէլու:

---

Դ Ա Ս 58.

### ԸՆԹԵՐՑԱՆՈՒԹԻՒՆ

ԿՐՕՆՔ

ՅԻՍՈՒՍԻ ԾՆՈՒՆԴԸ

Հռոմայեցւոց Օգոստոս կայսրը հրամայեց  
որ իր հպատակներուն մարդահամարը կատար-  
ուի և անոր համար ամեն մարդ իր ծնած քաղա-  
քը երթայ անունը արձանագրել տալու:

Յովսէփի և Մարիամ, Դաւիթի ցեղէն ըլլալով, ճամբայ ելան իրենց ծննդավայրը Բէթղէէմ երթալու: Երբ հոն հասան, պանդոկները լեցուած էին. այս պատճառաւ ստիպուեցան գոմի մը մէջ անցընել գիշերը:



ՅԻՍՈՒՍԻ ԾՆՈՒՆԴԸ

Նոյն գիշերը ծնաւ Յիսուս, զոր Մարիամ խանձարուրով պատելով մսուրին մէջ դրաւ:

Բէթղէէմի շրջակաները հովիւներ իրենց հօտերը կը պահպանէին այդ գիշերը, երբ յանկարծ փառաւոր լոյս մը ծագեցաւ երկինքէն: Հովիւները սկսան վախնալ, բայց Աստուծոյ հը-

րեչտակը իրենց երևնալով ըսաւ. «Մի վախնաք, որովհետեւ մեծ աւետիս մը պիտի տամ ձեզի. Դաւիթի քաղաքին մէջ այսօր ձեզի Փրկիչ մը ծնաւ»:

Յետոյ երեցան ուրիշ բազմաթիւ հրեչտակներ, որոնք «Փառք Աստուծոյ՝ երկինքի բարձրութեան մէջ, խաղաղութիւն երկրի վրայ եւ հաճութիւն մարդոց մէջ» երգը կերգէին:

Երբ հրեչտակները աներեւութացան, հովիւները ըսին իրարու. «Երթանք Բէթղէէմ, տեսնենք թէ ի՞նչ է եղածը»:

Եւ երբ հոն գացին, տեսան մսուրին մէջ պառկած մանուկը և երկրպագեցին անոր: Յետոյ իրենց տեղերը դարձան՝ Աստուծոյ փառք տալով:

ՀԱՐՑՈՒՄ: Մարիամ ինչո՞ւ Բէթղէէմ գնաց: Ի՞նչ է մարդահամարը: Ամենէն առաջ որո՞նց յայտնուեցաւ Յիսուսի ծնունդը և ի՞նչպէս:

## ՈՒՂՂԱԳՐՈՒԹԻՒՆ

Հետեւեալ բառերուն հակառակները գրեցէք: Աւարտել, ծնած, լեցուն, գիշեր, լոյս, ծագիլ, վախնալ, տալ, բազմաթիւ, բարձր, խաղաղութիւն, աներեւութանալ, ուրախացիր, իջնել, տէր, վրայ, լալ, բացուիլ, անհաւատ, ծերանալ, կարճ, գիտուն, շնորհքով:

**Դ Ա Ս 59.**

**ԸՆԹԵՐՑԱՆՈՒԹԻՒՆ  
ՀԱՅՈՑ ՊԱՏՄ ՈՒԹԻՒՆ  
ԼԵՒՈՆ Գ. — ՀԵԹՈՒՄ Բ.**

Լեւոն Գ. բարեպաշտ և ուսումնասէր ըլլալուն սկսաւ դպրոցներ բանալ և գիտութիւնը յառաջացնել. բայց քիչ ատենէն բոլորն ալ ջնջուեցան, որովհետև ազգավնաս հայեր թշնամիները Լեւոնի դէմ գրգռեցին. անոնցմէ մէկը շատ մը զօրքով Կիլիկիա եկաւ. բայց երկրին գէշ վիճակը տեսնալով չկրցաւ համբերել և քիչ մը զօրք ժողովելով իր Սմբատ անուն ծեր զօրապետին հետ միացաւ եկաւ ու յաղթեց թշնամիներուն և զանոնք երկրէն վռնտելէ վերջ մեռաւ 19 տարի թագաւորելէն ետք:

Անոր յաջորդեց Հեթում Բ. որ կրօնասէր ըլլալուն վանք մը քաշուեցաւ և իր տեղը թագաւորեցուց թորոս Գ.-ը. թորոս ալ 3 տարիէն վանք քաշուելով ստիպեց Հեթումը որ դարձեալ ինք թագաւորէ, բայց իր միւս եղբայրը Սմբատ յափշտակեց թագաւորութիւնը և թորոսը ըսպաննեց ու Հեթումին ալ աչքերը կուրցուց. սակայն միւս եղբայրնին Կոստանդին սաստիկ բարկանալով պատերազմի ելաւ Սմբատայ վրայ եւ յաղթելով բռնեց զայն և բանտարկեց եւ ինքն ալ անոր տեղ թագաւորեց. Հեթումն ալ բանտէն

հանելով քովը կը պահէր: Սակայն երբ հրաչքով  
Հեթումի աչքերը բացուեցան, ժողովուրդն ու-  
զեց որ նորէն Հեթում թագաւորէ. Կոստանդին  
լսելով ուզեց խռովութիւն հանել. ուստի Հե-  
թում գինքը և Սմբատը Պօլիս դրկեց:

Հեթում Բ. քանի մը անգամ Եգիպտացուց  
և ուրիշներու յաղթելէ յետոյ, թագաւորութիւ-  
նը իր եղբորորդւոյն Լեւոնի յանձնելով վանք  
քաշուեցաւ. բայց Լեւոն Գ. երկու տարի թագա-  
ւորելէ ետք սպաննուեցաւ:

ՀԱՐՑՈՒՄ: Ի՞նչ գիտես Լեւոն Գ.-ի և Հեթում Բ.-ի  
վրայ:

### ՈՒՂՂԱԳՐՈՒԹԻՒՆ

Շարադրութեան ձեւով

Ըսէք թէ ի՞նչ է, մայրաքաղաք, նահանգ, քաղաք,  
գիւղ, գետ, ծով, կղզի, լիճ, լեռ, հրաբուխ:

Գրելէ վերջ տառասխալները ուղղել տալ:

Դ Ա Ս 60.

### ԸՆԹԵՐՑԱՆՈՒԹԻՒՆ

ՃԳՈՒՌՆ ԵՒ ՄՐՋԻՒՆ

Ճպուռը ճոճուալով

էր զբաղած ամառն ի բուն,

Ձմեռուան ցուրտը որ կոխեց

Իրաւի ձիւն եկաւ գլխուն:

Ուտելու բան մը չունէր,



Ո՛չ ճրճի, ոչ ալ ճանճի տոտիկ:  
Ելաւ գնաց իր դրացնին  
Որ տանտիկին էր մըջիւնիկ:  
«Մայրիկ, ըսաւ, հոգիդ սիրես,  
Աս չարիս ճար մը ըրէ.  
Քիչ մը բան փոխ տուր ինձի,  
Հաշուետետրիդ մէջը գրէ.  
Առածս քիչ ատենէն  
Շահով հանդերձ կը դարձնեմ,  
Գլխուս վրայ երդում կընեմ»):  
Եկուր նայէ որ մեր մըջնիկ խաթուն  
Ուրիշի բան փոխ տալ բնաւ չէր գիտեր.  
— Ի՞նչ քար սիրտ կին է եղեր:—  
Դարձաւ հարցուց ճպուռին.  
«Քա, դուն ամառը ի՞նչ ըրիր:  
— Ի՞նչ ընէի, հոգիս, այն տաք ատենին.  
Ձայնս ձգած խաղ կանչեցի:  
— Խաղ կանչեցիր հա՛,  
Ա՛տ ալ գէշ բան չէ.  
Տէ գնա, ուրեմն, հիմայ ալ պարէ»):

### ՈՒՂՂԱԳՐՈՒԹԻՒՆ

Գտէք հետևեալ բառերուն հոմանիչները: Յանցանք, հրահանգ, յօրինել, սրտմտիլ, հսկայ, ձայն, սուր, ակնարկ, յստակ, շուտ, ուժգին, ճերմակ, նուէր, վնասակար, օգտակար, հաւաքել, դեռ, նպատակ, աղաչել, բաշխել, ծառայ:

Դ Ա Ս 61.

## ԸՆԹԵՐՑԱՆՈՒԹԻՒՆ

ԿՐՕՆՔ

ՄՈԳԵՐԸ

Յիսուսի ծնած ատենը Արեւելքի կողմը բընակող մոգեր փայլուն աստղ մը տեսան և անոր հետեւելով եկան մինչև Երուսաղէմ, ուր աստղը աներեւութացաւ: Մոգերը որոնք գուշակած էին թէ մեծ թագաւոր մը կը ծնի, կը հարցնէին թէ «Ո՞ւր է հրէաներու նորածին թագաւորը որուն երկրպագելու եկած ենք»:

Հերովդէս, ասիկա լսելով, շփոթեցաւ, կանչեց բոլոր քահանայապետները և անոնց հարցուց թէ ո՞ւր պիտի ծնէր Քրիստոսս. անոնք ալ ըսին թէ մարգարէին գուշակութեան համեմատ, Բէթղէէմի մէջ պիտի ծնի:

Այն ատեն Հերովդէս իր մօտ բերել տուաւ մոգերը, անոնց յայտնեց թէ նորածին թագաւորը Բէթղէէմ կը գտնուի, ու պատուիրեց որ եթէ զայն գտնեն, վերադարձին գան իրեն իմաց տան, որպէսզի ինք ալ անոր երկրպագէ:

Երբ մոգերը ճամբայ ելան, փայլուն աստղը նորէն երևցաւ և զիրենք առաջնորդեց մինչև և այն տեղը ուր ծնած էր Յիսուս:

Մոգերը շատ ուրախացան որ իրենց նպատակին հասան, ծնրադրեցին Յիսուսի առջև, և

անոր մատուցին առատ նուէրներ, ոսկի, կընդ-  
րուկ և զմուռս, զոր հետերնին բերած էին :

Ասդին Հերովդէս մեծ անհամբերութեամբ  
անոնց վերադարձին կսպասէր : Վախնալով որ  
նորածին թագաւորը իր իշխանութեան վերջ  
կուտայ, որոշած էր զայն սպաննել : Մոգերէն  
պիտի հասկնար թէ իրօք ո՞ւր կը գտնուի :

Բայց Աստուած երազի մէջ մոգերուն երև-  
նալով պատուիրեց որ Հերովդէսի մօտ չդառնան  
և անոր չիմացնեն Յիսուսի ուր գտնուիլը . մո-  
գերն ալ ուրիշ ճամբով մը դարձան իրենց երկի-  
րը առանց Հերովդէսի հանդիպելու :

**ՀԱՐՑՈՒՄ :** Մոգերը ի՞նչ գուշակեցին : Ինչո՞ւ վախ-  
ցաւ Հերովդէս և ի՞նչ ընել կուզէր : Աստուած ի՞նչպէս  
արգիլեց անոր մտածած չարութիւնը :

### ՈՒՂՂԱԳՐՈՒԹԻՒՆ

Հետեեալ բառերուն սահմանները տուէք : Ի՞նչ է աք-  
տորավայրը — Ի՞նչ է մայրապետը :— Ի՞նչ ըսել է երկ-  
պառակութեան որոմ ցանել :— Ի՞նչ ըսել է փառասէր եւ  
փառասէր մարդ մը ի՞նչ կընէ :

### Դ Ա Ս 62.

#### ԸՆԹԵՐՑԱՆՈՒԹԻՒՆ

#### ՀԱՅՈՑ ՊԱՏՄ ՈՒԹԻՒՆ

#### ՌՈՒԲԻՆԵԱՆՑ ԹԱԳԱՒՈՐՈՒԹԵԱՆ ԿՈՐԾԱՆՈՒՄԸ

Լեւոն Դ. — ի յաջորդեց իր եղբայրը Օշին որ  
մէկէն զօրք գումարելով յաղթեց թշնամիներուն  
որոնք մեծ բազմութեամբ Կիլիկիոյ վրայ եկած

էին: Օչին 12 տարի մեծ քաջութեամբ և խելքով ազգը կառավարելէն ետք մեռաւ:

Օչինի յաջորդեց Լեւոն Ե.: Իր ատենը, Եգիպտացիք, թիւրքմէնք և թաթարք սկսան Կիլիկիոյ վրայ յարձակիլ: Ասոր պատճառը Լեւոնն էր որ Լատին իշխաններու հետ կը թղթակցէր և այսպէսով թագաւորութեան կործանելուն պատճառ եղաւ:

Լեւոն Ե. 24 տարի խելճութեամբ թագաւորելէն ետք մեռաւ: Անոր յաջորդեց Յովհաննէս Պայլ անուն Լատին իշխան մը որ հայերը ատելուն համար սպաննուեցաւ: Անոր յաջորդեց իր եղբայրը Գուրտոն որ հայոց եկեղեցիին մէջ Լատին ծեսեր մտցնել ուզելուն համար երկու տարի վերջ այն ալ սպաննեցին: Անոր յաջորդեց Կոստանդին Դ. որ թէև Լատին էր, բայց 18 տարի խելացութեամբ կառավարեց և Եգիպտացիներն ալ յաղթելէ վերջ մեռաւ: Քիչ մը ատեն Կիլիկիա անտէր մնալէն վերջ, իշխանները միանալով Լեւոն Զ. Լուսինեանը թագաւոր դրին, որուն միայն մայրը հայ էր:

Լեւոն Զ. իր խելացութեամբը լաւ պիտի կառավարէր ազգը, բայց աւա՛ղ որ ժամանակը չօգնեց ու թշնամիները զօրացած սկսան յարձակիլ երկրին վրայ: Եգիպտոսի Սուլթանը անհամար զօրքով Կիլիկիա եկաւ և Լեւոնը բռնելով գերի տարաւ Եգիպտոս: Հոն 7 տարի բանտը մնալէն վերջ ազատեցաւ ու նախ Երուսաղէմ գը-

նաց և իր ընտանիքը հոն ձգելով Եւրոպայ գնաց  
և Փարիզի մէջ մեռաւ 1393 թուականին եւ հոն  
թաղուեցաւ :

Հայոց վերջին թագաւորին գերեզմանը մին-  
չեւ այսօր կը մնայ Փարիզի մէջ :

ՀԱՐՑՈՒՄ : Ի՞նչ պատճառաւ կործանեցաւ Ռուբին-  
եանց թագաւորութիւնը : Լեւոն Զ-ի վրայ ի՞նչ գիտես :

### ՈՒՂՂԱԳՐՈՒԹԻՒՆ

Հետեւեալ բառերուն հակառակները գրեցէք : Ատե-  
լութիւն, ջերմութիւն, հանդարտ, յիմար, վազել, աշ-  
խատիլ, սուր, ուղիղ, շոայլ, նոր, կուշտ, քաղցր, աղ-  
տոտ, հեռանալ, ծախել, զօրանալ, լռել, հանդարտիլ,  
հաշտուիլ, կորսնցնել, ծառայ, հիւանդանալ :

### Դ Ա Ս 63.

#### ԸՆԹԵՐՑԱՆՈՒԹԻՒՆ

#### ԳԱՅԼ ԵՒ ԳԱՌՆՈՒԿ

(Իրաւունքը գորաւորինն է)

Անմեղ գառնուկ մը առուակի՛մ մը եզերքը  
կեցած՝ յստակ՛ջ ջրով իր ծարաւը կը յագեցնէր՝  
Յանկարծ վրայ կը հասնի սովալլուկ՛ս գայլ մը  
որ որս կը փնտռէր, խեղճ գառնուկը տեսնելուն  
պէս, անօթի գայլը կը գոչէ. «Թշուառական,  
ի՞նչ յանդգնութիւն որ իմ խմելիք ջուրս կը  
պղտորես :

Generated on 2016-07-19 08:41 GMT / http://hdl.handle.net/2027/hvd.32044098778665  
Public Domain, Google-digitized / http://www.hathitrust.org/access\_use#pd-google

— Տէր իմ, կը պատասխանէ գառնուկը մեղմճ  
ձայնով, մի՛ բարկանաք. կաղաչեմ, չնորհ ըրէք  
նայեցէ՛ք. ծառանիդ ձեզմէ քսան քայլ վարէն  
կը խմէ. հետեւաբար կարելի չէ որ ձեր վեհա-  
փառութեան<sup>7</sup> ըմպելիքը<sup>8</sup> պղտորէ:

— Քեզ քաջէ լեզուդ, անպիտա՛ն, կը պղտո-  
րես ըսի, գոչեց անգութ գայլը: Սա ալ կայ որ  
դուն զիս բամբասեր<sup>9</sup> ես անցեալ տարի:

— Կարելի՞ բան է այդ, յարեց<sup>10</sup> գառնուկը,  
քանի որ անցեալ տարի ծնած չէի. դեռ կաթ կու-  
տեմ:

— Եթէ դուն չէիր՝ եղբայրդ էր:

— Ներեցէք Տէ՛ր, եղբայր չունիմ:

— Ուրեմն քու ազգականներէդ մէկն էր,  
վասնզի դուք ամենքդ ալ՝ հովիւ, շուն, ոչխար՝  
ինծի անհաշտ<sup>11</sup> թշնամի էք և անխնայ<sup>12</sup> կը չա-  
րախօսէք իմ վրաս. ես այսպէս համոզուած եմ  
և հիմայ առիթն է վրէժս լուծելու»:

Այսպէս վճռեց գայլը. ալ ուրիշ պատասխա-  
նի չսպասեց. խածաւ անմեղ գառնուկը, անտա-  
ռը տարաւ և հոն լափեց<sup>13</sup> գայն:

---

ՀԱՐՑՈՒՄ: Ի՞նչ բարոյական պէտք է հանել այս ա-  
ռակէն: Վրան թիւեր դրուած բառերը բացատրեցէք:

## ՈՒՂՂԱԳՐՈՒԹԻՒՆ

Շարադրութեան ձեռով

Բացատրեցէք թէ ի՞նչ օգտակարութիւն ունին հե-  
տեւեալները.

Երկաթ, փղոսկր, կիր, յարդ, մեղու, ոչխար, ա-  
ծուխ, շերամ, կատու, ալր, սառ, ձի, ուղտ, կաթ,  
խաղող, բուրդ:

Դ Ա Ս 64.  
ԸՆԹԵՐՑԱՆՈՒԹԻՒՆ  
ԿՐՕՆՔ  
ՅԻՍՈՒՍԻ ԸՆԾԱՅՈՒՄԸ

Յովսէփ և Մարիամ, ծնելէն քառասուն օր  
ետքը Յիսուսը տարին Երուսաղէմի տաճարը,  
Աստուծոյ ընծայելու: Այդպէս կը պատուիրէր  
Մովսէսի օրէնքը, որուն համաձայն, հարուստ-



ՅԻՍՈՒՍԻ ՓԱԽՈՒՍԸ

ները իբր ընծայ զոյգ մը գառնուկ կը տանէին  
նորածինին հետ, և աղքատներն ալ զոյգ մը  
տատրակ: Յիսուսի ծնողքը աղքատ էին և զոյգ  
մը տատրակ տարին:

Այն ատենները Երուսաղէմի մէջ Սիմէօն ա-

նունով արդար և աստուածավախ ծերունի մը կար: Մ. հոգին անոր խոստացած էր որ Փրկիչը չտեսած չմեռնի: Երբ Յիսուս տաճարը կը գտնուէր, Սիմէօն եկաւ, մանուկը գիրկը առաւ և ըսաւ. «Տէր, հիմայ խաղաղութեամբ առ հոգիս, որովհետև աչուրներս տեսան Փրկիչը զոր պատրաստեցիր բոլոր ազգերուն համար»:

Այդ միջոցին Հերովդէս, հասկնալով թէ Մոգերը չպիտի դառնան իր քով, հրամայեց որ Բէթղէէմի և շրջականերուն մէջ գտնուող երկու տարեկանէն պզտիկ բոլոր տղաքը մեռցնեն. այսպէսով կը յուսար Յիսուսը ապահով կերպով սպաննել տալ:

Բայց Աստուծոյ հրեշտակը, երազի մէջ Յովսէփին երեւնալով ըսաւ. «Ելի՛ր, ա՛ռ տղան ու մայրը, փախի՛ր Եգիպտոս և հոն մնացիր մինչև որ ես քեզ իմաց տամ, որովհետև Հերովդէս մանուկը կը փնտռէ սպաննելու համար»): Յովսէփ ելաւ գիշերանց, առաւ Մարիամն ու Յիսուսը և փախաւ Եգիպտոս և հոն մնաց մինչև Հերովդէսի մահը, ուրկէ վերջ, հրեշտակին հրամանով, դարձաւ Իսրայէլացոց երկիրը և հաստատուեցաւ Նազարէթ քաղաքը: Այնտեղ բնակելուն համար է որ Յիսուս Նազովրեցի կոչուեցաւ:

### ՈՒՂՂԱԳՐՈՒԹԻՒՆ

Հետևեալ հատուածին մէջի տառասխալները ուղղեցէք:

Ամեն մարթ պետզ է իր ասքին պատմուղիւնը կարթայ ու քիտնա: մէր պատմուղեան մէջ կը տէսնէնք որ թավաճան հայէր ալ քտնվէր են որ ազքին վրնաս հասուճաճ և անոր թշվառուղեան պատճար եղաճ են: Ասիկա հայրէնասիրուղիւն չէ բնավ:



Դ Ա Ս 65.  
ԸՆԹԵՐՑԱՆՈՒԹԻՒՆ  
ՀԱՅՈՑ ՊԱՏՄ ՈՒԹԻՒՆ  
ԼԷՆԿԹԻՄՈՒՐ

Ռուբինեանց թագաւորութեան կործանումէն վերջ, բոլոր Հայաստան պատերազմի դաշտ դարձաւ, որովհետեւ մէկ կողմէն պարսիկները և միւս կողմէն Եգիպտոսի Սուլթանը կուզէին Հայաստանի տիրել: Նոյն միջոցին արիւնկզակ թշնամի մը Լէնկթիմուր որ թաթարներուն թագաւորն էր, անհամար զօրքով Հայաստան եկաւ և սկսաւ հասած տեղերը սոսկալի անգթութիւններ ընել. Կարս քաղաքը առնելով շատ մարդ ջարդեց, յետոյ առաւ Սեբաստիա քաղաքը, եւ որովհետեւ երդում ըրած էր սուրով մարդ չըսպաննել, ուստի նախ քաղաքին զօրքերը ողջ ողջ թաղել տուաւ, յետոյ տղաքը և ծերերը ձեռքերնին ու ոտքերնին կապած դաշտի մը մէջ ձգելով կատղած ձիերու կոխկռտել տուաւ և հիւանդ ու տկարներն ալ խեղդել տուաւ:

Այդ միջոցին թուրքերու թագաւորը Փաթիհ Սուլթան Մէհմէտ Պոլիսը Յունաց ձեռքէն տուաւ և Պոլսոյ զանազան կողմերը բնակեցուց և ծաղկեցնելու համար շատ երեւելի հայեր բերել տուաւ և Պոլսոյ զանազան կողմերը բնակեցուց և անոնց գլուխ կարգեց Պատրիկ (պատրիարք) մը 1461 թուականին:

Սուլթան Մէհմէտ բոլոր Յունաստանի տիրելէն վերջ կուզէր նաև տէր ըլլալ Հայաստանի. ուստի իրեն նախկին բարեկամներէն Պրուսա քաղաքի առաջնորդը Յովակիմ եպիսկոպոսը Պօլիս կանչելով հայոց վրայ պատրիարք դրաւ եւ կարգ մը իշխանութիւններ տուաւ անոր, որպէսզի սիրտը շահի իր նպատակին հասնելու համար:

ՀԱՐՑՈՒՄ : Ի՞նչ գիտես Լէնկթիմուրի վրայ : Ի՞նչ եղաւ Հայաստանի վիճակը և ինչպէ՞ս սկսաւ հայերու բռնակուլութիւնը Պօլսոյ մէջ :

## ՈՒՂՂԱԳՐՈՒԹԻՒՆ

Շարադրութեան ձևով

Հետեւեալ բառերուն սահմանը տուէք ըսելով թէ 1. Ի՞նչ են, 2. Ինչէ՞ շինուած են և 3. Ի՞նչ բանի կը ծառայեն :

Սղոց, ուրազ, կացին, հրացան, թնդանօթ, մատիտ, ծխախոտ, աղամանդ, հովանոց, հայելի, ածելի, օճառ, խողանակ :



## Յ Ա Ի Ե Լ Ո Ւ Ա Ծ

Հետեւեալ մէկ քանի էջերուն մէջ համառօտ կերպով կը ներկայացնենք Յիսուսի կեանքի գլխաւոր մասերը մինչեւ Անոր Համբարձումը, թերի ձգած չըլլալու համար Նոր Ուխտի պատմութեան մասը:

### ՅԻՍՈՒՍ ՏԱՃԱՐԻՆ ՄԷՋ

Յովսէփ և Մարիամ ամեն տարի Չատկուան տօնին Երուսաղէմ կերթային: Երբ Յիսուս տասներկու տարեկան էր, նորէն գացած էին Չատիկը Երուսաղէմ անցնելու: Վերադարձին Յիսուս Երուսաղէմ մնաց, մինչդեռ Յովսէփ և Մարիամ կը կարծէին թէ իրենց ճամբու ընկերներուն հետ կը գտնուի:

Օրուան մը ճամբայ երթալէ վերջ, յանկարծ տեսան որ Յիսուս չկայ, իսկոյն փնտռեցին ամեն կողմ, ու չը գտնելով՝ վերադարձան Երուսաղէմ: Ամբողջ երեք օր զայն փնտռելէ ետք, վերջապէս գտան տաճարին մէջ, նստած վարդապետներուն հետ, որոնց հարցումներ կուղղէր: Բոլոր լսողները կը հիանային իր իմաստութեան և տուած պատասխաններուն վրայ:

Յովսէփ և Մարիամ զարմացան զինքը այդտեղ տեսնելով. «Չաւակս, ի՞նչ ըրիր, ըսաւ Մարիամ, երեք օր է որ քեզ կը փնտռենք և շատ չարչարուեցանք քեզի համար»: Այն ատեն Յիսուս պատասխանեց. «Ինչո՞ւ զիս կը փնտռէիք, չէ՞ իք գիտեր թէ ես պէտք է հօրս տան մէջ ըլլամ»:

Մարիամ և Յովսէփ չհասկցան այս խօսքին իմաստը: Յիսուս անոնց հետ վերադարձաւ Նազարէթ: Միշտ կը հնազանդէր անոնց խօսքին, կը զարգանար իմաստութեամբ և հասակով եւ Աստուծոյ ու մարդոց առջեւ աւելի շնորհալի կը դառնար:

ՀԱՐՑՈՒՄ: Յովսէփ և Մարիամ ինչպէ՞ս կորսնցուցին Յիսուսը և ո՞ւր գտան զայն: Ի՞նչ կը նշանակէր Յիսուսի տուած պատասխանը: Յիսուս ի՞նչ տեսակ յատկութիւններով նշանակելի կը դառնար:

#### ՅԻՍՈՒՍԻ ՄԿԻՏՈՒԹԻՒՆԸ

Զաքարիայի որդին Յովհաննէս, անապատին մէջ կապրէր, երբ Աստուած հրամայեց որ երթայ քարոզելու Յորդանանի կողմերը: Յովհաննէս ուղտի բուրդէ հագուստ կը հագնէր, կաշիէ գօտի կը կապէր և մարախ և վայրի մեղր կուտէր:

Երբ Յորդանան եկաւ, սկսաւ քարոզել. «Ապաշխարեցէք, որովհետեւ երկնքի թագաւորութիւնը կը մօտենայ. ահա ինձմէ աւելի զօրաւոր մէկը կուգայ, որուն ոտքին կօշիկները անգամ քակելու արժանի չեմ ես. ես ձեզ ջուրով կը մկրտեմ, բայց Ան Ս. Հոգիով պիտի մկրտէ»:

Ու կը մկրտէր բոլոր ապաշխարողները: Հրէաստանի ամեն կողմերէն մարդիկ կուգային իր մօտ. կը խոստովանէին իրենց մեղքերը եւ կը մկրտուէին Յորդանանի մէջ:

Յիսուս որ այն ատենները երեսուն տալի-  
կան էր, նոյնպէս Նազարէթէն Յորդանան եկաւ  
Յովաննէսէն մկրտուելու համար: Յովաննէս  
չուզեց մկրտել, ըսելով. «Ես պէտք է քեզմէ  
մկրտուիմ, դո՞ւն ինձի կուզաս»: Բայց Յիսուս  
պատասխանեց. «Թող որ մկրտուիմ հիմայ.  
պէտք է որ ընենք ինչ որ արդար է»: Յովաննէս  
այլեւս դէմ չկեցաւ և մկրտեց Յիսուսը:



ՅԻՍՈՒՍԻ ՄԿՐՏՈՒԹԻՒՆԸ

Այդ միջոցին երկինքը բացուեցաւ և Յով-  
աննէս տեսաւ որ Ս. Հոգին աղաւնիի կերպա-  
րանքով կիջնէ Յիսուսի վրայ:

Միևնոյն ժամանակ երկինքէն ձայն մը լըս-  
ուեցաւ որ կըսէր. «Այդ է իմ սիրելի որդիս ու-  
րուն հաւնած եմ»):

## ՅԻՍՈՒՍԻ ԱՌԱՔԵԱԼՆԵՐԸ

Մկրտուելէն վերջ Յիսուս Գալիլիա գնաց: Օր մը երբ ծովեզերքը կը պտտէր, երկու նաւակներ տեսաւ և խումբ մը ձկնորսներ որոնք իրենց ուռկանները կը լուային:

Ձկնորսները կը տրտնջային թէ ամբողջ գիշերը աշխատեցան և չկրցան բան մը որսալ: Այն ատեն Յիսուս մտաւ նաւակներէն մէկուն մէջ, որուն տէրը Սիմօնն էր և հրամայեց որ նորէն ուռկան նետեն: Այս անգամ ձուկերը այնքան առատ լեցուեցան ուռկաններու նմէջ որ Սիմօնն նաւակին ձկնորսները ստիպուեցան միւս նաւակին մարդիկը օգնութեան կանչել ուռկանը քաշելու համար, ու երկու նաւակներն ալ ընկղմելու աստիճան լեցուեցան:

Սիմօն և իր ընկերները զարմացան այդ արդիւնքը տեսնելով, և հասկցան որ սուրբ մարդ մըն էր Յիսուս: Երբոր ցամաք ելան, Յիսուս ըսաւ անոնց. «Ինձի հետեւեցէք և ես մարդու որսորդ պիտի ընեմ ձեզ»:

Ձկնորսները թողուցին իրենց ուռկանները և Յիսուսի հետեւեցան:

Գալիլիոյ մէջ, ժողովուրդը միշտ կուգար կը հաւաքուէր Յիսուսի շուրջը, անոր քարոզութիւնները մտիկ ընելու համար. շատեր կուգէին բնաւ չը բաժնուիլ իրմէ: Յիսուս տասներկու հոգի ընտրեց որոնք իր առաքեալները եղան: Ասոնք էին, Սիմօն որ Պետրոս կը կոչուէր, իր եղբայրը Անդրէաս, Յակոբոս և եղբայրը Յովհան-

նէս, Փիլիպպոս, Բարթողիմէոս, Թովմաս, Մատթէոս, Յակոբոս, Սիմօն Կանանացի, Թադէոս և Յուդա Իսկարիովտացի:

Յիսուս կը քարոզէր թէ արքայութիւն մը ներու համար պէտք է մկրտուիլ, թէ ինք մարդիկը փրկելու համար աշխարհ եկած է և թէ պէտք է հաւատալ իր աստուածութեան:

Ամեն կողմէ հիւանդներ կը բերէին Յիսուսի, որ անմիջապէս կը բժշկէր: Կը բաւէր որ իրեն հաւատան, և բժշկութիւնը կը կատարուէր:

ՀԱՐՑՈՒՄ: Ծովեզերքը ի՞նչ պատահեցաւ: Ի՞նչ ըսել է թէ մարդու որսորդ պիտի ընէ զիրենք: Որո՞նք էին ընտրուած առաքեալները: Ի՞նչ կը քարոզէր Յիսուս:

## ՅԻՍՈՒՍԻ ՔԱՐՈԶՈՒԹԻՒՆՆԵՐԸ

Յիսուս միշտ կը շրջէր ժողովուրդին մէջ և կը քարոզէր անոնց երկնքի արքայութեան վրայ: Ամեն կողմերէ խուռն բազմութեամբ կուգային իրեն խօսքերը մտիկ ընելու: Ամեն անգամ Յիսուս իր քարոզութիւնները առականերով կը բացատրէր որպէսզի ժողովուրդը լաւ հասկնայ:

Այդ երկրին մէջ սով ծագեցաւ և ինքն ալ սուս: Մարդ մը երկու զաւակ ունէր. օր մը պրդտիկը ըսաւ հօրը. «Հայր, քու հարստութենէդ ինձի ինկած բաժինը տուր»: Հայրը իր ունեցածը տղոցը բաժնեց: Պզտիկ տղան իր բաժինը առնելով հեռու երկիր գնաց և հոն անառակութեամբ ապրելով ունեցածը վատնեց:

Այդ երկրի նմէջ սով ծագեցաւ և ինքն ալ անօթի մնալով, գնաց ագարակի մը մէջ խոզեր արածելու: Այնքան խեղճ էր որ խոզերուն կերած եղջիւրները ուտել կուզէր, բայց չէին տար իրեն:

Այն ատեն մտածեց թէ իր հօրը տունը շատ մը ծառաներ կան որ հանգիստ կապրին ու հաց կուտեն, մինչդեռ ինք այնտեղ անօթի մեռնելու վրայ է. ուստի որոշեց երթալ հօրը ոտքը իյնալ և խնդրել որ զինքը գոնէ իբր ծառայ ընդունի: Այնպէս ալ ըրաւ:

Երբ հայրը իր զաւակը տեսաւ, վազեց գլրկեց զայն և համբուրեց: Տղան ըսաւ. «Հա՛յր, մեղք գործեցի, ասկէ վերջը արժանի չեմ քու զաւակդ կոչուելու»: Բայց հայրը իսկոյն հրամայեց ծառաներուն որ անոր հին հագուստները հանեն և նորեր հագցունեն, մատանի դնեն մատը և եզ մը մորթեն ուրախանալու համար:

Մեծ եղբայրը, արտէն տուն դառնալուն տեսաւ և հասկցաւ եղածը, ու բարկանալով ըսաւ. «Հայր, այսչափ տարի է քեզի կը ծառայեմ եւ քու պատուէրներդ կը յարգեմ, ինծի ուլ մը անգամ չգոհեցիր. մինչդեռ պզտիկ եղբօրս համար ամենէն լաւ եզը մորթեցիր»: Հայրը պատասխանեց. «Ձաւակս, դուն ամեն ատեն քովս ես և ունեցածս քուկդ է. բայց պէտք է ուրախանալ պրզտիկ եղբօրդ համար, որովհետև անիկա մեռած էր՝ կենդանացաւ, կորսուած էր՝ գտնուեցաւ»:

(Բացատրել այս առակին նշանակութիւնը):



Օր մը Առաքեալները ըսին Յիսուսի որ իրենց աղօթել սորվեցնէ: Յիսուս ըսաւ. «Երբ աղօթքի կենաք, շատ բան մի խնդրէք Աստուծմէ, այլ միայն երկնքի Արքայութիւնը ուզեցէք և ձեզի պէտք եղած բոլոր բաները ձեր հայրը կը պարգեւէ ձեզի»:

Ու հետեւեալ աղօթքը սորվեցուց.

Հայր մեր որ յերկինս ես, սուրբ եղիցի անուն քո, եկեացէ արքայութիւն քո, եղիցին կամք քո որպէս յերկինս և յերկրի. զհաց մեր հանապազորդ՝ տուր մեզ այսօր. և թող մեզ զպարտիս մեր՝ որպէս և մենք թողումք մերոց պարտապանաց և մի տանիր զմեզ ի փորձութիւն այլ փրկեալի չարէ զի քո է արքայութիւն և զօրութիւն եւ փառք յաւիտեանս. ամեն:

## ՅԻՍՈՒՍԻ ՀՐԱՇՔՆԵՐԸ

### ՀԱՅԸ ԿԸ ՇԱՏՑՆԷ

Ժողովուրդը վարժուած էր Յիսուսի և ուր որ երթար, անկէ չէր բաժնուեր: Օր մը երբ քարոզը լմնցաւ, աշակերտները տեսնելով որ իրիկուն եղած է, ըսին իրեն. «Տէ՛ր, արձակէ ժողովուրդը որ երթայ մօտակայ գիւղերը և կերակուր գտնէ, որովհետեւ այս անապատին մէջ ուտելիք չի կայ: Յիսուս ըսաւ. «Դուք կերակրեցէք զանոնք»:

Աշակերտները պատասխանեցին թէ միայն հինգ հաց և երկու ձուկ ունին: Ատոր վրայ Յի-

սուս պատուիրեց աշակերտներուն որ, ժողովուրդը, յիսունական հոգի կարգ կարգ նստեցունեն: Յետոյ հինգ հացերը և երկու ձուկերը առնելով, աղօթեց, կտրեց և աշակերտներուն տուաւ որ բաժնեն: Աշակերտները բաժնեցին և վերջը չեկաւ: Հինգ հազար ժողովուրդ կար այնտեղ ամենքն ալ կերան կշտացան:

Ժողովուրդը երբ այս հրաշքը տեսաւ, սկըսաւ աղաղակել թէ «Այս է ճշմարիտ մարգարէն»:

Յիսուս առաքեալները նաւը դրաւ և ինք ալ հեռանալով լեռան մը վրայ ելաւ աղօթելու:

Առաքեալները ծովուն վրայ փոթորիկի բռնուեցան և սկսան ողբալ, վախնալով որ պիտի խեղդուին: Յիսուս իսկոյն ծովուն վրայէն քալելով, անոնց մօտեցաւ: Առաքեալները կարծեցին թէ տեսիլք մըն է ասիկա, բայց Յիսուս ճանչցուց ինքզինքը: Այն ատեն Պետրոս ըսաւ իրեն. «Եթէ իրօք դուն ես, հրաման ըրէ որ ջուրերուն վրայէն քալելով քեզի գամ»: Յիսուսի հըրամանին վրայ Պետրոս ջուրը մտաւ, սակայն հովը սաստիկ ըլլալուն վախցաւ և սկսաւ աղաչել Յիսուսի որ ազատէ զինքը: Յիսուս բռնեց անոր թեւէն ու նաւը տարաւ, ուր աշակերտները երկրպագեցին իրեն, ըսելով որ իրօք Աստուծոյ Որդին է:

### ՂԱԶԱՐՈՍԻ ՅԱՐՈՒԹԻՒՆԸ

Մարթա և Մարիամ անուն երկու քոյրեր կային որոնք Ղազարոս անունով եղբայր մը ունէին զոր Յիսուս շատ կը սիրէր:

Օր մը Ղազարոս հիւանդացաւ և քոյրերը Յիսուսի լուր ղրկեցին որ գայ և բժշկէ: Բայց երբ Յիսուս եկաւ, Ղազարոս մեռած և չերս օրէ ի վեր գերեզման դրուած էր արդէն:

Մարթա ըսաւ Յիսուսի. «Տէ՛ր, եթէ դուն այստեղ ըլլայիր, եղբայրս չէր մեռներ, բայց ես գիտեմ թէ հիմայ ինչ որ Աստուծմէ խնդրես, կուտայ քեզի»:

Յիսուս ըսաւ անոր որ եղբայրը Յարութիւն պիտի առնէ: Յետոյ Ղազարոսի գերեզմանին քով երթալով, վերցնել տուաւ գերեզմանաքարը ու բարձր ձայնով կոչեց. «Ղազարո՛ս, դուրս եկուր»:

Մեռեալը, իրօք ողջնցաւ: Յիսուս հրամայեց որ կապերը քակեն, և երբ քակեցին, Ղազարոս ոտքի ելաւ ողջ առողջ:


Շատ հրէաներ որոնք Յիսուսի չէին հաւատար, այս հրաշքը տեսնելով ծունկի եկան անոր առջեւ և սկսան հաւատալ թէ իրօք Աստուծոյ Որդի է: Իսկ շատեր ալ գացին փարիսեցիներուն և քահանայապետներուն պատմեցին եղածը. անոնք ալ սկսան բարկանալ և միտքերնին դրին որ անպատճառ սպաննեն Յիսուսը:

## ՅԻՍՈՒՍԻ ՄՈՒՏՔԸ ԵՐՈՒՍԱՂԷՄ

(ԾԱՂԿԱԶԱՐԴ)

Յիսուս Երիքովէն Երուսաղէմ անցաւ: Երբ Զիթենեաց լերան մօտեցաւ, իշու մը վրայ հեծաւ և անանկ մտաւ Երուսաղէմ: Ժողովուրդէն

չատեր՝ իրենց հագուստները գետինը կը փռէին,  
որպէսզի Յիսուս անոնց վրայէն անցնի. ուրիշ-



ՅԻՍՈՒՍԻ ՄՈՒՏՔԸ ԵՐՈՒՍԱՂԷՄ

ներ՝ ձիթենիի և արմաւենիի ոստեր կը կտրէին  
ու կը սփռէին անոր անցած ճամբուն վրայ: Իսկ  
աշակերտները Աստուած կը փառաբանէին ըսե-

լով. «Փա՛ռք Դաւիթի զաւկին, օրհնեա՛լ ըլլայ Աստուծոյ անունով եկող թագաւորը. խաղաղութիւն երկինքը և փա՛ռք բարձունքներուն մէջ»):

Բազմութեան մէջէն քանի մը փարիսեցիներ եկան ըսին Յիսուսի. «Վարդապե՛տ, յանդիմանէ աչակերտներդ որ լռեն»): Որովհետև չէին ուզեր Աստուծոյ որդի ճանչնալ Յիսուսը:

Յիսուս անոնց պատասխանեց («Եթէ անոնք լռեն, քարերը պիտի աղաղակեն»):

Յիսուս երբ Տաճարը մտաւ, տեսաւ որ շատ մը առևտուր ընողներ հաւաքուած են հոն. իսկոյն խարազան մը առաւ և բոլորն ալ դուրս վճնտեց ըսելով. «Իմ տունս աղօթքի տուն պիտի ըլլայ և դուք աւազակներու որջ դարձուցեր էք»):

## ԽՈՆԱՐՀՈՒԹԵԱՆ ԴԱՍԸ

(ՈՏՆԱԼՈՒԱՅ)

Չատկի օրը հասած ըլլալով, Յիսուսի աչակերտները հարցուցին թէ ո՞ր պիտի ընէ զատկուան ճաշը: Յիսուս քաղաքին մէջ տուն մը ցոյց տուաւ և պատուիրեց որ երթան իմաց տան:

Իրիկունը Յիսուս իր տասներկու առաքեալներուն հետ այնտեղ գնաց և սեղան նստաւ: Բայց ընթրիքի միջոցին ոտքի ելաւ, դենջակ մը առնելով մէջքին կապեց և կոնքին մէջ ջուր դնելով սկսաւ լուալ իր աչակերտներուն ոտքերը:

Պետրոս չուզեց հնազանդիլ ըսելով. «Տէ՛ր, դո՞ւն պիտի լուաս իմ ոտքերս»):

Սակայն Յիսուս պնդեց և բոլոր առաքեալներուն ոտքերը լուալէ վերջ ըսաւ անոնց. «Ես

ձեր վարդապետը ու տէրը ըլլալով ձեր ոտքերը լուացի, պէտք է որ դուք ալ իրարու ոտքերը լուացաք. դուք ալ ինծի պէս ընէք ձեզմէ խոնարհներուն: Այն որ կուզէ մեծ ըլլալ, պէտք է որ ամենէն պզտիկին պէս ըլլայ»):

Մէջերնուն Յուդա անունով առաքեալը շատ արծաթասէր էր: Փարիսեցիները տեսնալով որ ժողովուրդը Յիսուսը կը սիրէ և անոր խօսքերուն կը հետեւի, սկսան նախանձիլ և զայն ըսպաննելու համար Յուդայի 30 չափ արծաթ դրամ խոստացան որ Յիսուսը իրենց մատնէ: Յուդա ալ խոստացաւ և յարմարատենի մը կըսպասէր Յիսուսը մատնելու:

### ԸՆԹՐԻՔԸ ԵՒ ՄԱՏՆՈՒԹԻՒՆԸ

Ոտնալուայէն վերջ ընթրիքը շարունակուեցաւ: Յիսուս տխուր էր և երբ աշակերտները պատճառը հարցուցին Յիսուս ըսաւ. «Գիտցէք որ ձեզմէ մէկը պիտի մատնէ զիս»):

Ասոր վրայ ամենքը զատ զատ հարցուցին թէ ո՞վ է մատնողը: Յուդա ալ մօտենալով հարցուց. «Միթէ ե՞ս եմ»): Յիսուս ալ պատասխանեց. «դուն ըսիր» և պատառը թրջելով անոր տուաւ: Յուդա անմիջապէս մեկնեցաւ անկէ:

Այն ատեն Յիսուս առաւ հացը, օրհնեց, կտրեց և աշակերտներուն տուաւ ըսելով. «Առէ՛ք, կերէ՛ք, ասիկա իմ մարմինս է»): Յետոյ գինին առնելով օրհնեց և անոնց տալով ըսաւ. «Ամենքդ ալ խմեցէք, ասիկա իմ արիւնս է որ

ձեզի և բոլոր մարդոց համար պիտի թափուի»:

Ընթրիքէն վերջ Յիսուս և իր աշակերտները Զիթենեաց լեռը բարձրացան և սկսան աղօթել: Յիսուս անոնց ըսաւ թէ ամենքն ալ այն գիշերը զինքը պիտի ձգեն ու փախչին: Պետրոս բողոքեց այս խօսքին դէմ: Յիսուս ալ ըսաւ թէ «Պետրոս, այս գիշեր դեռ աքաղաղը չխօսած, դուն երեք անգամ պիտի ուրանաս զիս»:

Յետոյ լեռնէն իջնելով մտան Գեթսեմանիի պարտէզը. հոն Յիսուս սկսաւ առանձին աղօթել, մինչդեռ առաքեալները քնացած էին:

Այդ միջոցին քահանայապետներու և փարիսեցիներու ծառաներէն մեծ խումբ մը, իրենց գլուխը ունենալով Յուդան, եկաւ զինքը շրջապատեց:

Յուդա Քրիստոսի մօտենալով զայն համբուրեց որովհետեւ խումբին ըսած էր թէ համբուրելիք մարդն է Յիսուսը:

Բազմութիւնը մօտեցաւ Յիսուսի զայն բռնելու համար. Պետրոս իր սուրը քաշեց և ծառայի մը ականջը կտրեց: Բայց Յիսուս արգիլեց Պետրոսի սուր գործածել և ծառային մօտենալով ականջը փակցուց, ու յետոյ թողուց որ զինքը ձերբակալեն:

Սումբը Յիսուսը բռնեց, կապեց և ճամբայ ելաւ, մինչդեռ բոլոր առաքեալները վախնալով փախան Յիսուսի քովէն:

### ՅԻՍՈՒՍԻ ԴԱՏԱՍՏԱՆԸ ԵՒ ՉԱՐՉԱՐԱՆՔԸ


Հրէաները նախ Աննա քահանայապետին տունը տարին Յիսուսը որ մէկ քանի հարցումներ ընելէ վերջ կապեց և Կայիափայի ղրկեց: Հոն շատ մը սուտ վկաներ զրպարտութիւններ ըրին Յիսուսի վրայ. հոն գտնուողները լսելով Յիսուսի վրան յարձակելով սկսան ապտակել, երեսը թուքնել և ծեծել: Այդ միջոցին Պետրոս դուրսը նստած կրակին քով կը տաքնար. քանի մը հոգի իրեն մօտենալով ըսին թէ ինքն ալ Յիսուսի հետեւողներէն է. բայց Պետրոս վախնալով երեք անգամ ուրացաւ ըսելով թէ չճանչնար Յիսուսը, և այդ միջոցին աքաղաղը խօսեցաւ ու Պետրոս Յիսուսի խօսքը յիշելով զղջաց և սկսաւ լալ:

Յուդա ալ զղջալով իր ըրածին վրայ, գնաց ետ տուաւ իր առած դրամը և անձնասպան եղաւ ինքզինքը կախելով:

Յաջորդ առտու կանուխ հրէաները Պիղատոսին տարին Յիսուսը որ դատէ: Պիղատոս հարցումներ ընելով տեսաւ որ Յիսուս անմեղ է եւ ուզեց արձակել, բայց հրէաներուն բողոքէն վախնալով մահուան դատապարտեց զայն: Անոնք ալ ուրախանալով առին Յիսուսը և ծեծելէ վերջ կարմիր հագուստ մը հագցուցին, ձեռքը եղէգ մը տուին և գլուխն ալ փուշէ պսակ մը դնելով սկսան ծաղրել և ըսել. «Բարև, հրէաներու թագաւոր»:



Յիսուս համբերութեամբ կը կրէր ամեն  
չարչարանք: Զինուորները մահապարտներու  
յատուկ խաչափայտը Յիսուսի ուսը տուին և փո-  
ղոցներէն անցունելով սկսան Գողգոթա լեռը եր-  
թալ, հոն զայն խաչելու համար:




ՓՈՒՇԷ ՊՍԱԿ ՄԸ ԴՐԻՆ ՅԻՍՈՒՍԻ ԳՆՈՒԻՆ

Յիսուս խաչին ծանրութենէն չէր կրնար  
քալել. այդ միջոցին Սիմօն անուն մարդ մը  
կանցնէր, խաչը անոր տուին որ լեռը տանի եւ  
իրենք ալ սկսան յառաջանալ: Մեծ բազմութիւն  
մը Յիսուսի կը հետեւէր և շատ մը կիներ կու-  
լային Յիսուսի վիճակը տեսնելով:

### ՅԻՍՈՒՍԻ ԽԱՉԵԼՈՒԹԻՒՆԸ ԵՒ ԹԱՂՈՒՄԸ

Երբ Գողգոթա ելան, հոն լեղիի խառնուած քացախ խմցնել ուզեցին Յիսուսի, որպէսզի ցաւ չզգայ. բայց Յիսուս միայն ճաշակեց: Յետոյ խաչին վրայ հանելով ձեռքերէն եւ ոտքերէն գամեցին խոշոր գամերով գլխուն կողմն ալ տախ-



ՅԻՍՈՒՍԻ ԹԱՉԵԼՈՒԹԻՒՆԸ

տակ մը դրին որուն վրայ գրուած էր «Յիսուս Նագովրեցի, թագաւոր հրեաներու»: Յիսուսի երկու կողմերն ալ երկու չարագործներ խաչեցին որոնցմէ մէկուն ներեց Յիսուս:

Այսպէս քանի մը ժամ խաչին վրայ մնաց Յիսուս. իրիկուան դէմ Յիսուս աղաղակեց. «Հայր հոգիս քու ձեռքդ կը յանձնեմ», և գլուխը ծռելով հոգին աւանդեց:

Այդ միջոցին Տաճարին վարագոյրը ինքնիրեն վերէն վար պատռելով երկու կտոր եղաւ, երկրաշարժ մը տեղի ունեցաւ, արեւը ծածկուեցաւ և շատ մը գերեզմաններ բացուելով, արդարներ յարութիւն առին: Հոն գտնուող հարիւ-

րապետը եղածները տեսնելով գոչեց թէ իրօք Աստուծոյ որդի էր Յիսուս, և շատեր իրենց կուրծքը ծեծելով ետ կը դառնային:

Յիսուսի մեռած օրը Ուրբաթ էր: Զինուորներէն մէկը իր նիզակը անոր կողը խոթեց հասկընալու համար թէ բոլորովին մեռած էր, ուրկէ արիւն և ջուր հոսեցաւ:

Յովսէփ անունով բարի մարդ մը Պիղատոսէն հրաման առնելով, Յիսուսի մարմինը խաչէն վար առաւ, խնկեց և պատանքի մէջ դնելով, մօտը գտնուող պարտէզ մը տարաւ: Հոն նոր շինուած մարմարէ գերեզմանի մը մէջ թաղեց Յիսուսը և գերեզմանին վրայ քարէ ծանր կափարիչ մը դնելով գնաց:

Զինուորներն ալ Յիսուսի գերեզմանին քովը կենալով, պահպանութիւն կընէին որպէսզի առաքեալները գալով չը գողնան մարմինը և յետոյ ըսեն թէ յարութիւն առաւ Յիսուս:

### ՅԻՍՈՒՍԻ ՅԱՐՈՒԹԻՒՆԸ

Կիրակի առտու, լուսնալու մօտ, երկրաչարժ եղաւ նորէն, երկինքէն հրեշտակ իջաւ գերեզմանին վրայ, կափարիչը մէկդի առաւ եւ նստաւ: Պահապանները ատիկա տեսնելով փախան և Յիսուս փառքով Յարութիւն առաւ:

Յիսուսի հետեւորդ կիները այն առտու խունկ եւ իւղ առնելով ճամբայ ելան դէպի Յիսուսի գերեզմանը: Ճամբան իրարու կը հարցընէին թէ ինչպէ՞ս պիտի վերցնեն ծանր կափարի-

չը: Բայց երբ գերեզմանին քով եկան, զարմանալով տեսան որ կափարիչը գլորեր է:

Այդ միջոցին հրեշտակ մը իրենց իմացուց թէ Յիսուս յարութիւն առած է և պատուիրեց անոնց որ երթան առաքեալներուն իմացնեն: Կիները շուտով գացին, աշակերտներու իմաց տրւին. անոնցմէ ոմանք հաւատալ չուզեցին, բայց Պետրոս և Յովհաննէս վաղեցին գերեզման և տեսան թէ իրաւ Քրիստոս յարութիւն առած է, գացին միւսներուն ալ իմացուցին:

Պահապանները քաղաք դառնալով պատմեցին պատահածը. սակայն քահանայապետները, առատ դրամ տուին անոնց որպէսզի ըսեն թէ իրենց քնացած ատենը աշակերտները եկան գողցան Յիսուսի մարմինը: Այդպէս ալ ըրին և այդ սուտ խօսքը մինչև այսօր տարածուեցաւ:

### ՅԻՍՈՒՍԻ ՀԱՄԲԱՐՁՈՒՄԸ

Յիսուս Յարութիւն առնելէն վերջ քանի մը անգամ երեւցաւ իր աշակերտներուն: Մէջերնուն թովմաս որ թերահաւատ էր, չէր ուզեր հաւատալ և օր մը Յիսուս անոր մատը իր կողը խօթել տուաւ որ ճանչնայ զինքը, ու ըսաւ. «Թովմաս, դուն զիս տեսնելէ վերջ հաւատացիր, երանի անոնց որ զիս չեն տեսներ ու կը հաւատան»:

Վերջին անգամ Յիսուս առաւ իր աշակերտները և Ձիթենեաց լեռը տանելով, օրհնեց զանոնք և ըսաւ.

«Ինչպէս որ Հայրը զրկեց զիս, ես ալ ձեզ կը զրկեմ : Գացէ՛ք բոլոր ազգերուն մօտ, սորվեցուցէք անոնց և մկրտեցէք զանոնք, Աստուծոյ, Որդիին և Սուրբ Հոգիին անունով :

Հազիւ թէ այս խօսքերը արտասանած էր, Յիսուս ձեռքերը բարձրացուց, վերջին անգամ ալ օրհնեց իր աշակերտները և անոնց աչուրներու նառջեւ սկսաւ կամաց կամաց երկինք համբառնալ :

Աշակերտները՝ զարմացած կը դիտէին, երբ ամպ մը ծածկեց զայն և հրեշտակ մը երեւալով ըսաւ թէ Յիսուս օր մը նորէն փառքով աշխարհ պիտի գայ :

Ասոր վրայ, բոլորն ալ երկրպագեցին և ուրախութեամբ լեցուած Երուսաղէմ դարձան :





# ԱՄԵՐԻԿԱՅԱՅ ՆԱՄԱԿԱՆԻ

ԿԸ ՊԱՐՈՒՆԱԿԷ 400 ԵՐԵՍ

Յ. Յ. ԶԱԳՄԱԳՃԵԱՆ

ԱՄԵՆԱՃՈՒՆ ԲՈՎԱՆԴԱԿՈՒԹԵԱՄԲ

ԵՒ ՄԻԱԿԸ ԻՐ ՏԵՍԱԿԻՆ ՄԷՋ

Ամերիկահայ նամականին կը պարունակէ Բարեկամական, Ընտանեկան, Յորդորական, Շնորհաւորական, ցաւակցական, Սիրային, Հարսանեկան եւ Առեւտրական նամակներ: Բազմաթիւ օրինակներ տրուած են նշանաւոր դէմքերու խիստ հետաքրքրական նամակներէն:

Ամերիկահայ նամականին կուտայ Ամերիկայի մէջ ընդունուած նամակագրութեան կանոններու ամփոփումը, ակնարկներ առեւտրական օրէնքներու վրայ, և տեղեկութիւններ Միացեալ Նահանգներու թղթատարական օրէնքներու և գիններու վրայ:

Ընթերցանութեան համար հաճելի, նորեկներու համար դաստիարակիչ, իսկ առեւտրականներու համար անհրաժեշտ գիրք մը: Անգլիերէն սորվելու ընտիր միջոց մը:

## ԳԻՆ ՄԷԿ ՏՈԼԱՐ

ՊԱՏԿԵՐԱԶԱՐԴ  
ԶՐՈՒՑԱՏՐՈՒԹԻՒՆ

ՀԱՅԵՐԵՆԷ ԱՆԳԼԻԵՐԵՆ

ԿԸ ԲԱՂԿԱՆԱՅ ՄՕՏ 400 ԷՋԵՐԷ ԵՒ ԿԸ ՊԱՐՈՒՆԱԿԷ

1. Զրուցատրութիւն, ճշգրիտ հնչումներով
2. Ընթերցանութիւն Առանց Ուսուցչի,
3. Քերականական գիտելիքներ,
4. Նամակագրութիւն կանոններով,
5. Կարեւոր Գիտելիքներ, Գունաւոր Քարտէսներ,  
Դրօշակներ եւ այլն:

ԵՐՐՈՐԴ ՏՊԱԳՐՈՒԹԻՒՆ

ԳԻՆ \$ 1,50

E. A. YERAN

745 Washington St.

Boston, Mass.



# ԺՈՂՈՎՐԴԱՅԻՆ ԵՐԳԱՐԱՆ

ԵՐԿՐՈՐԴ ՏՊԱԳՐՈՒԹԻՒՆ

ԳԻՆ \$ 1.50

Ժողովրդային երգարան մը գնելու ես որովհետեւ  
Ժողովրդային Երգարանը իր 750 երեսներուն մէջ  
կը պարունակէ մօտ 500 ընտիր երգեր—Ազգային, Յե-  
ղափոխական, Սիրային, Զաւեշտական, Կրօնական ևն :

Ժողովրդային Երգարանին ձայնագրուած բաժինը  
ծանօթ հայ երգչուհի Տիկ. Փանոսեան յատկապէս եր-  
գած՝ և մեծահամբաւ երաժիշտ Ն. Ամիրխանեանց  
նօթագրած է :

Ժողովրդային Երգարանը կը պարունակէ բազ-  
մաթիւ Հեղինակներու Լուսանկարներ, Նկարներ և  
Զարդեր :

Ժողովրդային Երգարանը կը գերազանցէ իր նա-  
խորդները իր ճոխութեամբ, գեղեցկութեամբ եւ  
կազմով :

Ժողովրդային Երգարանը պատրաստուած է նոր  
մեթոտով մը, որով կարելի է ակընթարթի մը մէջ  
գտնել փնտռած երգը :

Ժողովուրդը ընտրած է անոր երգերուն մեծ մասը  
և այդ պատճառով "Ժողովրդային Երգարան" անունը  
կը կրէ :





Widener Library



3 2044 098 778 665

HD

# Երան Հրատարակութիւններ

## Անգլիերէն Լեզու

Բառարան Հայ.-Անգլ. Գ. Տպագրութիւն	\$ .50
"    Անգլ.-Հայ. Գ.    "	.75
Երկուքը միասին կազմուած, ե. Տպագրութիւն	1.00
Նոյնը կաշեկազմ եւ ոսկեզօծ	1.50
Պատկերազարդ Զրուցատրութիւն, Հայ.-Անգլ.	1.50
Մուսավփէր Միւքեալէմէ, (Հայատառ) Տաճ.-Անգլ.	1.00
Ամերիկահայ Նամականի, Հայերէն եւ Անգլիերէն	1.00

## Հայերէն Լեզու

Նոր Քերական, Ամերիկահայ Մանուկներու համար,	.10
Մայրենի Լեզու, Ա. Տարի	.30
Միջին Դասնթացք, Մայրենի Լեզուի	.50
Տետր Գրավարժութեան, Հայերէն	.15
Այս բէն, Քարթոնի վրայ	.05
ՊԱՏՄՈՒԹԻԻՆ ՀԱՅՈՅ, Սկիզբէն մինչեւ մեր օրերը	2.00
ԺՈՂՈՎՐԴԱՅԻՆ ԵՐԳԱՐԱՆ	1.50

## Առողջաբանական

Գործնական Առողջաբանութիւն	1.00
Սեռային Առողջաբանութիւն	1.00
Պնդութիւնն ու Անոր Դարմանը	.15

## Զանազան

Փարլամենթական Կանոններ	.20
Սրափէնի Չարածճի Հնարամտութիւնները	.25
Նասրէտտին Հօճայի Զուարճալիքները	.35
Արլօր Եղբայր	.25
Բաղդադոյց եւ Երազահան	.10
Գաղանիք Կանանց	.10
Լուսանկարչութիւն	.25

## Փօք Քարտեր

Ազգային ծանօթ եւ սիրուած դէմքերու, 12 հատ	.15
Հայ թագաւորներու, թագուհիներու, քարճրաստիճան անձնաւորութիւններու, Գրական մշակներու, Յե- ղափոխական մարտիկներու, Արուեստագէտներու, Կրօնաւորներու, Բարերարներու, Լ.Ն. 40 հատ	.50

E. A. YERAN

745 Washington St., - Boston, Mass.